


1576





W. CONNOYES

AMSTERDAM

1845

1846

1847

1848

1849

1850

1851

1852

1853

1854

1855

1856

1857

1858

1859

1860

1861

1862

1863

1864

1865



DES  
MONNOYES,  
AUGMENT ET DIMI-  
NUTION DV PRIS D'ICEL-  
LES, LIVRE VNIQUE PAR FRAN-  
çois Grimaudet Aduocat du ROY au sie-  
ge presidial d'Angers.

A MESSIRE RENE CRESPIN  
*Cheualier seigneur du Gast des Loges &c. Con-  
seiller du ROY en son conseil privé, & Presi-  
dent en sa chambre des comptes à Paris.*



A PARIS,  
Chez Martin le Jeune, rue saint Jean de Latran,  
à l'enseigne du Serpent.  

---

M. D. LXXVI.  
Avec PRIVILEGE DU ROY.





SONNET

Au Lysleur.

Lors que l'humaine gent premier dessauagée  
Tien & mien establit en ce que fut commun:  
Quand pour mieux s'entr'aider elle conuist en vn  
Soubs le ioug d'une loy gratieuse rangée:  
Son commerce elle fit par la chose changée:  
Qui dura insqu'à tant qu'un moyen oportune  
De monnoye courante, approuuée de chacun  
Fit la communion des choses plus aisée.  
Mais les hommes peruers par conuioitise fole,  
Auares malheureux en faisant vn idole,  
En lieu de s'en seruir s'y viennent asservir.  
Si tu veux le progres des monnoyes entendre,  
Entes mains, ô Lysleur, ce liure te fault prendre:  
Ou Grimaudet t'apprend comme t'en dois ser-  
uir.



A MESSIRE RENE CRES

PIN CHEVALIER SEIGNEVR  
du Gast des Loges & c. Cōseiller du  
ROY en son conseil priuē & Pre-  
sidēt en sa chambre des comptes a Pa-  
ris: François Grimaudet Aduocat du  
ROY au siege presidial Angiers.

Salut.



Onsieur entre tous les  
malheurs qui accompa-  
gnent ordinairement les  
rumultes & seditions ci-  
uiles en vne Republique, celuy a  
tousiours esté estimé le premier &  
principal, que le suiect vsant du mal-  
heur du temps, s'est licentieusement  
dispensé de l'obeissance qu'il de-



## EPISTRE.

uoit a son Prince ou magistrat, en l'entretènement de ses edicts & ordonnances, donnant vne interpretation a la loy conforme a son affection: dont on a veu souuent arriuer de grands inconueuiens, aisez a remarquer en lisant les anciens auteurs. Nous en auons depuis quel que temps, veu practiquer en ceste France, en laquelle par ie ne scay quel defastre, il semble que le peuple, ait degeneré des meurs de ses ancestres, & de la reuerence qu'il a tousiours esté estimé, porter particulièrement a ses Roys, & a leurs ordonnances. Le faict de la monnoye, & variation du pris d'icelle, fera suffisante preuue de ce: & n'a l'antiquité exemple de misere, pareil a la calamité de nostre temps,

au-

## EPISTRE.

auquel le peuple, a donné le cours aux monnoyes, contre l'edict du Roy & l'auctorité de s<sup>on</sup> magistrat: chose qui ne tourne qu'à la cōfusi-  
on du bien publicq. Car comme les monnoyes, sont inuētées & venues en vsage, pour faciliter & maintenir le commerce entre les hōmes: aussi l'augment ou diminution du pris d'icelles, donne souuent occasion, de troubler le cours du trafiq & des actions humaines. Ce qu'on void communement arriuer, par la faulte des creanciers, lesquels (craignās de perdre leur debte mal assée) reçoient de leurs debteurs en payement, les especes d'or & d'argent, a plus hault pris qu'il, n'est ordonné, lesquelles apres ils continuēt a exposer au mesme pris,

† 3      qu'ils



## EPISTRE.

qu'ils les ont receües. De la vient l'oppression du simple peuple au payemēt des tributs, qu'il conuient faire aux recepueurs & autres officierz, qui mettent au rang de leurs proufits, la rapine qu'ils font sur le pauvre peuple, & de l'augment du pris de la monnoye, sus les edicts du Roy. De la sourdent infinis proces & debats entre les subiects, sus l'execution des retraictz lignagers ou conuentionels, & payemēt des rentes. Sur pareils differens lors qu'ils se sont presentez, i'ay tousiours, pour le deu de ma charge, remonstré, ce qu'il me sembloit equitable y ordonner, & mis par escript les raisons de mon aduis. Or en ces temps turbulens, esquels volontaiement ie me suis retiré du manie-  
ment des affaires du public, feille-  
tant

## EPISTRE.

tant les memoires de mon estude, & ayant trouue les discours de ceste matiere, ie les ay reduicts en ordre, & a la priere de mes amys ie me suis laissé persuader, de les publier & mettre en lumiere, sous vostre nom toutesfois, & sous l'adueu de vostre auctorité. De vous, di ie, auquel vng chacun peut remarquer, toutes les vertus & graces, qu'Isocrate disoit estre requises, pour paruenir au rang des Areopagites à Athenes, noblesse de famille, integrité de vie, grande literature & experience, qui vous ont esté familiaires & compaignes, en toutes les charges d'honneur qu'auuez eues. tant en la Cour de Pallement de Paris, qu'en Bretagne esquelles vous vous estes gouuerné de telle modestie, & avec tāt de iustice, que  
# 4 pour



EPISTRE.

(pour le commun bien du Royau-  
me) le Roy vous a voulu retenir de  
son conseil priué, & faire President  
en sa chambre des comptes a Paris.  
Ces consideratiōs, Monsieur, m'ōt  
enhardy de vous presenter ce petit  
opuscule, & vous supplier de per-  
mettre, qu'il sorte en lumiere  
sous la faueur de vostre nō,  
& l'auoir aussi agreable  
comme ie le desire.

a Angers ce 24.

Mars. 1576.



AD FRANCISCVM GRIMOALDVM  
virum Regium, & apud Andes clariss. fisci  
patronum, Vidi Lanærii in senatu Parisien-  
si aduocati

Carmen.

*Summas nobilis ætitare causas,  
Et legum reserare sacra iussa,  
Linguarumq; potens disertiorum,  
Fisci Regia iura qui tueris:  
O quantum tibi debet omnis ætas,  
V' enturis & honoribus sacrabit  
Templorum, titulis tuum benigna  
Et tollet super aurea astra nomen,  
Qui nummis precium, pretiq; iura  
Rebus reddideris, furore amaro  
Et cæcis libidinibus popelli  
Iamdudum nimis aucta. Surge cælo  
Grimaldette potensq; posterorum  
Et viuens studiosa premiorum  
Capta munera, quæ loquentur olim  
Sacra mutua iura qui moneta  
Per te viuere nouerint, & omnes  
Norint, nec Libitina sempiternum  
Scriptorum decus opprimeret tuorum.*



FRANCISCI GRIMOALDI FILII  
ad patrem

Hendecasyllabi.

Quarta vix trieteridis peractis  
Annis omnia iura te explicantem  
Cum cernam, PATER, omnium favore  
Clarum, & quos oriens equis anhelis  
Illustrat, mediisque quos sub axe  
Torret, quosq; adeo Hesperis sub ora  
Visit, gurgite conditurque Ibero,  
Et quotquot glacialibus pruinis  
Aeterno Boreas gelu coercet  
Quid tandem mihi cordis esse credis?  
Speranti tibi Nestoris senectam,  
Et iam nunc speciosa molienti &  
Tentanti attamen orbitam paternae  
Virtutis terere? ecce nunc monetam,  
Qua nil sanctius esse debuisse,  
Nil corruptius esse turpiusque  
Vel fingi poterat, recudas oro  
Quid tandem mihi posteri legentes  
Acceptum poterunt referre? dices  
Illos omnia nempe debituros,  
Queris tu, mi PATER, annuum benignus  
Hoc uno fueris dator libello.  
Agnosco, PATER, approboq; factum,  
Et summas tibi gratias rependo,  
Præreptam & patior mihi libenter  
Laudis materiam, tuæ futurus  
Hæres nempe ego laudis, ut bonorum.

AD FR. GRIMOALDVM VIRVM CLA-  
riss. patrum suum F. Bonuoyfin  
Hendecasyllabi.

Maximas tibi debet omnis ætas  
Laudes pro meritis Lycurge sacras  
Sparta, nam populo ferocienti  
Leges, sanctaq; iura tradidisti,  
Quæ memor cinerum diu tuorum  
Seruauit populus Lycurge: verum  
Dulci ac mellifluo ore, tu Lycurgum  
(Grimaldete decusque honosq; auita  
Urbs) cum superes, ferens sacrata  
Legum iussa, quibus satis valebunt  
Dignis tollere laudibus te ad astra  
Andini? monumenta namque legum  
Detegis populo rudi atque caco  
Et profers documenta sanctionum,  
At oneta precium graui furore  
Ardens, tu decumas canis libellis  
Eui qui monumenta cuncta vincent,  
Qui tuum populos ferent per omnes  
Nomen atque decus, tuamq; claram  
Famam: & post obitum omnibus molestum  
Rursus te facient, tuum, vigere.  
Hæc sunt premia, patrue, hæc laborum  
Merce, assiduo labore parta:  
Honos, gloria, fama, laus, decusque.

Venit cum puluere palma.





A D

V. C. FRANCIS. GRIMOALDVM  
auctorem Epigramma.

*Nunc cum quisque suo nūmos, sine principe, nutu  
Sumit & exponit, summaq; lege caret:  
Regia prudenter Grimoalde negotia curans  
Quam doctē precii exprimis era bonis?  
Te sine quis precium nummos aquare doceret?  
De nummis posset scribere te sine quis?  
Aurum quid valeat, moles quid praestet obryxi.  
Aris & argenti, te sine quis referet?  
Vnus ades Francis quo fusa luce tenebris  
Quod latuit celsa fulget in arce situm.*

*Inspirante Deo*

*Philippi Belli.*



A D

FRANCISCVM GRIMOALDVM CLA-  
rissim. apud Andes REGIS Aduocatum.

In eius nominis anagrammatismum  
FRANCISCVS GRIMAVLDET.

CRASSVM FRANGIT LVCIDE

Carmen.

*Qui seclum laudare prius, qui tempora patrum  
Preposuere suis iamque tacere parent.  
Et qui Budeum quondam cecinere potentem,  
Obsita clamoris frangere iura tricis  
Iam sileant, ant te clament GRIMOALDE pe-  
vittu.  
Soluere, quod vinculis nox tenet atra suis.  
Im facili crassum nostri deducere filo  
Clara modo ut pateant pollice iura tuo.  
Hinc tibi dat, versum nomen, quod docta virorū  
Vox, CRASSVM FRANGIT LVCIDE,  
ubique canit.*

Fortunam expecto

FRANC. LE TORT.





Eiusdem ad lectorem epigramma.

*Acrisui soboles pluuiæ narratur ab auro  
Corrupta, in precium. Iuppiter ex quo abiit.  
At GRIMOALDI animus spectata iura mo-  
xeta  
Omnia, lectori cum tibi scripta dedit:  
Corruptos hominum mores, commercia, leges  
Restituit: surgit iam rediuiua fides.  
Singula conformant, alij, sed cuncta refingit:  
Numinum, quo constant, omnia, qui reparat.*

Fortunam exspecto

FRANCISQ. LE TORT.



Ar grace & privilege du ROY est per-  
mis à Martin le Jeune, libraire & im-  
primeur en l'université de Paris, de pou-  
voir imprimer ou faire imprimer un li-  
vre intitulé Des monnoyes augmēt & diminu-  
tion du pris d'icelles, liure vniue par François  
Grimaudet aduocat du Roy au siege presidial  
d'Angers. A Messire René Crespin Cheualier  
seigneur du Gast des loges &c. conseiller du  
ROY en son conseil priuē, & president en sa chā-  
bre des comptes à Paris. Et est defendu à tous  
libraires, imprimeurs ou autres, de quelque estat  
qualité ou condition qu'ils soyent, de n'imprimer ou  
faire imprimer, vendre ne distribuer, autres que  
ceux que ledit le Jeune aura imprimé ou fait im-  
primer, sur peine de confiscation des livres qui se  
trouueroyent autrement imprimez, & d'amende  
arbitraire. Et ce iusques au tēps & terme de huiēt  
ans finis & accomplis à commencer du iour & da-  
te qu'il sera paracheuē d'imprimer. Ainsi que plus  
aplain est contenu audit priuilege, sur ce donné à  
Paris le 20. iour de Mars. mil cinq cens septante  
six.

Par le ROY en son conseil,

Signé le Cointe.

Acheuē d'imprimer le 24. Mars. 1576.





Sommaire des Chapitres du pre-  
sent liure.

- De l'inuention de la monnoye. Chap. 1.  
De celuy a qui appartient le droict de faire monnoye. Chap. 2.  
Des choses requises en la monnoye & premiere-  
ment de la matiere. Chap. 3.  
Du poix de la monnoye. Chap. 4.  
De la marque de la monnoye. Chap. 5.  
De la valeur imposee a la monnoye. Chap. 6.  
Des noms de la monnoye d'airain, d'argent &  
d'or. Chap. 7.  
De ceulx qui doibuent approuuer la monnoye.  
Chap. 8.  
De ceulx qui negotient la monnoye. Chap. 9.  
Du changemēt & mutation des monnoyes. Cha-  
pit. 10.  
Comme se doibuent payer les rentes & autres deb-  
tes d'especes de monnoye. Chap. 11.  
De la partie affirmatiue. Chap. 12.  
De la partie negatiue. Chap. 13.  
Aduis sur les deux opinions. Chap. 14.  
Sice qu'a esté dict a lieu en tons contractz. Cha-  
pit. 15.  
Des diuerses valeurs des monnoyes. Chap. 16.  
Du crime de faulce monnoye. Chap. 17.




DES MONNOYES, AVGMENTA-  
TION ET DIMINVTION DV PRIS  
d'icelles, liure vniue par François Grimaud-  
det aduocat du R O Y au siege presidial à An-  
gers.

Sommaire du premier Chapitre.

- 1 La monnoye inuētee pour faciliter le cōmerce.
- 2 Pourquoi la monnoye a esté marquée.
- 3 L'inuention de la monnoye, est du droict des gens.
- 4 Premiers autheurs des monnoyes.
- 5 Seruius Tullus, le premier fist marquer la mon-  
noye a Rome.
- 6 Marque de la monnoye d'airain, et cause d'icelle.

De l'inuention de la monnoye Chap. 1.



Ristote escript a que la monnoye a c. 5. lib. 9.  
a esté inuētee pour la facilité du commerce entre les hom-  
mes, pour suruenir a leur indigen-  
ce. Par ce que du commencement  
ils changeoyent l'une espee avec l'autre, ce que  
estant difficile, la Loy a inuēté la monnoye qui  
A pour



pour ceste cause est dicté *Nummus*, par ce que toute sa force est de la loy. Et en autre lieu, que du commencement il se balloit du fer, Argēt, ou autre matiere semblable, qui fut grossierement dessinye, finablement y fut adiousté la marque publiq, pour denoter & admonester de la valeur, & du poix, & descharger les hommes de peser, & pource par les Latins le denier fut dicté *Moneta* de ce verbe *Moneo*, car la marque admoneste du poix, & de la publique valeur de la monnoye. Le iurisqueult Paul *b* re-  
*bl. i. ff. de cont. empt. & vendit.* pete ceste inuention du denier, l'origine (dict il) de vendre & acheter à eu commencement des permutacions, car le denier n'estoit en vſage, ny la marchandise differente d'avec le pris, & vn chascun selon sa necessité chageoit les choses, qui luy estoient inutiles, avecques autres qui luy estoient profitables, mais par ce qu'il n'arriuoit tousiours, que chacun eust ce que l'autre desiroit, & luy estoit commode, il fut esleu vne matiere marquee de sing public, à laquelle fut imposee valeur perpetuelle, par la quelle fut tollue la difficulté des permutaciōs, & toutes choses au commerce furent apreciees.

Ceste inuention n'est du droit ciuil Romain, ains du droit des gēs, car les Hebreux du tēps d'Abraham ont vſé despece de monnoye dicté *Siclus* qui estoit vne espece de monnoye des Hebreux, laquelle cōme escript Iosephe, pesoit qua-

quatre dragmes Attiqs. Herodote au premier liure de ses histoires escript que les Lides les premiers ont fait de la monnoye d'or. Strabō *c lib. 8. Geogra.* note que Phedon le premier frapa de la monnoye d'argent. Macrobe *d lib. 1. Sat.* escript que Saturne estant venu en la maison de Ianus, & enseigné par luy à cultiuer la terre, pour recompensé le fist compagnon en son Royaume, & fist marquer de la monnoye d'orain, imprimee d'un costé de l'effigie de sa tēte, de l'autre costé, d'un nauiere, pour memoire de celle en laquelle Saturne auoit esté aporté en sa maison. Il semble que Plin *e c. 13. lib. 33.* n'approuue ceste opinion car il escript, que quand a la monnoye d'arain le Roy *Seruius Tullius*, fut le premier qui la fist faire, car au paruaūt on n'vſoit d'arain à Rome, qu'en masse, parquoy *Numa Pompilius* n'establit à Rome vn corps, ou college de monnoyeurs, mais des batteurs d'arain, comme escript Plin *e. lib. 34.* ne. *f* La premiere marque de la monnoye fut d'une brebis dicté *pecus* par les Latins, dont le mot de pecune est procedé, puis il escript apres que *Las* d'arain, auoit vn Ianus a deux visages d'un costé, & vn esperon de nauiere de l'autre, par ce il dōne assez a entendre q ceste marque derniere a esté depuis que le Roy *Seruius Tullius* fist marquer de la monnoye d'une brebis. Il semble que Ouide soit de pareille opinion, & que la monnoye n'ait esté marquee par



Saturne de la marque susdicte, mais que la posterité en son honneur l'ait ainsi faicte.

*Sed cur (dict il) N aualis in ere,  
Altera signata est, altera forma biceps?  
At bona posteritas, Pupim formauit in ere,  
Hospitis aduentum testificata Dei.*

Les autres peuples ont diuersement marqué leurs monnoyes, & d'icelle vŕe en leurs commerces.

*Sommaire du second Chap.*

- 1 La force & bôté de la mōnoye depēd du public.
- 2 Le droit de forger mōnoye appartient au Roy seul & a ceux a qu'il a donné priuilege.
- 3 Ariander condamné a mort pour auoir faict monnoye sans le congé de Darius.
- 4 Simon capitaine des Iuifz à obtenu d'Antiochus droit de forger monnoye.
- 5 La monnoye faicte a Rome par les magistrats.
- 6 Declaration du priuilege de faire monnoye.
- 7 Federic Empereur ordonne qu'en la Toscanne seroit seulement vŕe de mōnoye de Luques.
- 8 Priuilege de l'Empereur Charles quatriesme acordé aux Electeurs de Lempire de faire de la monnoye.
- 9 Le priuilege de faire monnoye ne comprend puissance d'en faire d'Or.
- 10 La cause de la guerre d'entre Iustinian second & le prince des Arabes.

- 11 Priuilege octroyé par le Roy de Frāce au Duc de Bretagne de faire monnoye blanche & noire.
- 12 Si le Roy peult chāger la monnoye sans l'aduis du peuple.
- 13 Le Roy de France peut changer la monnoye.
- 14 Les monnoyes se doibuent seulement faire es lieux ordonnez par le magistrat.
- 15 Le lieu ou la monnoye aucienement se faisoit à Rome.
- 16 La monnoye se faisoit aussi es prouinces.
- 17 Les lieux de Frāce esquels se font les mōnoyes.
- 18 Toutes les monnoyes de France subiectes a la iurisdiction des generaux des monnoyes à Paris.
- 19 En Aragon les realles se doibuent seulement faire a Valance.
- 20 Les monnoyeurs reduits en corps.
- 21 Les monnoyeurs viles personnes.
- 22 Rebellion des mōnoyeurs contre l'Empereur Aurelianus.
- 23 L'officier dict (Comes sacrarum largitionū) auoit la charge de faire forger les monnoyes.
- 24 La iurisdiction des monnoyes attribuee aux generaux des monnoyes à Paris.

De celuy à qui appartient le droit de faire monnoyes. Chap. 2.



a l. i. ff. de  
cont. empt. &  
venditio.



A force & bonté de la monnoye  
depend du public, <sup>a</sup> (cest à dire)  
en monarchie du prince & en O-  
ligarchie de la republique, qui  
seuls ont droict de forger ou de  
faire forger monnoye, & de luy imposer pris, ce  
q ne peut estre entrepris par les priuez, qui n'ont  
auctorité de commander, & d'estre obeiz, cōme  
est requis en celuy qui forge, ou faict forger  
monnoye pour l'usage du peuple, avecques le-  
quel elle doit auoir cours, selon le pris que le  
public luy a imposé, & cōmandé l'exposer, sans  
qu'aucū la puisse n'y ose refuser, au commer-  
ce. <sup>b</sup> Quelle obeissance ne peut estre rendue aux  
images de metal forgees par les priuez, par-  
quoy le droict de forger monnoye a tousiours  
esté tenu pour Royal. Car le Roy seul peut fai-  
re loy generale de l'exposition de la monnoye,  
qui a seulement lieu (cōme dict Balde. <sup>c</sup>) és ter-  
res de son obeissance, & autres que luy & ceux  
a qu'il a donné ce priuilege ne peuuent frapper  
monnoye, ny mesmes les gouuerneurs, & lieu-  
tenans des Roys: Ce que est verifié par vn ex-  
ēple anciē rapporté par Herodote qui escript,  
que Darius Roy de Perse ayant faict faire de la  
monnoye d'or marquée de son image, Ariader <sup>3</sup>  
gouuerneur pour luy en Aegypte en fist frap-  
per d'argēt de pareille forme, dōt il fut accusé  
& condāné a mort. Pour ceste raison les Iuifz  
ob-

b Bart. in Li.  
de veterib.  
numis. potest.  
lib. ii. c. per  
illum text.

c In c. quanto  
ext. de iure-  
q. ii.

obeissans à Antiochus fils de Demetrius Roy  
4 d'Asie, ne pouuoient faire monnoye sans la licen-  
ce d'Antiochus. Symō leur cōducteur impetra  
de luy qu'il pouroit auoir vn coing de ppre mō  
noye, ce qu'autremēt il n'eust peu faire. <sup>d</sup> A Ro  
5 me apres les Roys expulsez, la monnoye estoit  
faicte par la diligence des magistrats dictz  
*praefecti monetales* & du temps des Empereurs  
Romains, ce droict de frapper monnoye leur a  
esté tant propre, que si aucū ont impetré deux  
le droict d'en faire, *Valentinianus, Theodosius &*  
*Arcadius* par loy, ont déclaré tel priuilege mal  
obtenu, & ne veulent que lon y ayt egard. <sup>e</sup>  
Qu'elle loy Accurse declare se debuoir entēdre  
des personnes priuees, & non des personnes  
6 publiques, villes, & communautéz, qui peuuent  
impetrer ce priuilege du prince, long temps a-  
pres & depuis que les princes esleuz par les Al-  
mans se sont attribuez le tiltre d'Empereurs,  
plusieurs des seigneurs, villes, & cōmunautéz  
d'Italie, ayant és troubles des guerres vsurpé  
l'auctorite de forger monnoye, la quiterēt à  
l'Empereur Frederic premier de ce nom (dict  
7 Barberousse) cōme est porté par la constitutiō  
de laquelle le tiltre est *Que sunt regalia*. Ce mes-  
me Empereur par priuilege special, octroya au  
Pape *Lucius* troisiēme, qu'en toute la Tosca-  
ne autre monnoye n'auroit cours, que celle qui  
seroit faicte au coin de Lucques, dont il auoit  
naif-

d c. 15. Macha  
beor.

e l. fin. c. de  
fals. monet.



naissâce. L'og temps apres Charles quatriesme Empereur en ses lettres patētes dictes *Bula aurea* qu'il fist pour la police des Electeurs, princes, & citez d'Almagne, & pour les maītenir en concorde, permit aux Electeurs de L'empire tant Ecclesiastiques q̄ seculiers, faire monnoye d'or & d'argent, es terres de leur obeissance.

Est notable ce qu'escript René Choppin 9  
aduocat de la cour en ses commentaires de *Iure domany*, copieux & doctes prōptuaires des droicts Royaux, qu'au priuilege de frapper monnoye octroyé par le prince, n'est cōprise la faculté d'en faire d'Or. Car comme ce metal est le plus net & excellent de tous les metaux, aussi est il reserué, pour d'iceluy estre fait la monnoye marquee de la figure du prince. Pierre Ayraut Lieutenant criminel à Angers a noté a ce propos de *Procopius*, qu'en l'Empire Romain il n'estoit loisible à aulcū prince, ny mesmes au Roy de Perse, fors à l'Empereur & aux princes de Germanie de faire monnoye d'or, & si aulcuns auoyent impetré priuilege de faire monnoye, ils ne la pouuoient faire d'or, si non qu'en icelle fust imprimé l'image de l'Empereur. Sur ceste cause Leonce Lieutenant general de l'armee de Iustinian secōd (comme escript *Zonaras* en sa vie) rōpit le traicté de paix faict auec le prince des Arabes, sōubs couleur q̄ la monnoye du tribut, qu'ils debuoyent tous  
les

les ans, n'estoit marquee a la mode & façō Romaine, estant chose interdite q̄ les pieces d'or portassent autre enseigne, que le pourtraict de l'Empereur de Rōme. Pareille occasiō fut cause, de la defaveur du Duc de Bretagne a l'endroit du Roy de France en l'an 1464. Par ce q̄ le Duc auoit faict frapper de la monnoye d'or marquee de son image, contre le traicté de paix faict à Angers, entre Loys neufiesme & Pierre de Dreux (dict Mauclerc) Duc de Bretagne à cause d'Alix sa femme l'an 1231, par lequel il luy est seulement permis faire monnoye blanche, & noyre.

12 Est demādé en ce lieu si le prince est tenu de requérir le consentemēt de ses subiects, en l'ordonnance de la matiere de la monnoye, & en l'imposition du pris, ou abolition, & mutation d'icelle. Ce que semble se debuoir faire, par ce que l'usage de la monnoye est pour la commodité du commerce du peuple, qui souffre la perte si la monnoye est faicte moindre qu'elle ne doit, parquoy il à grand interest d'estre appellé a la deliberation de telle ordonnāce, pour remonstrer son droit & perte, qui s'en peut suyure: principalement l'ors que le prince est possédé & gagné par peruers conseillers sanguins: lesquels le Pape Innocēt tiers nōme traistres du public, & sēble le consentemēt du peuple estre requis en la façō del'ordonnāce susdite.



*f* In rub. de  
meter. numis.  
poteft.  
g In d. c. quan  
to ext. de lu-  
crum.  
h titul de mo  
net. mutui.

ete, & changemēt de la monnoye, qui est l'ad-  
uis de *Lucas de Penna*, *f Petrus de Ancar.* & *Ab-*  
*bas Siculus g.* & *Debelluga h.* Laquelle opiniō sē-  
ble grandement estre fauorisee de ce que Inno-  
cēt en sa Decretale *in d. c. quāto*, reprouue l'or-  
donnance du Roy d'Aragon faicte sur l'affoi-  
blissement de la monnoye, par ce qu'elle auoit  
esté faicte sans le consentemēt de son peuple,  
quelle ordonnāce peut auoir lieu és Royaumes  
esquels les Roys ne cōmandoyent absoluēmēt  
comme aucienmēt a Sparte, ou les Roys a-  
uoyēt leurs Ephores comme controlleurs de  
leurs actions, à Venise ou le Duc ne faict rien  
que par le conseil des gouuerneurs.

i titul. quib.  
mod. toll. ob-  
lig. in Inst. in  
princip. & in  
Authentic. hoc  
iussu debitor. c.  
de solutio.

R. 498.

En France les Roys ont la puissance plus ab-  
solue, & pour ce seuls sans appeller le peuple  
font la monnoye, & icelle changent comme  
tesmoigne *Faber i*, aussi seuls ils peuuent dōner  
le priuilege de faire la monnoye. *Guido Papa*  
& raporte ceux du Dauphine & pays circōui-  
sins qu'ont obtenu ce priuilege en la chambre  
des monnoyes à Paris, est le rolle des seigneurs  
de France, qui l'ont pareillemēt obtenu du Roy  
ausquels par mesme moyen est prescript la ma-  
tiere, l'alloy, le poix, & la figure dōt ils doibuent  
vser.

Or pour policer la facon des monnoyes &  
obuiuer à la falsité & deterioration d'icelles, n'a  
esté loisible la faire en tous lieux, mais seule-  
ment

ment és lieux ordonnez du public. A Rome  
le lieu de forger la monnoye, fut en la place de  
la maison de *Manlius* condamné de crime de  
lèse maiefté. Tite Liue parlant du iugement  
15 donné contre luy, dict ainsi, *Adiecta mortuo no*  
*te sunt, publica una, quod domus eius fuisset, ubi nūc*  
*edes atq; officina monetæ sunt.* Lequel lieu fut cō-  
sacré a la deesse Iuno Monete, la cause en est  
baillee par Ciceron *l. Post cladē illā* (dict il) *ma*  
*ximam a Senonibus Gallis factam, audita vox ex*  
*arce Iunonis fuit, ex quo Iuno illa appellata mone-*  
*ta est.* Ouide pareillement le nous enseigne en  
ces vers.

*Arce quoq; in summa Iunonis templæ monetæ,  
Ex voto memorant facta Camille tuo.*

16 Aussi y auoit des lieux és prouinces ou la mō-  
noye se faisoit comme en Apolonie, en Alba-  
nie dicte anciennement *Epyrus* cōme il faut  
noter de ces mots d'une epistre de Ciceron ad  
Cn. Plancū *m, Cum signaretur argentum Apo-*  
*lonia non possum dicere eum præfuisse: neq; possum*  
*negare eum adfuisse.* Strabō n note, que les magi-  
strats Romains faisoient faire de la monnoye  
d'or, & d'argent à Lyon. Charle-magne par  
ordonnance voulut qu'elle fust faicte en son  
17 palais. En ce royaume anciennement y auoit  
ving cinq villes ou se faisoient les monnoyes,  
qui par l'ordonnance faicte a Bloys l'an 1540  
par le Roy François premier, furent reduictes

a dix-

*l lib. 1. de  
Diuinat.*

*m li. 13, Epist.*

*n lib. 4.*



2 dixsept, ſçauoir, Paris, Lyon, Troye, Rouan, la Rochelle, Bordeaux, Bayonne, Lymoges, Tholoſe, Mompellier, Angers, Tours, Nantes, Rennes, Dijon, Grenoble, & Marſeille, & pour cognoiſtre le lieu ou chacune piece de monnoye aura eſté forgee, par ladiſte ordonnance eſt dict, que les tailleurs eſtablis par le Roy, emploiront en leurs coings, la marque démonſtratiue du lieu ou ſe fera la fabrication, & du 18 maïſtre particullier. Toutes lesquelles monnoyes, & choſes qui en dependent ſont ſubmiſes par la meſme ordonnance, à la iuriſdiction des Generaux des monnoyes eſtablis à Paris. En Eſpagne par ordonnance faiſte à Valence par le Roy Iacques, qui cōqueſta le Royaume d'Ara- 19 gon, eſt par expres contenu, que les Realles ſeroient ſeulement faiſtes à Valéce, & que les monnoyeurs ſeroyēt controlez par deux notables bourgeois, de peur qu'il n'y fuſt commis aucune fraude, tant en la matiere qu'au poix o. 20

Auſſi n'eſt permis à tous, ouurer en la monnoye, de façon q̄ anciennemēt à Rome y auoit certain nombre d'hōmes reduicts en college ou en corps, par *Numa Pompili⁹*, lors q̄ les Romains vſoyēt d'airain en maſſe en leur cōmerce, dictz *fabri ararij* (comme note Pline) p qui depuis furent dictz *monetarij* qui furent aſtraints de beſongner à la fabrication de la monnoye, & eſtoient tenuz entre les hommes

o. Ioan. de  
Bellug. & Ti-  
mes de monet.  
caſtalia.

p. c. lib. 34.

mes de vile & abieſte condition, tellemēt que 21 ils ne pouuoient eſtre eſleuez, ne promeuz en aucune dignité q. Semble qu'il y ait eu anciennement à Rome grand nombre de ces monnoyeurs, & qu'ils y ont eſté comme eſclaues: & durement traictes. Par ce qu'eſcriuent *Vopiscus*, & *Aurelius Victor*, en la vie d'*Aurelian*. qui rapportent qu'ils furent ſi puiffans, qu'eſtans conduicts par *Fœliciffimus*, ils ſe rebellerēt contre l'Empereur, & s'armerent de force ouuerte contre luy, tellement qu'en la deffaiſte d'iceux furent tuez ſept mil hommes. A laquelle rebellion les monnoyeurs ne ſe ſont eſleuez, ſi non q̄ par mauuais traictement ils ayent eſté contraints ce faire, auſſi par telle ſedition l'on peut conclure, q̄ le corps des monnoyeurs de Rome eſtoit fort nombreux. Soubs les Empereurs 23 il dependoit de l'eſtat de l'officier dict *Comes ſacrarū largitionum* de faire faire de la monnoye, en laquelle eſtoit l'effigie de la teſte des Empereurs comme nous apprenōs de la formule de la charge de ce magiſtrat eſcrite dedans *Casiodore* *Verū hanc libertatem* (dict il) *noſtram* r lib. 6. vari-  
*alio decoras obſequio, ut figura vultus noſtri meta* ar. cap. de for-  
*lis vſualibus imprimatur, monetāmq; facis de no-* mula. comit.  
*ſtris temporibus futura ſecula commonentem.* En ſacra. largi-  
tionum.

En ce Royaume les monnoyeurs ſont bien plus fauorablement receuz, car ils ont grand nōbre de priuileges d'immunitiez cōtenuz és lettres à eux

q. l. i. de mut.  
& gyneciar.  
lib. 12. c. 1. ne  
quis de dig-  
nit. lib. 12. c.

r lib. 6. vari-  
ar. cap. de for-  
mula. comit.  
sacra. largi-  
tionum.



à eux octroyces par Philippes le Bel, Charles le Bel son fils, & autres Roys qui ont suyuy.

Aussi la iurisdiction du faict de la monnoye, 24 & pour regler l'alloy, le poix, la figure, & les officiers des monnoyes, est attribuee aux gene-  
raux des monnoyes establis à Paris : ausquels souveraine puissance est donnee pour iuger en  
dernier ressort, par edict du Roy Henry don-  
né à Fontainebelean au moys de Ianuier mil  
cincens cinquante & vn, veriffié en la Cour de  
Parlement au moys de May mil cinq cens cin-  
quante & deux.

*Sommaire du troysiesme Chap.*

- 1 *Premiere monnoye faicte d'arain dont sont nommez les officiers des monnoyes, & les tresoriers.*
- 2 *L'alloy de la Bronze avecques l'argent, & de l'argent avecques l'or.*
- 3 *Edict de Marins Gratidianus sur le poix & alloy de la monnoye.*
- 4 *Marc Antoine allia le fer avecques l'argent.*
- 5 *Edict de Tacitus Empereur contre ceux qui corumpent l'or & l'argent.*
- 6 *La monnoye d'argent pur, iusques au temps de Philippes le Bel, qui la diminua des deux parts.*
- 7 *Fureur du peuple de Paris cõtre le Roy pour la*

*la corruption de la monnoye.*

- 8 *Les Lacedemoniens, & Bisentins ont anciennement usé de monnoye de fer.*
- 9 *Monnoye d'estain faicte par Denys le Tyran.*
- 10 *Monnoye de plomb.*
- 11 *L'Empereur Frederic a usé de monnoye de cuir.*
- 12 *Es pays Septentrionaux, des Cathains, & des Tartares a esté usé de monnoye de cuyr & de papier.*
- 13 *Monnoye de sel, au pays de Preste Ian.*
- 14 *Richesses indicibles du Preste Ian.*
- 15 *Les plus communs metaux desquels ont esté faictes les monnoyes, ont esté Or, Argent, & Arain.*
- 16 *Le noble metal est corrompu par le moins noble.*
- 17 *Que c'est qu'Obrizon.*
- 18 *Que c'est que argentum pustulatum.*
- 19 *La suprefme purification de l'Or & Argent.*
- 20 *Que c'est que Caratz.*
- 21 *La bonté de l'Argēt est marquee par deniers.*
- 22 *Que c'est qu'argent le Roy.*
- 23 *Quand l'argent est dict Billon.*

*Des choses requises en la monnoye & premierement de la matiere Chap. 3.*

*Qua-*





Vatre choses sont requises en la monnoye, La matiere, le poix, la marque & l'estimatiō. La matiere ordinaire & accoustumee de faire monnoye sont l'or, l'argent, & l'arain. Nous parlerons premierement de l'arain, comme du metal premieremēt pesē & marqué pour monnoye, dont nous voyōs qu'a Rome (comme escript Plin<sup>e</sup>) la place ou les thresors publics estoient amassez estoit dicte *Ararium* & les thresoriers qui auoyent la garde des lieux ou estoient les thresors estoient dictz *Tribuni ararij* la solde des gens d'armes *ara militum*: finalement l'arain entre les metaux a retenu si grande maiesté, que les debtes ont esté dictes *ara* & ceux qui doibuēt sont dictz *obarati* (c'est a dire pressez & chargez de debtes) & est dict *as nostrū* pour ce q nous est deu, & *as alienū*, pour ce q nous debuōs b. Je ne traicteray en ce lieu en quel pris l'arain a esté anciēnemēt à Rome & la Brōze de Corinthe, dont Plin<sup>e</sup> parle amplement au c. 2. du 30. lib.

b l. cedere  
diem §. as.  
ff. de verb. si-  
gnificat.

L'usage de la monnoye d'argent est bien lōg temps apres, car on commença a battre de la monnoye d'argent à Rome l'an 585. apres la fondation de Rome, qui fut l'an du consulat de *Quintus Fabius* cinq ans auāt la premiere guerre contre les Carthaginois, & soixante deux ans apres fut faict monnoye d'or à Rome

me la pureté des ces metaux en la façon de la monnoye fut bien tost corumpue, car *Linus Drusus* estant Tribun & conseruateur du peuple, en la monnoye d'argēt mit l'huictiesme partie de Bronze, aussi parmi l'or y fut meslé de l'argent, dont il fut dict *Aurum argentosum*, & de l'arain dont il fut dict *Aerosum*: & pour oster ces coruptiōs en la monnoye *Marius Gracidianus* fist vn edict sur le reglement d'icelle, contenant l'alloy & le poix, qu'elle deuoit auoir c. Marc Antoine quelque temps apres alia le fer avec l'argēt, & en fist faire des deniers d'argent comme escript Plin<sup>e</sup>. Long temps apres pour obuier aux vices, qui se commettoient en la mixtion de l'argent avecques l'or, de l'arain avec de l'argent, du plōb avec du cuyure, en la fabricatiō de la monnoye, L'empereur *Tacitus* fist loy (comme escript *Flavius Vopiscus* en sa vie) par laquelle il deffendit ce faire, & voulut que ceulx qui en seroyent cōuaincuz fussent condemnez de peine capitale, & leurs biens confisques: *In eadē oratione* (dict *Vopiscus*) *constituit, ut si quis argento publice priuati- q. as misuisset, si quis auro argentū, si quis ari plū- bum, capitale esset, cum bonorum proscriptione.* Cōstantin fist pareille loy, adioustant q ceux qui seroyent conuaincuz d'auoir faict telles mixti- ons, seroyent tenuz pour coupables du crime de l'aze maiesté, & puniz de la peine du feu, d.

d l. 2. c. De  
falsa monet.

B

en ce



e titul. 20. c.  
8. §. 16.

en ce Royaume nous auons vſé d'argēt pur en la monnoye iuſques au temps de Philippes le Bel, lequel (comme eſcript Antonin) e le premier diminua la monnoye de France en la matiere, la faiſant les deux parts d'airain, & le tiers d'argent, pour laquelle cauſe *Dantes* l'appelle falſificateur de monnoye. Ce que eſmut tant le menu peuple à Paris, qu'il pillā les maiſons de ceux, que l'on diſoit qui en eſtoient cauſes, & lauoier conſeillé, & meſmes la maiſon d'un nommé *Eſtienne Barbette*, qu'il auoit au lieu de la courtille pres Paris, & apres alla en ſa maiſon en la rue ſainct Martin à Paris, rompit les portes, huis, fenestres & coffres, pillā les meubles, puyſ ſe tint tout le iour en grand nombre & furie, ce qu'intimida fort les officiers du Roy & le Roy meſmes. Du fer auſſi a eſté faiet de la monnoye à Sparte, par l'ordonnance de *Lycurgus*, lequel (cōme eſcript *Plutarche* en ſa vie) deſeria toute ſorte de monnoye d'or, d'argēt: & ordonna q l'on vſeroit de monnoye de fer ſeulement. A Biſance, dictē Conſtātinople, on a vſé de monnoye de fer, dont a eſté dict par proverbe *Nummus Spartēus* pour choſe de grande depenſe & de peu de valeur, a eſté auſſy l'eſtain employé en monnoye par *Dēnus* le Tyrā de Syracuſe, qui cōtraignit ſes ſubiectſ en vſer, *Plaute* faiet mentiō du denier de plomb, *curi homini*, dict il *in caſina, hodie peculi nummus nō est*

eſt plombeus, & en la comedie de laquelle le titre eſt *Trinummus*, *Cui ſi capitis res ſiet nummū nūquā credā plumbeū*. *Eraſme* en l'expoſitiō de ce proverbe *Nūmus plumbeus* note qu'il y a de la monnoye de plomb en Angleterre. Les monnoyes non ſeulement ont eſté faietſ des metaux, mais d'autre matiere, comme de cuir, & de papier. A ce propos *Cælius Rodiginus* note auoir leu que *Numa Pōpilius* auoit faiet de la monnoye de cuir & qu'il fiſt vne liberalité au peuple, de monnoyes de bois & de cuir, de celle monnoye de cuir parle *Senecque lib. 5. de Benefic.* & note les *Lacedemoniens* auſſi en auoir vſé, *Es alienū habere dicitur*, dict il, & qui aureos habet, & qui corium forma publica percūſū quale apud *Lacedemonios* fuit, q vſum numerate pecunie preſtat. L'empereur *Frederic* preſſé de neceſſité, vſa auſſi de monnoye de cuir, ce q donne grande probabilité à l'opinion de ceux qui diſent qu'en ce Royaume quelquesfois eſtant preſſé de neceſſité on a vſé de monnoye de cuir, les vns diſent, que ce fut du temps de ſainct Loys, pendant qu'il eſtoit priſonnier en Afrique, les autres diſent, q ce fut du temps de la captiuité du Roy *Ian*. Quelle hiſtoire a celle que ne ſoit trouuée eſtrange, *Olaus Magn⁹* f eſcript, qu'ēs pays Septentrionaux longuement on a vſé de monnoye de cuir, au trauers de laquelle eſtoit vn petit clou d'argent, d'auanta-

f c. 12. lib. 6.



ge Sabelic escript des Cathains & Tartares, q̄ ils vsent de monnoye de papier en forme quarree, en laquelle d'un costé est imprimé la figure du Roy. Leon Affricain escript, que le Prestelan n'vse d'aucune monnoye de metal, mais de pieces de sel, qu'il faict valoir autant que la 13 monnoye, deffendant l'or & l'argent pour l'usage d'icelle, amassant tout l'or qu'il peult & le faict fondre puis l'enferme en lieux seurs, sans en oster aucunement. Par lequel mesnage il en a tant amassé, qu'il passe en richesses, tous les autres Princes, tant anciens que modernes. 14

Par ce que nous auons dict il apert de la diuersité des matieres, desquelles les hommes ont vsé pour la fabrication des monnoyes, les plus heureux ont esté ceux qui n'ont vsé d'or & de argent, l'usage desquels engendre auarice entre les hommes, qui est la cause de tous les maux & crimes desq̄ls le genre humain est entache.

Or soit ainsi, que la monnoye se puisse faire par les Princes, d'autre matiere que de metal, toutesfois le plus commun usage entre les hommes a esté de faire la monnoye de metal & encôres non de tous, mais d'airain, d'argent, & d'or, & ne se trouue, qu'à Rome soit au parauant L'empire estably, ou depuis, l'on ayt vsé d'autres metaux, fors lors que Marc Antoine allia le fer avec l'argēt, ce que ne se repete auoir 15  
 § lib. 2. ff. De depuis esté faict, parquoy Pomponius g declarant

tant ceux qui estoient dictz *Triumviri mone-* orig. iur. §. *tales* dict *aris, argenti, auri flatores*, & n'adiouste *codem rem-* autre matiere, cōme a semblable en ce Royau-<sup>pore.</sup> me ne se list que l'alloy de la monnoye ait esté 16 d'autre metal, mais bien l'on a vsé du moins noble pour corrompre le plus noble, comme l'airain a esté mellé parmy l'argent, & l'argēt parmy l'or, auquel aussi quelquesfois a esté mis du cuyure, ce q̄ s'est faict par l'auctorité du public à certain poix de chacun metal, ce que vulgairement est dict (alloyer) dōt la matiere est appelée (alloy) & la détermination du poix des metaux, desquels l'alloy doit estre faict, est dict, tître ou pied de monnoye.

17 De ce il appert la monnoye auoir quelques-<sup>h l. fin. De veter. numis. potest. lib. ii. c. 1. l. de o-</sup> fois esté faicte d'or pur dict *obrysū*, dont sont dictz *solidi obrysati* h, aussi la monnoye a esté fai- 18 cte d'argent fin dict *argentum pustulatum* le-<sup>le- blat. voto. lib. 12. c.</sup> quel les orfebures appellent (de cendree ou de coupelle) comme c'est peu obseruer es monnoyes anciennes qui estoient epouillées, & enduroient mieux & plus facilement le marteau, combien que les affineurs d'or disent, qu'il ne se peult tant purger, qu'il n'y demeure quelque peu d'argent, de cuyure, ou autre matiere: & q̄ la suprefine purification reuiene a vingt & trois 19 carats, & trois quarts de carats: mais la monnoye d'or, qui auourd'huy a cours est tēdre, & pour ceste cause ne se pouroit faire d'or fin, par ce  
 B 3 qu'il



qu'il est trop mol, & flexible, & ne pourroit au commerce durer l'og temps, n'y porter la marque, qu'elle ne fust incontinant vsee, pourquoy a esté requis meller de l'or avec l'argent, pour l'endurcir. L'ordonnance faicte sur le faict des monnoyes contient le poix d'argent, qu'il est loisible y adiouster: qui se declare par caraz, qui 20 est vn terme de monoye, & d'orfebuerie pour enseigner les degrez de la bonté de l'or, qui ne peult estre en bonté plus haulte, que de vingt-quatre carats, & ce qu'est permis aux monnoyeurs & orfebures adiouster a l'or d'autre matiere s'appelle, le remede.

Comme les degrez de la bonté de l'or se di- 21 uisent par carats, ausly la difference de la bonté de l'argent est marquee par deniers, & est la plus haulte bonté d'argét pur à douze deniers. Auquel degré ne se peult trouuer argent, qui y paruienne tant affiné qu'il puisse estre, car l'argét de cédrec est a vnze deniers, dixhuiet graís seulement. Pour c'este cause es monnoyes, en oeuvre a vnze deniers, & demy, & a demy denier d'arain, & par ce que telle mixtion est licite par les ordonnâces des Roys, tel argét s'ap- 22 pelle argent de Roy, & argent de Paris. Pour cognoistre la monnoye d'argent fin, d'avecqs l'alloyé avec du cuyure, ou autre matiere, faict a entendre que selon la quantité d'argét, qui est en la masse (de laquelle la monnoye est faicte) elle

elle est dicte tenir de l'argent fin comme vnze, ou dix deniers, & iusques a dix elle est dicte argent, 23 & au dessoubz elle n'est plus dicte argent, mais billō, qui en la façon des douzains faicts depuis deux cens ans est rabaissee iusqs a trois deniers seize graís d'alloy, le reste est de cuyure

Ce que dessus est suffisant pour l'intelligence de la matiere, de laquelle la monnoye se faict, si aucun en veult cognoistre d'auantage, il lira le liure de du Moulin, latin & frāçois en la question 100. ou il a curieusement & diligēment recherche & extraict des registres de la monoye de Paris ce qu'est requis pour cognoistre la matiere, l'alloy & le poix des monnoyes.

#### Sommaire du quatriesme Chap.

- 1 La mine Grecque (Libra & Pondo) signifient mesme chose.
- 2 Diuers usages de la liure en France.
- 3 Que c'est que Marc.
- 4 Du poix de l'once, & de ses parties.
- 5 Le poix de l'ancienne medalle Romainne.
- 6 Que c'est que la taillie de la monnoye.
- 7 Est requis que la matiere soit mise au poix en la monnoye.
- 8 Qu'il est loisible de visiter & faire peser la monnoye.
- 9 Toutes les monnoyes Romainnes anciennemēt



*se rapportoyent a un poix.*

*Du poix des monnoyes. Chap. 4.*



V parauant que traicter du poix <sup>1</sup> de la monnoye, sera noté qu'il à esté expedient constituer & arrester vn poix, & a iceluy rapporter tous les poix des choses. Les Grecs ont eu la mine, laquelle les Latins ont nommee *Libra & pondo*, & combié que la mine Attique soit plus grande que la liure Latine de quatre dragmes, car la mine contient cent dragmes la liure quatre vingts seze, toutesfois en la monnoye, ceste differéce est de si peu (comme note Budee) qu'a toute peine elle se peut cognoistre, la liure & mine sont diuisees en douze onces, chacune once en huit dragmes ou gros, ou deniers Romains, car les deux sont le mesme poix, la dragme a trois scrupules ou deniers, le scrupule a deux oboles.

En France nous vsons ausy de liures, mais <sup>2</sup> diuersément, car l'une est dicte marchande, de laquelle les marchands vsent en leur traffic & a quatorze onces. L'autre est dicte poix de marc, par ce que la demie d'icelle est appellee marc, & contient seze onces, & le marc huit come <sup>3</sup> faisoit la liure Egyptienne, laquelle (comme escript *Cleopatra* en son liure de *Mundiciis*) cō-

te-

tenoit seze oces, les orfebures icolliers, c'est à dire marchands d'orfebueries & ioyaux, ausy les <sup>4</sup> changeurs vsent de ce poix. L'once selon l'vsance des monnoyeurs & chageurs rapportee par Budee, se diuise en vingt estelins ou huit gros, les deux gros font vn quart d'once, qui est le poix d'un noble à la rose, ou Edouart, ou d'une medalle de Rome, & des Philippes anciens de France, qui pesoyent autant qu'un noble desudict. De mesme poix c'estoit vn stater Attiq <sup>5</sup> (comme escript *Paulus*) car les monnoyes d'or à Rome pesoyent le double de celles d'argent. Les monnoyeurs diuisent le marc en une autre forme en vingt & quatre deniers, tellemēt que chacune dragme ou gros, ou denier Romain, contient trois deniers du poix de monnoye, le denier de monnoye se diuise en deux oboles.

<sup>6</sup> Les monnoyeurs outre le poix, ont la taille, par lequel mot ils enseignent combien de pieces de monnoye se doibuent faire au marc, & vsent de ce mot (sols) pour signifier douze. Du Moulin baille exemple facile, comme (dict il) quand lon faisoit monnoye de la valeur de dix petits deniers de bronze de cours vsuel (c'est à dire à Carol<sup>9</sup>) & d'un denier de poix, qui est la vingtquatriesme partie d'une once, a cinq deniers d'alloy, & a six sols huit deniers de taille, c'est à dire quatre vngts pieces, car six sols, c'est à dire six fois douze, font soixante & douze, ad-

iou-



ionstez a huiet font quatre vingts.

Ce que dessus suffira pour la cognoissance des poix des monnoyes, il y en a autres, qui seruent tant pour la medicine, que pour les choses memorables, lesquels qui voudra les apprendre lise le liure de *Claudius Galenus de Ponderib. & mēf.* & Alciat au liure du mesme tiltre.

Or pour parler du poix de la monnoye, à esté requis pour l'vance d'icelle ordonner, que la matiere y seroit mise au poix, du commencement le signe ou marque publique estoient tesmoins publics, ou comme seaux antiques que la matiere de laquelle estoit faicte la monnoye estoit bone, & qu'elle estoit du poix porté en l'alloy, mais depuis que les hommes furent si mauvais, qu'ils ont corumpu le poix, & falsifié la matiere, il leur a esté loisible, au commerce visiter & faire visiter la monnoye, pour sçauoir si elle estoit de l'alloy & du poix quelle doit estre, nonobstant qu'elle soit marquée du sing public: & iusques au temps de Plin les venditions ou il y auoit garantage (comme il escript) ne se passoyent sans balace, cest à dire, que la monnoye estoit visitée & pesée pour sçauoir si elle estoit de l'alloy & poix qu'elle debuait. Ce qu'encores auourd'huy se pratiq, car en tous payemens, qui se font de monnoye d'or, & d'argent pur on la pese. Est notable ce q Plin a escript à ce propos de la monnoye qui se

a c. 2. lib. 6.

se faisoit en L'empire, que combié qu'elle fust de diuers coings, neantmoins ils se rapportent tous a vn poix, le semblable est en la façon des escuz de ce royaume, lesquels cōbien qu'ils se facent de diuers coings, toutesfois ils se rapportent tous a vn poix.

### Sommaire du Chapitre cinquiesme.

- 1 La marque de la monnoye en general est du droict des gens.
- 2 Les particulieres marques de la monnoye des peuples des Grecs.
- 3 La marque de la monnoye du Roy Darius.
- 4 Les monnoyes de trois marques Grecques cogneues aux Romains.
- 5 La cause de la marque de Ianus, & du deuant d'un nauire.
- 6 La marq; de la monnoye d'argent des Romains.

### De la marque de la monnoye. Chap. 5.

**L**A marque de la monnoye en general est du droict des gens, mais les particulieres marques sōt de chacū pays. Les peuples mesmes entre eulx (cōme les Grecs) ont vſé de diuerses marq̄s, les Atheniēs de la marq̄ de la Cheuesched'vn costé, & de l'image de la face de Iupiter de l'autre: parquoy par moquerie les



les Samiens ayans gagné vne bataille sur les Atheniës, & prins nôbre de prisonniers, les deli-  
 urés leur engrauerēt sur le frōt vne Cheueche, se moquans de la mōnoye des Atheniës, lesq̃ls  
 aussi ont vsé de la marque du beuf, qui valoit  
 deux dragmes Attiques, laquelle *Thesēus* fist  
 premierement marquer, ou en memoire du  
 Taureau de Marathon, ou du capitaine de Mi-  
 nos, ou pour inciter ses citoyens à l'agricul-  
 ture, & de ceste mōnoye est noté qu'és loix de  
 Draco estoient ordonnez les amandes de De-  
 cebeon, c'est à dire de dix beufs aussi de ceste  
 monnoye a esté tiré le prouerbe *Bonem habe-  
 re in lingua*, qui se dict, contre ceux qui corū-  
 puz par deniers n'osent parler. Les Atheniens  
 ont aussi eu vne piece de monnoye marquee de  
 l'image de Pallas, qui pource par Euripide est  
 appelée (Parthenō) c'est à dire vierge, les Tre-  
 zeniens en l'honneur de Neptune, qu'ils ado-  
 roient comme dieu protecteur de leur ville,  
 ont marqué la monnoye du trident, qui est  
 vne fourche a trois fourchōs enseigne du dieu  
 Neptune, les Corinthiens ont marqué leurs  
 monnoyes de la figure de Pegasus, les habitā-  
 ds Chios de l'image d'Homere, qu'ils ont dict  
 auoir esté natif de leur pays, ceux de Mytele-  
 nes, de l'image de Saphus, les habitans de Ra-  
 guse de la figure du Liepure, Darius Rōy de  
 Perse vsa de l'image d'un Archer en sa mon-  
 noye

noye d'or, qui fut dictē *Artreus Daricus* dont  
 Agefilaus trouua occasion de son Apophteg-  
 me, auquel il dist, qu'il auoit esté chassé d'Asie  
 par trente mil archers, signifiāt que le Roy de  
 Perse auoit donné celuy nombre d'escuz aux  
 Atheniens, a ce qu'ils fussent causes, que Age-  
 filaus s'en allast d'Asie. Trois formes de marqs  
 de monnoyes Grecques ont esté cogneues aux  
 Romains au parauant les Empereurs, Stracio-  
 4 tes, Cistophon, & Testudinati, les premiers  
 portoyent l'effigie d'un homme Armé, les  
 seconds du lierre, les troiesmes d'une Tortue,  
 qui estoit la marque de la monnoye des Pe-  
 loponesiens, les Egyptiens vsoyent de la figu-  
 re du beuf Apis, les Romains en leur ancien-  
 ne monnoye, d'un costé ont vsé de l'image de  
 Ianus a deux visages, de l'autre d'une nauire,  
 dont les enfans Romains auoyent acoustumé  
 faire vn ieu, iettans celle piece de monnoye en  
 l'air, & demandans si l'on prenoit la teste, ou le  
 nauire, comme auourd'huy les enfans iouēt  
 de la monnoye marquee a la croix, au ieu dict  
 a croix ou a pile.

5 Nous auons au premier Chapitre touché  
 la raison de ceste marque, Plutarque en l'opus-  
 cule des Demandes des choses Romaines, alle-  
 gue celle mesme, & d'auantage dict, qu'il y a au-  
 chunes choses qui sont bones, & hōnestes aux  
 villes & d'autres qui leur sont necessaires pour



l'usage des viures. Or pour ce que Ianus leur institua le bon gouvernement, establisant de bonnes loix en Italie, & conduisant leur maniere de viure, qui parauant estoit brutale, & la riuere estant nauigable leur fournit abondance de toutes choses necessaires, aucunes en remontant de la mer, autres en auallant du costé de la terre, la monnoye porte la marque du Legislatteur (la teste a deux faces) a cause de la mutation de façon de viure, qu'il introduisit, & de la riuere par bateau, encôres vserent ils d'une autre sorte de monnoye, ou il y auoit la figure d'un beuf, & d'un mouton, & d'un porc engraué, d'autât que leurs richesses procedoyent principalement des nourritures & leurs biens consistoyent en bestial, dont vient la pluspart de leurs noms anciens *Ouily*, *Bubulci*, *Porci*, cest à dire Bergers, Bouuiers, Porchers, ainsi qu'il dict Fenestella.

La monnoye d'argent estoit marquée de coches à deux cheuaux, & à quatre, dont furent dictés *Bigati* & *Quadrigati*. Puis fut marquée de l'effigie des Consuls, & autres magistrats, du temps des Empereurs de leurs images, & de la marque de quelques actes memorables, comme des victoires des prouïces subiuguées, Roys vaincuz, sacrifices & autres actes notables.

En ce royaume les anciens ont esté si negligents

gents, que nous ne pouuons remarquer les figures des monnoyes des anciens Gaulois, ny des deux premieres familles des Roys François sçauoir de Merouee & de Pepin, & de leurs descendans, & quand aux monnoyes des Roys descendans de Hue Capet, les plus anciènes d'or sont marquées de la figure du Roy Philippes, pourquoy les escuz long temps anciennement furent dictés Philippus: & du Roy Iean armé a cheual, franc a cheual, du Roy Charles seant en maïesté en la chere de iustice, francs a pied, d'autre costé ils furent marquez a la croix les autres escuz depuis faictés par les autres Roys ont esté marquez d'un costé de la croix, de l'autre de l'escu de France, dont ils ont prins leurs noms d'escuz, qui ont esté dictés de diuers nōs selon la difference de la marque des escuz, les anciēns qui sont sans couronne sont dictés vieux les autres ayant couronne a la couronne, les autres ayans vne estoille sur l'escu au soleil, qui est la marq̃ qui auioird'huy a cours, le Roy Henry second fist marquer les escuz & doubles escuz qu'il fist faire dictés (Henriz) de l'effigie de sa teste, la grosse monnoye d'argent est marquée de l'effigie de la teste des Roys, dont ils ont esté dictés (Testōs) ayās le reuers de l'escu aux armes de France, la monnoye de Billon & d' grain a esté marquée de la croix d'un costé, & des fleurs de Lis del'autre. Les Almans, Italiēs, Hespagnols,

An-



Anglois, Escossois & autres ont leurs marques de monnoyes, qui seroyent longues a escrire: mais fault obseruer que la pluspart de leur monnoye, est d'un costé marquee de l'image ou des armes des Princes & Republiques par l'auctorité desquels elles sont faictes, & de l'autre de la croix.

*Sommaire du Sixiesme. Capitre.*

- 1 La bôté de la monnoye est en la valeur imposée.
- 2 La valeur de la monnoye doit estre proportionnée avec la valeur de la matiere.
- 3 La valeur de la monnoye depend de la volonté du prince.
- 4 Le prince ne doit augmenter la valeur sans cause de grande nécessité.
- 5 Tyrānie de Denis le Tiran en la monnoye d'estain.
- 6 Deux bontez en la monnoye.
- 7 La bonté materielle, se considere par le prince en la façon de la monnoye.
- 8 La valeur imposée depend du prince, & nō de la matiere.
- 9 Pourquoi est faict mention de la matiere de la monnoye es edicts.
- 10 La dispute si la monnoye est faicte de bon ou mauvais alloy appartient au prince, non au subiect.

De

*De la valeur imposée de la monnoye.*

*Chap. 6.*

**R**este à parler de la valeur de la monnoye, en laquelle est sa bôté substantielle, qui doit, en tout bon gouvernement, estre proportionnée avec la valeur de la matiere, tellement que la valeur imposée ne surpasse la valeur de la matiere, selon l'opinion de la glose *a.* de Bartole *b.* & de Balde *c.* Neantmoins les docteurs du droict canō *d.* sont d'aduis, que le magistrat peult desduire les fraiz de la façon: & quelque petit profit à ce que, celuy qui la fera faire y soit plus volōtaire, & enclin, ce que les Theologiens approuuent. Aussi l'opinion de ceulx, qui sont d'aduis, que la valeur de la monnoye, est en la volonté du Prince, est celle qui tousiours a esté pratiquée, & de laquelle les Princes ont tiré grands profits, outre la valeur de la matiere: Ce qu'est tolerable, quand il se faict pour la subuention de quelque nécessité publique, comme sera dict cy apres. Mais quād telle pauureté, & nécessité d'affaires, ne regne sur vn pays, ou contre vn Roy, si augmente le pris de la monnoye, ou qu'il face courir de la monnoye de vile matiere pour bonne, comme de l'estain, pour de l'argent, ainsi que fist Denys le Tiran, qui

*a In l. ff. de contra.*

*empt. & vendit.*

*b In d. l. i.*

*c In l. qui falsam C. Ad*

*Leg. Cornel.*

*d de fals. in l. i.*

*e de veter. num.*

*mis. potest.*

*lib. ii. C.*

*f In l. non*

*amplius. S.*

*fin. col. 4. ff.*

*de leg. i. &*

*in l. Titia. S.*

*fin. ff. de*

*Amn. leg.*

*d In c. quā-*

*to de iureiur.*

C

con-



contreignit les citoyens de Syracuse d'vser de monnoye d'estain pour monnoye d'argent, il ne faict acte de Roy, mais de Tyran, car le peuple ne reçoit rien au commerce de telle monnoye, à tout le moins ce qu'il reçoit, est peu de chose, & la valeur pour laquelle elle est mise, est de la seule volonté du Prince, qui appourist le pauvre subiect lors qu'elle est decréé, comme ariue souuent.

Par ce que nous auons dict, il appert, qu'en la monnoye, il y a deux bontez, l'une est intrinseque & materielle, l'autre est exterieure, c'est la valeur imposée. La materielle est seulement considérée par le Prince en la façon de la monnoye, en laquelle il doit auoir grand egard, q<sup>u</sup> la valeur imposée n'excede la valeur de la matiere, ou de peu (côme dict a esté cy dessus) & n'ont les subiects aucune puissance de refuser la monnoye, au cōmerce, parce q<sup>u</sup> la valeur imposée surpasse la valeur de la matiere, comme nous voyōs en l'usage de la monnoye de billon, en laquelle la valeur imposée est de plus grand pris six fois, q<sup>u</sup> la matiere, & pource les subiects ne la peuuent refuser. L'autre bōté de la monnoye est exterieure, en la valeur imposée, qui depēd de la volonté du Prince, & nō du pris de la matiere, côme a esté monstré es exemples cy dessus alleguez, en laquelle valeur est l'essence de la monnoye, & non en la matiere, car qui oste-

ra le pris imposé à la monnoye, elle demeure pour matiere seulement. Le iurisculte nous enseigne la difference de la monnoye, & de la matiere, declarāt par expres, que sous le nom (d'or, ou argent) ne sont compris les monnoyes de celle matiere.

- 9 Et combien que par les edicts faicts sur la monnoye, est porté par expres la matiere de laquelle elle doit estre forgée, & le poix, c'est seulement, à ce que les subiects entendent la qualité, & le poix de la matiere de la monnoye, & au cōmerce qu'ils ayent egard si elle est de matiere, & du poix qu'elle doit, non à ce que les subiects puissent disputer, si la matiere & le poix, desquels le Prince a voulu la monnoye estre faicte, sont bons & corespondans à la valeur imposée, ou si le peuple en l'exposition de telle monnoye, est circonuenu. Car telle question appartient seulement au Prince en la fabrication de la monnoye, & non aux subiects, qui doibuent obeissance en l'exposition d'icelle, selon la valeur qui luy est imposée par le prince, parquoy le subiect au cōmerce doit seulement obseruer, si la monnoye est de la qualité & quantité porte par l'ordonnance du Prince, & la doit exposer suyuant le pris ordonné, sans autre dispute. Car en la valeur imposée est le commandement, & la loy du prince.



## Sommaire du Chapitre septiesme.

- 1 Les anciens ont vſé plus communemēt de monnoye d'arain, d'or & de cuyure.
- 2 Que c'est que *As*.
- 3 Quand la monnoye d'argent premierement fut faicte à Rome.
- 4 Quand la monnoye d'or y fut faicte.
- 5 Diminution du poix de la monnoye d'or par *Neron*.
- 6 La monnoye d'or estoit dicte (*Aureus*).
- 7 La valeur de la monnoye dicte (*Aureus*).
- 8 Declaration du § (*sed nostra instit. de success. liber.*)
- 9 Richesses des esclaves des anciens Princes.
- 10 Que c'est que (*Solidus*) & pourquoy il est ainſy dict.
- 11 Les mots de (*Solidus* & *Aureus*) prins pour uesme signification.
- 12 L'escu dict par les Grecs, *Macedoniens* & Perses (*stater*).
- 13 La monnoye d'or, en France dicte escu, en *Italie* & *Eſpagne* ducats.
- 14 Les François vſent de douzains, au lieu que les Romains vſoyent de, (*As*).
- 15 La grosse monnoye apreciee par la menne.
- 16 Que c'est que *Obole* aux *Atheniens*.
- 17 Proportion des valeurs de l'or, sur l'argent & de l'argent sur l'arain.

## Des Noms de la monnoye d'arain, d'argent &amp; d'or. Chap. 7.



A monnoye dont les anciēns Romains ont vſé, a esté d'arain qui a esté dicte, *As*, d'argent qui a esté nommee *Denarius*, & d'or, qui a esté appelee *Aureus*. *Seruius Tullus* fut le premier qui à Rome fist battre & marquer de la monnoye d'arain, pesāt vne liure, qui pource fut dicte *As libralis* & *libella*, lequel mot *As* Varro au liure premier de *Ling. latin.* est d'aduis qu'il est tiré du nom *As* dont ces mots sont tirez *tressis*, *quadressis*, *nonnissis*, *decussis*, & *centussis*, pour trois, quatre, neuf, & cent asses.

Puis fut faict de la menue monnoye d'arain, de deux onces, qui valoit la sixiesme partie d'un *As*, & pour ce fut dicte *Sextens*, & de trois onces, qui pour ceste cause s'appelloit *Triens*, *Teruncius*, & *quadrans*, par ce que les quatre valoyēt vn *As*. Long tēps apres, en l'an du consulat de *Quintus Fabius* fut faicte à Rome monnoye d'argent, & fut faict le denier pour la valeur de dix asses, le demy denier dict *Quinnarius* pour cinq asses, & le sextierce pour deux asses & demy, qui reuient à la monnoye tournois de dix deniers, ou vn carolus, desq̄ls quatre faisoient le denier.



L'or fut monnoyé soixante & deux ans a-  
pres la monnoye d'argent, & fut le scrupule au  
denier d'or taxé vingt sexterces seulement, de  
sorte, qu'une liure d'or pouuoit valoir ueuf cēs  
sexterces au pris qu'ils estoient alors, depuis  
on trouua bon de battre des plaques d'or à cin-  
quante de taille en la liure, qui estoit a la raison  
du poix de chacune piece de deux dragmes  
Attiques, lesquelles neantmoins furent dimi-  
nues petit a petit, par les Empereurs, tellemēt  
que Pline escript que Nero en fist battre a cin-  
quante cinq en la liure, le poix fut bien plus ra-  
baissé a u temps des Empereurs, qui apres suy-  
uient, du regne desquels, la liure d'or fut mon-  
noyée à soixante & douze de taille.

La monnoye d'or à Rome fut dictē *Aure-*  
*us*, duquel le pris durant la republique fut de  
vingt deniers d'argēt. Apres la republique cō-  
muee en monarchie, la valeur du denier d'or  
crut iusques a vingt cinq deniers d'argent, &  
valoit cent Sexterces, quelle valeur est veriffiee  
par la lecture de Suetone, & de Tacite descri-  
uans la vie d'Oto. Suetone escript que Oto lors  
qu'il souppoit auoit acoustumé donner à cha-  
cun soldat de sa garde vn escu, qu'il appelle,  
*Aureus*. Tacite au 17. lib. dict, a chacun cēt sex-  
terces, qui est la valeur de l'escu, en laquelle va-  
leur nous debuons entendre ce mot *Aureus*,  
en toutes les loix, qui en parlent. Cōme quand  
est

est dict, que l'aduocat peult prendre *centum au-*  
*reos* pour son salaire d'auoir plaidé en chacune  
cause. Pareillement és lieux portās mulctes de  
certain nombre d'escuz *a*. Aussi en ce que est  
dict, vn homme pauvre qui n'a en son vaillant  
cinquante escuz *b*. En ce chapitre & en tout ce  
liure nous vserons du mot (d'escu) pour le mot  
latin *Aureus*.

*a l. vi. & l. penult. ff. de In ius vocat. l. si id quod. ff. de Iurisd. omniū iud.*

*b l. Nonnulli. ff. de Accusa- tio.*

8 Cōtre ce q̄ dessus sera faict obiection de ce  
qu'escriit Iustinian. *§. sed nostra instit. de success. libert.* en ces mots. *Vt si quidem libertus, vel liberta minores sint centenariis, id est, minus cētum aureis habeant substantiam, sic enim legis Papie summam interpretati sumus, ut pro mille sextercis, Aureus computetur.* Auquel lieu il ne fault  
prendre l'apreciatiō du mot *Aureus*, pour mil-  
le sexterces, mais pour moderation de la gran-  
de valeur des biens requis au libert. mourant  
par la loy dictē *Papia*, au parauant que son pa-  
tron fust receu a prendre part en sa succession,  
qui estoit de cent mile sexterces, qui peuuent  
reuenir à deux mil cinq cens escuz. Laquelle  
somme estoit requis qu'un affranchy eust va-  
lant pour le moins, au parauant qu'il fust tenu  
pour riche, és temps de la republique Romaine  
florissante, & des premiers Empereurs es-  
quels Demetrius affranchy de Pompee, Criso-  
gonus de Sylla, Amphion de Quintus Catu-  
lus, Hilario d'Antoine, Mena, & Menogenes de



Sextus Pompeius, Palleus, Marcissus, & Licinius de Claudius Cæsar, & plusieurs autres, les richesses desquels ont esté incroyables, & si grandes, que celles de plusieurs Roys & Princes n'en approchent. Mais depuis les facultez des subiects de Lempire estant grandemant diminuez, par les impositions des grands tributs & autres malheurs suruenuz, il a esté raisonnable dimiuer l'estimation des biens de ceulx qui doibuent estre tenuz riches, ayant egard au temps auquel ils ont vescu. Iustinian pour les biens des affranchis reduisit chacun millier de sexterces à vn escu, non qu'il estimast l'escu mille sexterces, mais ordonnant qu'au lieu que au parauant estoit requis, que l'affranchy eust valant cent mille sexterces, il suffist qu'il ayt valant cent escuz, pour admettre son patron a sa succession. Ce que dessus fust pour entendre ce mot *Aureus*, duquel est si souuēt faiet mention en noz droicts, qui depuis fut dict *Solidus*. 10

Pour ceste cause, les tribuz estans imposez par escuz, Alexandre Seuerus qui fut vn tresuertueux Empereur les reduisit a demiz escuz, puis a tiers d'escu, & auoit volonte les reduire au quart, n'eust esté qu'il auoit trop d'affaires, & pour ceste cause il fist faire des demiz & tiers d'escu, au respec desquels les escuz furent dictz *Solidi*. Ce qu'est bien declaré par *Lampridius* en la vie dudict Alexandre, *Vestigalia* (dict il)

pub-

*publica in id contraxit, ut qui decem aureos sub Heliogabalo prestiterant, tertiam partem aurei prestarent, tumq; primum semisses aureorū formati sunt, atque etiam cum ad tertiam partem aurei vestigal decidisset, tremisses: dicente Alexandro, etiam quartarios futuros, quādo minus non posset, quos quidē iam formatos in moneta detinuit, expectans ut si vestigal contrahere potuisset, & eosdem ederet: sed cum nō potuisset per publicas necessitates, conflare eos iussit & tremisses tantum, solidosq; formari.* Depuis ces mots *Solidus* & *Aureus*, ont esté prins pour vn mesme denier d'or, par ce q ce mot *solidum* signifie (entier) pourquoy *As* & *Libra* (cōme escript *Volusius Metianus* en son liure de *Asse*) sont aussi dictz *solidus*. Lempereur *Maorianus* en vne constitution de *Curialibus*, faiet mētion du denier d'or dict *Solidus Gallicus*, qui estoit moins estimé q le Romain par ce qu'il estoit de plus bas or, q le denier d'or dict aux Romains *aureus*, qui a esté appellé par les Grecs, Perles, & Macedoniens *stater*, pourquoy il est dict *Atticus*, *philippeus*, *Daricus*, & *Alexandreus*, qui ont en diuers poix: les vns ont esté d'une dragme, les autres de deux, les autres doubles, triples & quadruples: & y en a eu d'une once, tels cōme se voyent les portugaises.

13 Depuis trois cens ans en Italie & Espagne la monnoye d'or a esté nōmee ducats: en France

ce



ce la monnoye d'or n'a tousiours eu mesme nō, quelquesfois elle à esté nommee franc, & valoit vingt sols tournois, lors qu'en France l'on vsoit de monnoye d'argent pur, aussi ont esté dictz *philippus*. Les escuz faictz du temps du Roy Ian furent dictz Moutons de leur marque aussi ils ont esté appelez (escuz) pour l'escu de France, auquel ils ont esté marquez, comme a esté dict cy dessus.

Les edicts d'aucuns Roys decedez, sont causes q nous ne pouuons rapporter certainemēt l'ancienne figure des monnoyes de France, lesquelles estant forgees de fin or, aucuns auares conseillers voyans que les escuz de leur temps estoient affoibliz d'alloy, pour tirer profit de Por fin des vieilles monnoyes, ont esté auteurs à l'endroict des princes de les decrier, & d'abolir leur cours. Ce qu'a esté faict indignemēt & ingratement à l'endroict des anciens Roys, car nous voyons que durant la republique les magistrats, & apres icelle les Empereurs ont faict engrauer leurs effigies en la monnoye, pour dilater la memoire de leurs nōs, cōme en images erigees en leur hōneur par tout le mōde. Parquoy à bonne cause aucuns auteurs se plaignent des edicts portans decriz de la monnoye des anciens Roys, comme plains d'ingratitude à l'endroict des decedez, & causes d'ensepuelir la memorie de leurs noms, renouuelee

lee en l'usage de leur monnoye.

- 14 En France nous vsons de la monnoye d'arain, argent, & or, cōme ont faict les Romais : & tenons les douzains tournois (qui premierement furent faictz de billon par Charles septieme) comme les Romains ont eu les *As*, car ils se diuisēt en douze deniers tournois de bronze, au lieu de douze onces, aussi sōt forgez des doubles d'arain, qui se peuuent dire sextantes, des Liards qui sont quelq peu aloyez d'argent, qui aussi sont dictz quadrains, & *terūtij*, & *quadrantes*, & comme anciennemēt l'apreciation
- 15 premiere de la monnoye se faisoit par onces, & asses, aussi le premier nombre des sommes en France se faict par deniers, & sols au dessoubz de vingt, duquel nombre la liure tournois est composee, apres lequel nombre est cōpté par liures, & s'il reste nōbre qui ne monte iusques à vingt sols sont adioustez les sols, lequel s'il n'est entier, sōt adioustez les deniers tournois, & quelquesfois les mailles, ou oboles, qui ne sont confiderez pour leur petite valeur, fors es cas, ou elles sont multipliees beaucoup de fois, & es comptes exacts, & sont beaucoup de moindre valeur, que les oboles Attiques, qui valoyent la sixiesme partie d'une dragme, & pouoyent valoir sept deniers tournois : aussi du mot (obole) est a noter cōme dict Plutarq en la vie de *Lyfander*, qu'il y a grande coniecture que



que les monnoyes n'ont tousiours esté rôdes, mais ont esté tirées en long, comme brochettes, car le nom d'obole signifie broche.

Au parauant que finir ce chapitre, sera à propos parler de la proportion des valeurs de l'argent, sur l'arain, & de l'or, sur l'argent. L'argent est prisé cent fois autant que l'arain, tellement qu'une once d'argent en vault cent d'arain, la proportion de la valeur de l'argent sur l'or n'a tousiours esté de mesme. Herodote note la proportion de l'or de l'un pour treize d'argent. Du commencement que la monnoye d'or fut faite à Rome un denier d'or estoit estimé dix deniers d'argent, puis en valut quinze.

Quelle proportion d'estimation a duré iusques au temps des Empereurs, fors qu'elle a esté un peu diminué, car la taille de septante & deux escuz dictés *Solidi* en la liure, est à la raison de six en l'once (qui est le poix du viel escu) & estimant la liure d'argent cinq solides, suyuant l'apreciation de *Honorius & Arcadius*, la liure d'or reuiert à quatorze liures quatre onces, & quatre cinquièmes parties d'une once d'argent.

Du Moulin en la questiō 100. nō. 779. rapporte des anciens registres de la monnoye de Paris, l'argent quelques fois auoir esté si rare que l'once d'or n'en valoit qu'huiet d'argent, & quelques fois l'or a esté si rare qu'il a valu seze. Auourd'huy en France & Espagne, la proportion

tion de valeur est d'un denier d'or pour douze d'argent, tellement que l'escu sol de France vault douze réalles de la marque d'Espagne chacune desquelles est du poix d'un escu sol.

### Sommaire du Chapitre huitiesme.

- 1 *Marius Gratidianus* premier fist edict de faire l'essay de la monnoye.
  - 2 *Iulian* Empereur établit le magistrat dict *Zigostates*.
  - 3 De ceulx à qui appartient la cognoissance si la monnoye est bonne, ou mauuaise.
  - 4 Difference du iugement, si la monnoye est bonne ou mauuaise, d'auécques la visitatiō de la monnoye.
  - 5 Moyen d'esproouuer l'or & l'argent.
  - 6 A quels fraiz la monnoye doit estre visitée & payemens & retraicts.
- De ceulx qui doibuent approuer la monnoye. Chap. 8.

**E**S monnoyes la semblée des deniers adulterins aux vrayz, est cause qu'au commerce se commettent beaucoup de fraudes. *Marius Gratidianus* à Rome le premier fist edict, contenant la maniere de faire



a Plin. c. 9.  
du 33. lib.

b l. quoties  
de ponderat.  
lib. 10. C.

c l. i. §. fin.  
ff. de vent.  
in spi. & ibi  
doct. Bart.  
in l. septimo  
mens. ff. de  
Stat. homi.  
doct. in c.  
significauit. 3.  
de homicid.

re l'essay de la faulſe monnoye, d'auecques la  
vraye, lequel edict fut tant agreable au peuple,  
qu'il n'y eust rue en la ville de Rome, ou ne fust  
dressee vne statue d'argent à son honneur a.  
Long temps apres Iullian Empereur ordonna,  
que lors que debat seroit, si l'escu dict *Solidus* 2  
seroit bõ ou mauuais, & de sa qualite, qu'il fust  
iugé, par l'aduis du magistrat constitue par cha  
cune bonne ville dict *Zigostates*. *Quoties* (dict il)  
*de qualitate solidorum orta fuerit dubitatio, placet*  
*quem sermo græcus (Zigostatem appellat.) per sin*  
*gulas ciuitates constitutum, qui pro sua fide, atque*  
*iudustria neque fallat, neque fallatur contentione*  
*dirimere* b. Lequel magistrat est cõme vn mai  
stre des poix, & balâces. Du Moulin en la que  
stion 92. rapporte, que les officiers des mōnoy  
es s'attribuent priuatifuement a tous autres, l'au  
torité d'approuuer ou reprouuer la mōnoye.  
Quelle opinion (si elle estoit veritable) le iuge 3  
ment de la qualite de la monnoye seroit quel  
quesfois fort difficile, pour ne trouuer tou  
iours à propos des ouuriers & maistres des  
monnoye. Surce est faicte ceste distinction, ou  
il est question d'asseoir iugement sur la qualite  
de la monnoye, pour la declarer bõne ou mau  
uaise, en ce cas il est requis prendre l'aduis des  
maistres, & officiers des monnoyes, cõme des  
perits & experimentez c. car quand il fault a  
uoir recours aux maistres, il doit estre enten  
du

du des plus sçauans, & experimentez d. Les  
quels en vne ville ou il y a monnoye est vray  
sẽblable estre les maistres, & officiers d'icelle. d Aug. in l.  
qui luminib.  
ff. de seruiz.  
vrba. pred.

4 Ou bien est question seulement de voir, &  
visiter la mōnoye être les priuez, pour sçauoir  
si elle est bonne, ou mauuaise, & de mise. Lors  
les chageurs dictz *Nūmularij* & orfebures sõt  
capables pour iuger de tels differẽts e. Ce q̃ sē  
ble, qu'il y a long temps, qu'il depend de leurs  
charges, par ce qu'escript Aristote f. qui com  
pare le iuge au changeur, cõme (dict il) le chā  
geur discerne le bon denier d'auecques le mau  
uais & faulx, aussi le iuge doit faire la diffe  
rence d'entre le iuste d'auecques l'iniuste, le li  
cite d'auecques l'illicite. Es lieux ou il n'y a mō  
noyes assises, es proces & querelles esquelles  
sera question si la monnoye est bonne ou mau  
uaise, les changeurs & orfebures peuuent estre  
ouis cõme bons experts, car ils sont sçauans en  
celle sciẽce, & sçauent les orfebures, les moy  
ens d'eprouuer la bonte ou falsite de la matie  
re de la monnoye par la fonte, par la touche &  
par l'eau forte. Le moyen d'eprouuer la bonte  
de la monnoye d'or & d'argent par la pierre de  
touche: est commun aux orfebures, changeurs,  
ieolliers, argentiers, & a tous traficans d'argẽt.  
De l'excellẽce de laq̃lle forme d'eprouuer l'or  
& l'argẽt, Plinẽ g. parle ainſi. Mais pour ce que  
l'or & l'argẽt s'eprouuẽt a la touche, est bon de  
dire

g c. 8. lib. 35.



dire icy qu'anciennemēt on ne trouuoit la pierre de touche qu'auſſeuue *Timolus*, ſelon que dict Theophraste, mais maintenāt on en trouue par tout, les Latins l'appellent, *coticula, lapis Lidius*, ou *lapis Heracli<sup>9</sup>*: les pierres de touche ſont petites, car elles ne paſſent iamais quatre poulces en long, & deux en large. Item on tiēt pour le meilleur endroiēt de la touche, celui qui eſt tournē deuers le ciel, quand on le trouue: car la partie qui touche à la terre n'eſt ſi bōne: & eſt grand cas que les gens experts, a ce meſtier cognoiſſent a touchē vne mine a ces pierres, car elles rapent comme feroit vne mine, combien d'or il y a, & combien d'argent a vn ſcrupule pres, & ne faudrōt d'un ſeul poīēt, encores que ce ſoit par vne raiſon incroyable. Plin<sup>e</sup> au meſme lieu enſeigne encor. autres moyens d'eprouuer le bon argent d'auecques le mauuais.

*h In l. Paulus ff. de ſolutio. nu. 5.*

*i arg. l. 4. §. ſi alter. ff. ſun. rogand.*

*l. l. Ediles §. vlt. cum l. ſequēt. §. Illud ſciendum l. debet ff. de Edilit. edict.*

Bartole *h.* demande à quels deſpēs ſe doiht faire la depenſe de telle viſitation, il reſpond aux deſpens communs: Ce que doiht eſtre limité premierement en cauſe de retraiēt & cōuentionnel, car c'eſt vne loy generale, q̄ celui qui retire doiht tous les fraiz, que l'on a acouſtumé faire és retraiēts, & acceſſions d'iceulx. Autrement l'achepteur feroit en perte, ce que doiht eſtre entendu és retraiēts ou y auroit ſōme notable, comme de ſomme excedant cent liures

liures entre perſonnes de baſſe condition, qui ne ſe cognoiſſent en argent, & ont grand intereſt, de n'eſtre trōpez au payement qui leur eſt faiēt, ce qui peult ariuer par ſuppoſition de faulſe monnoye, au lieu de bonne: mais ſil eſtoit queſtion de petite ſomme preſentee en or & monnoye, qui ſemble bonne & ſe trouue de poix, l'achepteur eſt trop delicat d'appeller des orfebures & experts, la preſence deſquels eſt pour greuer le retrayant de fraiz, ſi non que les pieces de mōnoye fuſſent doubteuſes, lors en l'execution du retraiēt peult eſtre demandē, qu'elles ſoyent viſitees par experts: la deciſion de ceſte queſtion dependra de l'office du iuge.

Auſſi ſi proces eſt faiēt, ſur la qualite des pieces du retraiēt, ſi elles ſont bonnes ou mauuiſes, & qu'il y ait cōteſtation & cognoiſſāce de cauſe & iugement: l'achepteur payera les fraiz, ſil eſt trouuē auoir mal reſuſe les deniers, qui eſtoient bons, & auoir greuē le retrayant de la folle inſtance, comme à ſemblable le retrayant y ſera condemné ſil ſuccombe.

### Sommaire du Chapitre neuſieſme.

- 1 Les traffiquans d'or & d'argent anciennemēt ont eſtē diēt<sup>s</sup> (*Argentarij* & *Numularij*).
- 2 La difference des deux.
- 3 Le lieu ou anciennement à Rome les argēti<sup>res</sup>

D

fai-



- faisoyent leur faict d'argenterie, qui estoient dictes anciennement les vielles boutiques.
- 4 Pourquoi les argentiers sont tenuz représenter leurs papiers.
- 5 L'estat des argentiers anciennement n'estoit honorable.
- 6 Les argētiers anciennement bailloyēt à usure.
- 7 Que c'est que change.
- 8 L'office des banquiers.
- 9 Comme auioird'huy la banque est exercee.
- 10 La deprauation de l'ancien usage de banque.
- 11 Si les contractz de change sont licites.
- 12 Distinction des Theologiens sur les lettres de change.
- 13 Des vsures qui sont exercees, es banques.
- 14 Deffault d'auoir negotiē n'est cause suffisante pour exercer vsures excessiues.

De ceulx qui negocient de la monnoye Chap. 9.



De ceulx qui negocient de la pecune, les vns le font sans perte & ocieusement, & en tirent grands proufits, qui sont les vsuriers.

Les autres traffiquent de la pecune avecques quelque exercice, qui anciennement ont esté dictz *Argētarij* & *Nummularij*, combien q̄ les deux le plus souuēt soyent prins pour vn mesme: toutes fois il y a eu de la difference.

ference, en appert de ce qu'escript Paulus iurif <sup>a l. quedam</sup> consulte *a. Nummularios quoque* (dict il) <sup>sunt. S. nummularios. ff.</sup> *nō esse iniquū cogi rationes edere* Pomponius scribit, <sup>de edend.</sup> *quia & hi sicut argentarij rationes conficiunt.* Nous voyons en ce texte, comme les deux *Argentarij* & *Nummularij* sont mis comme deniers; car *argentarij* estoient ceulx qui faisoyent faict d'argenterie, prenant & baillant argent a vsure, & le faisoyent tenir es prouinces, comme les affaires se presentoyent, qui est l'office des banquiers, tel qu'il s'exerce auioird'huy es banques à Lyon, Anuers, Venise & autres villes. Mais *nummularij* estoient ceulx qui assembloyēt argēt en quātité, puis le detailloyēt par parties, <sup>b In d. l.</sup> *Qui accipiunt* (dict Paule <sup>b</sup>) *pecuniam & erogant* <sup>quedam.</sup> *per partes.* Tels auioird'huy sont les chāgeurs, qui assemblent quantité de monnoye, pour laquelle ils changēt les pieces d'or: Neantmoins l'usage à faict que l'un desdicts mots, est prins pour l'autre. Les argentiers exerçoient à Rome leur faict es boutiques, qui premierement leur furent baillees au marché public par *Tarquinius Priscus*, & estoient comme les boutiques des orfebures de Paris sur le pont au change, qui apres furent dictes *veteres*, pour la difference des nouuelles, qui furēt adioustees. Tite Liue faict mention de es boutiqs en plusieurs lieux, entre autres au 9. *Ab vrbe condita*, quand il parle du triōphe de *Papirius* dictateur, pour



la victoire obtenue des Samnites, il dict, que les armes & escuz dorez, pris de leurs despouilles, furent diuisees par les seigneurs des boutiques de l'argenterie, pour en parer la place du marché, lors du triomphe. Et au sixiesme, de la troysiesme decade parlant d'Annibal dépité de ce que le fond auquel il auoit planté son camp, auoit esté achepté aussi cher, cōme s'il n'y eust esté, il fist publier en son camp les boutiques des argentiers, qui estoient au tour du marché de Rome, estre à vendre.

Le secours des argentiers fut prompt à l'endroit de ceulx, qui en auoyent affaire, qui estoit grand. Car (comme note monsieur Brisson) ils interuenoyent, aulx auctions & ventes publiques qui se faisoient à l'ancan, & es contracts des priuez, respondoyent des deniers, & les recepuoyēt, & quelques fois ils s'en chargeoyent par deposit, c, ainsi comme il se peult condend. ff. de petit. hered.

Pour ceste cause Caius iurisculte escript des argentiers, *Argentarios rationes edere iubetur, nec interest an cum ipso argentario controuersia sit, an alio: Ideo autem argentarios tantum neque alios ullos ab similes eis rationes edere cogit, quia officium eorum atque ministerium publicum habet causam, & hac principalis eorum opera est, ut actus sui rationes diligenter consulant.* d.

d l. argentario. ff. de cend.

L'e-

5 L'estat d'argenterie (encores qu'il fust infiniment questeux) comme auourd'huy est celuy des Banquiers, toutesfois il n'estoit reputé honorable. Ce qu'est manifesté de la reproche de Marc Anthoine qu'il fist à Auguste, que son ayeul auoit esté banquier, ou argétier. La cause de déprimer c'est estat fut, par ce que le principal faict d'iceluy estoit en l'exercice des vsures, desquelles ils faisoient les grands gains: Ce que ce peut apprédre de ces vers de

6 Plaute e. *Sub veteribus ibi sunt, qui dant, quique accipiunt, fœnore.* Sous ce mot *veteribus*, il entend les boutiques des argentiers. Le mesme poëte en la comedie dictée *Asinaria*, parlāt des vsures exercees par les argentiers escript ainsi,

*Quia triduū hoc unum modo fœro operam assiduam dederim.*

*Dum reperiam, qui querit et argētum in fœnus.* Pour ceste raison Ciceron en vne epistre ad Atticum appelle l'argent presté a vsure par les argentiers, *Æs circumforanēu*. En ce lieu à propos, se peult traicter des Changes, qui s'exercent à Lyon, Anuers, Londres, Venise, Florence, & autres villes marchandes, esquelles la traffique de deniers s'exerce l'argemēt, sous le nom de change. Quel mot est dict, par ce q les marchands d'Almagne, Italie, Espagne, Angleterre, & autres y affluent au temps des foires, ils apportēt & recoyuent deniers, qui n'ot

e In Curculio

D 3

cours



cours es prouinces les vns des autres, pour les accommoder, ils trouuent autres marchands, qui changent leurs deniers non de mise en autres deniers qui ont cours en leur pays, ce qu'ils font par eualuation d'espece à espece, ou par poix de marc, lors ils reçoient les especes cōme matiere, qui est espece de permutation, & est appelée chāge, qui en François signifie autant cōme permutation. Le contouer, ou magasin ou se faict le change d'ancienne diction Frāçoise est dict, bancq, dont il tire le nom de banquier. Celle forme de negociation de deniers à esté vſitee entre les anciens Grecs & Latins, qui ont appelé la tare de l'échange *Colibus* duquel mot ils ont aussi vſé pour signifier le change dont est tiré ce mot *Colibistes* pour vn bāquier l'office duquel Cicerō dict qu'il n'est requis au lieu, auquel tous vſent de meſme espece de monnoye.

Les marchands ont inuēté vne autre forme de change & traffique de deniers plus aisez, qui est qu'ils ont facteurs en chacune bonne ville, ou intelligēce avec autres marchāds, ils reçoient les deniers de ceulx qui les veulent changer, ou faire porter en autre pays, auxquels ils baillent lettres, qu'ils appellent, Lettres de chāge, adressees à autre banquier, ou marchand, par lesquelles il est mandé payer contant au nommé en icelles la somme, qui a esté receüe par celui qui

qui escript, & pour ce est payé salaire. Ce que depuis à esté depraué & pratiqué pour inuention de plusgrand proufit, car telles lettres se baillent souuent sans auoir receu autres deniers, sur assurances bien cautionnees, & pour ce le banquier stipule grand proufit, le plus souuēt à la raison de vingt pour cent, qui est de cinq par chacune foire pour le terme de payer en cas de retardement, que fera le debteur de le rébourser.

11 Lon demande si ces contrats de change resistent aucune chose de vice vsurarie, Ian Lescot docteur Theologien scholastique a traicté ceste questio, & la voulu resouldre par la distinction des commerces qui s'ensuit. Les vns le font de chose à autre, & est le contrat de permutation: les autres de chose pour deniers, & est le contrat d'emption: les autres le font de deniers pour deniers, & est le cōtract de prest, puis accommodant sa distinction au propos du change dict, qu'il est licite, si non qu'il en soit abusé pour en acquerir par vsure. Quelle distinction declaree est veritable, car quand aux deux premieres formes de change, elles ne sont de prest, & en consequence il ne peult auoir vsure. Quand à la troisieme elle comprēt le faict des banques, qui s'exerce en deux formes cy dessous touchees. La premiere est quand argent est baillé en vn lieu pour le faire tenir en autre



& pource est payé salaire au banquier par celuy qui baille les deniers. Telle forme de contractz de change est comprise sous les contractz in-nominez *de vt des*, qui sôt licites & approuuez par les docteurs *f*: pourueu qu'il en soit prins

*f* Alexand. consil. 62. in  
ii. volumin.  
Ia. In l. i. C.  
de sum. Trin.  
& fid. catho-  
lic. Salicet.  
in auth. Ad-  
hac C. de v-  
sur. Bald. in  
rub. de const.  
pecu. C.

salaire raisonnable, & suyuant la coustume ob-seruee en telle traffique, & d'auantage ils sont fort fauorables pour les voitures des deniers, & autres despenſes qu'il conuient faire au ban-quier, aussi qu'il est chargé du peril des deniers qu'il a receuz.

L'autre forme est, quand les lettres de chā-ge sont baillées par le banquier adreſſees à au-tre banquier en autre pays, pour faire deliurer deniers à celuy qui a receu les lettres, qui ne les acontez au banquier, lesquels est assurez sur cautions & promesses de les luy rendre moy-ennant quelque somme pour le proffict d'i-cēux. Ceste espee de banque est contract de prest, car le banquier est le creditur, celuy en faueur duquel la lettre de change est escripte, est le debteur apres qu'il a receu les deniers, & pour ce en tels contractz doyuent estre obser-uees les regles des vsures prescrites pour le contract de prest, & mesmes ce qu'est escript de la stipulation de l'interest futur au cas d'in-terest de la part du banquier, es cas de gain ces-sant, ou de perte pour la carēce de ses deniers, comme est noté par les docteurs *g* Surquoy

*g* In c. salu-  
briter de v-  
sur. ext. & in  
l. rogasti. S. si  
tibi. ff. si cert.  
petat.

en

en passant nous dirons avec les docteurs qui ont parlé des vsures de Lyon, Anuers, Floren-ce & d'autres lieux, qu'en tāt qu'elles sôt inu-rieuses & excédēt la mesure permise aux mar-chāds par Iustinian *h* qui est de huiet pour cēt ou au plus le denier dix ( car le proffict a telle mesure en marchandie est déclaré raisonna-ble *i* ) qu'elles sont grandement a blasmer *k*, comme estans contre le commandement de Dieu, la trangression duquel ne peult estre ex-cusee sous pretexte de quelques lettres des Roys, que les marchāds par importunité disēt auoir obtenues, par lesquelles ils pretendent estre permis aux banquiers traffiquans es foi-res de Lyon, prendre ou plustost exiger vsures de leurs deniers, iusques à vingt pour cēt. Car tels escripts contiennent iniquité, & si la loy declare le rescript obtenu contre le droit hu-main nul ne veult qu'il y soit obey *l*: a plus forte raison les rescripts obtenuz cōtre la loy diuine sont de nul effect & valeur, & ne vaul-dra pour excuse le dire du banquier ou mar-chand, qu'il eust plus gaigné de son argent s'il l'eust mis en marchandie. Car le deffault d'a-

*l* 4 uoir traffiqué n'est cause suffisante pour demā-der & adiuger plus grandes vsures, que les le-gitimes, *Venditor* (dict *Hemagenianus m* *l* *si m* *l* *fin. ff.* *emptor in pretio soluendo morā fecerit vsuras dun-* *de peric. &* *taxat. prestabit, non omnē omnino quod venditor* *com. rei. rei-* *dit.*

*h* In l. eos. C.  
de vsur.

*i* Bald. in l.  
fin. S. i. C. de  
iur. dot.

*k* *l* *Host. &*  
*Godofrid. in*  
*sum. titul. de*  
*vsur.*

*l* *l. fin. C. si*  
*cont. ius vel*  
*utilita. publ.*

*l. fin. ff.*  
*de peric. &*  
*com. rei. rei-*  
*dit.*



*mora non facta consequi potuit, veluti si negociator fuerit, & pretio soluto plusquam ex usuris querere potuerit.*

*Sommaire du Chapitre dixiesme.*

- 1 Les monnoyes sont changees pour deux causes.
- 2 Les monnoyes peuuent estre changees pour la reformation de l'estat.
- 3 L'or & l'argent souuent sont causes de corrompre les plus gens de bien.
- 4 Exemple de corruption de Gilippus Lacademonien.
- 5 Si la monnoye se doibt decrier pour la vilité de sa matiere.
- 6 Le Prince quād doibt desdommager le peuple au decry de la monnoye.
- 7 La monnoye ne se doibt decrier sans grāde de liberation.
- 8 Exemple vertueux de Frederic Empereur.
- 9 Perte du peuple pour le decry de la monnoye fait par Philippes le Bel.
- 10 La bonne monnoye quelquesfois est decreee par le dol des mauvais conseillers.
- 11 Si la monnoye doibt estre decreee pour la velleſſe.
- 12 Honneur porté à la vielle monnoye.
- 13 Changement du pris de la monnoye pour bāne & mauuaise cause.

- 14 La monnoye d'arain reduite à deux onces, & à vne.
- 15 Excuse de Philippes le Bel en la diminution de la monnoye.
- 16 Faict tyrannique de L'empereur Nysephore Phocas.
- 17 Pareille tyrannie de Denys le Tyran.
- 18 Le pris de la monnoye haulſe pour le bien public.
- 19 Faict de Solon pour acquieter les debtours.
- 20 Tyrannie des Angloys en la monnoye du tēps de Charles sixiesme.

*Du changement & mutation des monnoyes. Chap. 10.*

**L**es monnoyes sont changees en deux formes: La premiere, quād elles sont decreees, & est ordonné qu'elles seront mises au billō: La seconde quand elles demeuurent ex leur forme: mais elles sont diminuees ou de matiere, ou de poix, ou de valeur.

Les monnoyes peuuent estre decreees pour bonne & mauuaise cause: pour bonne cause, premieremēt pour la reformation vniuerselle des mœurs publiques, comme fist Licurgus à Sparte, qui pour en chasser toute occasion d'auarice, decria toute sorte de monnoye d'or & d'ar-



d'argent, commandant que l'on n'vlast que de celle de fer. Ordonnance fort salutaire (si possible estoit la faire practiquer) pour faire viure sainctement les citoyens d'une mesme ville. Car 3  
combien l'or & l'argent ont grande & asseuree puissance pour corrompre les plus grâds & vaillans d'un pays: Le descouure le faict de *Gilippus* lequel ayant assisté *Lyfander* en la victoire obtenue contre les Atheniens, & fectant porté fort vaillamment & vertueusement il receut la charge de *Lyfander* de porter à Sparte la despouille qu'il auoit faicte des Atheniens, & les couronnes d'or qui luy auoyent esté presentees dont furtiuement il derrobba vne bonne portion, qu'il cacha sous les tuilles de sa maison. Ce qu'apres fut descouuert par vn serui-  
4 reur de *Gilippus* sous parolles conuertes, disant que sous les tuilles de la maison de son maistre, couchoit vn grand nombre de cheueches. Par ce que la pluspart de l'or & l'argent monoyé, qui couroit alors en la Grece, auoit pour marque vne cheueche, à cause des Atheniens. Pour lequel larcin *Gilippus* apres tât de beaux & grands exploicts d'armes, qu'il auoit faicts, fut banny du pays de Lacedemone. Ce qu'esmeut les plus sages bourgeois de Sparte, qui voyoient de plus loin redoubtâs la puissance de l'or & de l'argent, laquelle ils cognoissoient euidentement par l'exemple de ce for-  
faict

faict, attendu qu'il auoit eu tant de force que de faire foruoyer du droict chemin vn de leurs principaux hommes: pourquoy reprenoyent & blasmoient grandement *Lyfander*, protestât d'euant les Ephores, qu'ils deuoyent renuoyer hors de Sparte tout l'or & l'argent, qu'il y auoit enuoyé, cōme vne peste, & vn apast, & amorce atrayante à mal faire, & qu'ils ne deuoyent vser que de leur monnoye, ce que fut proposé au conseil.

- 5 Secondement la monnoye peult estre decrice quād celle, qui a cours est de matiere corōpue, & vile comme souuēt auons veu faire, & a esté faict du temps de noz perez & se practiq̃ quel quesfois es monnoyes estrāgeres, ausquelles le seul commerce des marchands à donuē cours, toutesfois si le prince auoit esté aucteur q̃ celle  
6 monnoye fust receüe par le peuple, il ne la peult decrier sans desdommager ceulx qui l'ont receüe, car le peuple à receu celle monnoye suuant sa valeur imposee, qui à l'auanture surpasse le pris de la matiere du triple, ou quadruple, ou plus, & par le decry elle demeure au subiect pour matiere seulement, & est frustré du surplus, qui est en la valeur imposee, qui est ostee par le decry, & en est autant le peuple appoury.

Parquoy les Princes doibuent bien delibérer à ne faire, ne donner cours à aucune monnoye, qu'elle ne soit de bōne matiere & de qualite



liré, qui merite qu'elle ait cours, à ce qu'elle demeure perpetuelle & que l'Edict de l'auctorité de la monnoye, ne soit vn las coullant sous l'auctorité publique, pour apres decepuoir les subiects si la monnoye n'est bonne au decry d'icelle, auquel est la ruine du peuple, & toutes fois si necessité se presente si violante, qu'elle contraigne les princes d'affoiblir la monnoye, apres icelle passée, ils doibuent reparer la calamité de la necessité, decrant la mauuaise en substituant la bonne, laquelle ils partiront au peuple pour la mauuaise, qu'ils retireront, comme fist L'empereur Frederic second, lequel estat en Italie euuiron l'an 1240. en disette d'argent, apres auoir vendu sa vaiselle d'or & d'argent, fist faire de la monnoye de cuir, marquée de sa figure, à laquelle il imposa la valeur d'un ducat, & ordonna qu'elle auroit cours à celle valeur, puis ayant recouuert deniers, la decrya & commanda que ceulx qui l'auoyent receüe la baillassent à son thresorier, qui pour chacune piece rendit vn ducat.

Philippe le Bel, ne fut si gracieux, car ayant affoibly des deux parts la monnoye qui se faisoit de pur argent, & quelque temps apres en ayant fait distribuer à son peuple d'autre corompue, il la decrya, & en fist faire d'argent pur, comme estoit la premiere sans desdormager ceulx qui l'auoyent lors du decry. Quoy faisant

tant il ruina vne infinité de ses subiects & destrangers, qui estoient venuz demourer en ce Royaume, comme escript Antonin au tit. 20. c. 8. §. 16. de son hist.

10 Pour mauuaise cause, la bonne monnoye qui a cours à certain pris par les ordonnances, quelques fois est decreee, par l'avarice des mauuais conseillers, qui font abolir les especes d'or & d'argent, & ordonner qu'elles n'aient plus de cours, non à autre fin, que pour la pratique du proufit, qui est en l'achapt de telles pieces d'or & d'argent. Pourquoy arriue quelques fois que tels edicts ne sont obseruez & nonobstant iceulx, les pieces d'or & d'argent decreees demeurent au commerce pour bonne monnoye.

11 Les docteurs *a.* notent, que la monnoye se peut decrier pour l'antiquité, ce que me semble ne se pouoir soustenir, car quand à ce qu'ils disent ce deuoit estre fait, pour l'vsure d'icelle qui est cause qu'elle ne demeure plus, n'en sa forme, ne poix, ne peut estre general à toute la monnoye ancienne, partie de laquelle comme elle à peu estre diminuee par l'antiquité & pour l'vsage d'icelle. Aussi l'autre partie à peu estre conseruee entiere & en forme, & en poix & telles s'en trouuent des plus anciennes, tant Grecques q Latines, ausquelles ne doit estre fait ceste iniure, qu'elles soyent abolies pour l'antiquité, pour laquelle elles doibuent estre plus

*a. In c. quæ-  
to ext. de in-  
reuer.*



b Sueton. in  
August. c. 75.

c L. numif-  
matum. ff. de  
vfu.

d L. de ve-  
terib. numif.  
petest. lib. II.  
c.

plus venerées, estimées, comme elles ont esté par les anciens, comme par Auguste, qui pour<sup>12</sup> plus magnifier ses liberalitez, aux iours des festes qu'il celebrait, donnoit au peuple de la monnoye des anciens Roys b. Pour ceste veneration & honneur porté aux pieces de vieille monnoye, les anciens les ont honorées autant que les pierres précieuses, & la loy veut que l'usufruit se peut constituer en icelles c. Plus Constantin à voulu q la vieille monnoye formée de l'image des anciens princes, qui est de poix & non éfaccée, soit mise pour le pris à elle imposé d. Ce que n'a tousiours esté gardé en ce royaume, auquel avec iniure faicte à la memoire des Roys decedez leur monnoye d'or & d'argent a peine à duré deux cens ans sans estre décriée.

La seconde forme de changer les monnoyes est, quand elles demeurent en leurs noms & pris imposé, mais elles sont affoiblies de poix, ou la monnoye d'or est alloyée d'argent ou l'argent de cuyure, ce que ce faict quelquesfois pour bonne, & quelquesfois pour mauuaise cause: pour bonne cause c'est faict pour le se-<sup>13</sup> cours public, comme fut faict à Rome durant la premiere guerre contre les Carthaginois, la cité se trouuoit fort en arriere, & ne scauoit on come l'on debuoit fournir aux fraiz qu'il falloit faire, fut auisé d'abaisser le poix de la monnoye

noye d'airain, & fist lon des As de deux onces, au lieu qu'au parauant ils pesoyent vne liure, <sup>14</sup> par quel moyen le fisque gaigna les cinq parts sur la monnoye & acquitta de ses debtes. Depuis & mesmes au temps que *Quintus Fabius Maximus* fut dictateur, la republique ayant *Hannibal* en teste, & se sentant pressée fist battre des As d'une once, établissant ce taux aux monnoyes, que lon prendroit le denier d'argét pour seize As, & le demy denier (dict Quinaire) pour huit, & le sexterce pour quatre: par lequel moyen la republique gaigna droitement la moitié sur la monnoye, & fut secourue en ses necessitez. Sur ceste cause peult <sup>15</sup> estre excusé le faict de Philippes le Bel, qui comme à esté noté cy dessus, pour fournir aux fraiz de la guerre qu'il auoit cōtre les Anglois & Flamens, affoiblit des deux parts la monnoye, qui au parauant estoit d'argent. Pareillemēt sur ceste cause de necessité peult auoir couuerture, le faict du Roy Charles septiesme, qui pour fournir a la dépense de la guerre, diminua la monnoye de plus de la moitié.

Pour mauuaise cause, le poix de la matiere est diminué, lors que ce c'est faict pour le seul profit du prince, qui a ce faire n'est cōtrainct d'aucune cause de necessité, mais par auarice come <sup>16</sup> fist L'empereur Nycephore Phocas (ainsi qu'il est escript par *Zonaras*) leql fut si auare, qu'il



qu'il fist des escuz de beaucoup plus legers que les anciens qui estoient de fix en l'once, & ordōna q̄ les tailles & impositions seroyēt payées des anciens, & au contraire que les presens & la dépense qu'il feroit, seroyēt payez des nouveaux. De semblable auarice au parauāt auoit vſé Denys le Tyran de Syracuse, lequel ayant pris de ses citoyens leur argent par prest, puis<sup>17</sup> apres fist battre vng nouveau denier d'une dragme, auquel il imposa le pris de la valeur de deux, qu'il bailla a ses crediturs, par ce moy en il retint ce que l'on luy auoit presté e.

e Arist. lib. 2.  
Gecon. publ.

La monnoye quelques fois demeure en sa forme, matiere & poix, mais le pris en est haulſé à l'occasion du pris de la matiere qui a creu, comme nous voyons le pris de l'or & argent, auoir haulſé depuis cent ans de moitié, & les escuz & testons estre demeurez a leur matiere & poix, fors q̄ l'escu sol est rabaisſé de deux grains. Il a dōc esté raisonnable croistre au fur le pris de la monnoye d'or & d'argent, autrement la matiere des especes vouldroit du tiers plus que la premiere valeur imposee, & seroit plus de prouffit de fondre la monnoye, que de l'employer au commerce.

Aussi la valeur de la monnoye est quelques fois haulſee pour vn bien public, comme fist<sup>18</sup> Solon à Athenes, lequel pour acquicter les pauvres debteurs enuers leurs crediturs, augmē-

ta

ta la valeur de la mine iusques à cēt dragmes, qui au parauant en valoit soixante & treze seulement, par le moyen duquel augment les pauvres acquicterent leurs debtes, & les debteurs furent satisfaits. Par tyrannie la valeur de la monnoye est haulſee, quand c'est pour le seul prouffit, ou du prince, ou des courtisans: ainsi fut fait en ce royaume du temps de Charles sixiesme, lors que les Anglois le tenoyent comme prisonnier, car le marc d'argēt en l'an 1418. (qu'ils entrèrent en la ville de Paris) ne valoit 20 que neuf liures, tant estoit la monnoye forte. Mais a leur persuasion & par leurs cōseils fraudoux ils firēt faire edicts soubs le nom du Roy Charles sixiesme, par lesquels l'escu fut mis a soixante sols, le mouton a quarante sols, les nobles d'Angleterre a sept liures. Pareilles trōperies ont souuent esté faictes par les courtisans, qui ayans grands nobre d'escuz, ou d'autres especes d'or par edicts ont pratiqué que leur valeur fust haulſee.

*Sommaire des vnziesme & douziesme Chapitres.*

- 1 Diuerses opinions des docteurs sur la question proposée, tant de la partie affirmative que negative.
- 2 Raisons de la partie affirmative.

E 2

3



- 3 Les debtors sont tenuz payer les especes de monnoye suyuant leur promesse.
- 4 Payer de la monnoye d'arain pour de la monnoye d'or, n'est satisfaire à l'obligation.
- 5 La valeur de la monnoye se doit considerer au temps du payement.
- 6 Au payement on doit, auoir égard à l'accroissement du pris de la monnoye suruenu depuis l'obligation.
- 7 Comme le debteur se peut acquieter en autre monnoye.
- 8 Opinion des Canonistes sur le payement des especes deües de rente.
- 9 Conseil des docteurs de Pauie sur le fait de la question.
- 10 De la diminution de la matiere, le pris de la monnoye demeurant.
- 11 La diminution de la matiere concerne la bonté interieure de la monnoye.
- 12 L'augmentation de la monnoye d'arain est la tare de la bonté de l'escu, qui estoit lors du contract.
- 13 Arrest de la Cour de Parlement de Paris a ce propos.
- 14 Arrest de la Cour de Bordeaux sur le mesme fait.
- 15 Opinion des docteurs sur ceste partie affirmative.
- 16 Le payement de la monnoye se doit faire ayant

- ant égard à la bonté interieure & materielle de la monnoye.
- 17 Opiniõ des docteurs du droit Canõ & droit Civil sur la question.
- 18 Le canon deu par L'emphiteute doit estre paye en espee de monnoye conuenue.
- 19 Payer autrement qu'il est conuenu, est payer autrement qu'il n'est deu.
- 20 La conuention de payer especes à forme de transaction sur l'incertitude des monnoyes.
- 21 De la conuention de payer liures.
- 22 Difference de la conuention de payer liures simplement, ou de les payer en monnoye courante.
- 23 Conuention de payer monnoye courante pour le regard de la bonté interieure de la monnoye.
- 24 Arrest conforme a ceste opinion.
- 25 La conuention de payer ducats à certain nombre, au marc & valat certain nombre de sols est valable.
- 26 Forme de contracter du temps de Charles septiesme.
- 27 L'imitation premiere.
- 28 L'imitation seconde és prescriptions.

Comme se doibuent payer les rentes & autres debtes d'especes de monnoye. Chap. II.





A question plus douteuse en matière des monnoyes, est es debtes des rentes par espece, ou es cōtracts de prest, de retraicts lignagers & conuentionels, de dot, de depost, de legs & autres, esquelles est cōueni certaines especes de monnoye d'or ou de d'argēt estre payees, arriuant cas de mutation, d'augmentatiō, ou diminution de la monnoye, comme la debte doibt estre acquiētée, & si les debtors sont tenuz payer les especes promises y encores qu'elles soyent augmētées de pris ou bien si les debtors peuuent retenir l'augmentation, ou s'ils seront quictes payant la valeur de l'espece ayant égard au temps de l'obligatiō contractee, ou du payemēt. Ceste question a est traictée par les docteurs du droit civil. *In l. cum quid, In l. vinum, In l. quod te ff. si cert. pet.* Par les docteurs Canonistes. *In c. quanto ext. de Iureiur.* Tyraqueau, *In §. 1. glos. 18. nu. 26.* au tiltre du retraict lignager rapporte grād nombre de docteurs qui l'ont traictée, comme a sēblable faict du Moulin es dix dernieres questions du traicté des vsures: les vns desdicts auteurs tiennent la partie affirmatiue, c'est à dire, que le debteur précisément est tenu payer l'espece, si elle a cours lors du payement: les autres ont deffendu la partie negatiue, c'est à dire, que si l'espece est augmentee de pris, que le deb-

debteur se peult acquieter payant l'estimation eu égard au temps de l'obligation, ou payant des especes iusques a concurance de la debte, ayant égard a la somme a laquelle elle reuiet selon le pris de l'espece de monnoye au temps de l'obligation, nous traicterons des raisons de chacune des parties.

*De la partie affirmatiue Chap. 12.*

- 2 **I**L y a grand nombre de raisons pour la partie affirmatiue, qui est que le debteur est tenu payer les especes es cas dessusdicts & autres semblables, esquels par expres est conueni q le debteur sera tenu payer l'espece de monnoye, car es obligations il fault garder ce qu'a esté promis, & faire le payemēt
- 3 en la mesme forme, & es especes qui ont esté promises, sans q le debteur se puisse acquieter offrant vne espece de monnoye pour l'autre *a, a l. 2. §. mutui. ff. si cert. petat.*
- 4 payemēt en autre monnoye, que celle qui est portee par l'obligation, principalement quand il a interest, q l'une espece ne soit payee pour l'autre *b.*
- 5 Or payer au creditur de la monnoye d'erain ou d'argent, pour de la monnoye d'or, conuenue par l'obligation estre payee, n'est satisfai-



re a l'obligation de payer especes d'or ou d'argent, qui par la disposition de la loy doyuent estre payees en mesme bonté, qu'elles ont esté receues. *c.* Par lequel mot (payer) doit estre observé, que la valeur se doit considerer au temps du paiement, suyuant la bonté substantielle & materielle pareille a celle qui estoit lors du cōtract. Laquelle en la monnoye la loy declare estre l'alloy, ou matiere d'or, ou d'argent, ou d'arain & au poix, qui est la bonté intrinseque & substantielle de la monnoye.

Parquoy à ce q les deniers que l'on doit rendre & payer soyent égaux à ceulx qui ont esté baillez lors du cōtract ils doyuent estre de pareil le matiere & poix, qu'estoyent ceulx desquels le contract est fait, lors du date d'iceluy sans auoir égard a l'estimation suruenue depuis le contract fait, qui est extrinseque & accidentaire, laquelle la loy ne considere *In solutione* *d.* *§. cum mutui, d.* fors au debteur qui est en demouree.

Et en consequence si le pris de la chose prestee décroist, comme du vin, du froment & d'autres choses, qui consistent en poix nombre & mesure, & qu'elles soyent a beaucoup plus vil pris qu'elles n'estoyent lors du prest, toutesfois le debteur se peult acquicter, baillant & payant au creditur autant, qu'il a receu ou mesme genre & en pareille bonté de matiere, ou a pareil poix, nombre & mesure, sans qu'il soit tenu supplier au cre-

au creditur, l'estimatiō de la valeur, de laquelle la chose a décreu depuis le prest: car en iceluy n'est considéré le pris ou estimation, mais la bonté en la matiere & le poix, nombre & mesure. Ainsi le declare le iurisculte Pomponius *f. & Alciat.* exposant le texte *In verba Bonitatis*, dict ce que s'ensuit, *Quid si res mutuo data maioris valoris facta sit, & cum hac bonitas extrinsecus aduenerit, nihil refertur traditum est, & ideo lucro creditoris accedere, sicut è contrario ei damno cederet si diminuta esset estimatio, nisi à tempore mora contracta hac diminutio interuenisset* *g.* Puis apres il propose l'exemple de nostre

8 questiō, & la decide suyuant c'est aduis à quoy est conforme la disposition du droit canon. *h.* Par laquelle par expres est disposé, que si aucun a crée rente ou pension de certaine espeece de monnoye, & depuis la creation de la rente celle espeece de monnoye est abolie ou diminuée, tellement qu'elle soit autre au tēps qu'il conuient faire le payemēt, qu'elle n'estoit lors du contract, Innocent tiers & Gregoire neuuesime decident, qu'il conuient faire le payemēt selon l'estimation & valeur de la monnoye ancienne, ayant égard a sa bonté materielle. Sur le 2 doubte de pareille questiō, les docteurs de Paue & de Turin en l'an 1511. ont fait vn conseil, auquel ils ont donné pareil aduis sur le fait qui s'ensuit: Au parauāt cent ans & si long tēps qu'il

*In d. l. cum quid.*

*d. l. vinum.*

*h. In c. olim. c. cū canonici ext. de cen. lib.*



qu'il n'estoit memorie d'homme au cōtraire, les habitans de la cité de Casal auoyent accoustumé de payer chacū ans au Marquis de Môferrat certain nombre de florins d'or, chacun desquels anciennement valoit trente & quatre sols & demy. Les habitans pour les diuers décriz des monnoyes auoyēt accoustumé de payer lesdicts florins à la raison de leur estimation ancienne, en pareil nombre de sols de monnoye courante lors du payement que le florin valoit anciennement, sans respect à la bonté interieure de l'ancien florin, le Marquis faict ordonnāce, par laquelle il veult qu'il soit payé vn escu pour trois florins, ou si les habitans vouloyent payer en monnoye courante, qu'ils seroyēt tenuz payer quatre florins & demy pour trois anciens, à quoy reuient la valeur du florin selon la monnoye courāte. Les habitans de Casal s'opposent à l'exécution de celle ordonnāce: sur quoy fut faicte question scauoit s'ils estoient tenuz payer les florins, selon la valeur du temps de l'ordonnance, ou du temps de la creation du debvoir. Sur laquelle question fut demandé l'aduis des docteurs des vniuersitez de Paue & de Thurin, qui (cessant la prescription alleguee par les dicts habitans) demeurèrent d'accord suyuant l'opinion commune que le payement se debuoit faire des anciens florins, ayant égard à leur bonté interieure, & que les

lesdicts habitans debuoyent payer les florins en pareille bonté & valeur, qu'ils estoient anciennement lors de l'obligation contractee & que si la monnoye depuis auoit esté décriee ou diminuée ou affoiblie d'alloy, que les docteurs appellent *Ligna*, q̄ ce ne portoit preiudice au Marquiz par plusieurs raisons, sur lesquelles l'opinion commune est fondée, & à ce propos alleguent tous les docteurs qui ont tenu ceste opinion, qui sont alleguez au commencement de la presente question & plusieurs autres.

10 Quelle opinion est fondée sur grandes raisons oultre celles qui sont alleguees par les docteurs, au cas que l'espece d'or ou d'argent ne fust haülsee, ne affoiblie en matiere & demeurast en mesme alloy & poix q̄ l'ancienne, & neantmoins le pris de l'espece d'or ou d'argent est haülse, à l'occasion de l'affoiblissement de la monnoye d'airain ou de billon, par laquelle les monnoyes d'or & d'argent sont aprecioes i. Car telle augmētation de la monnoye d'or ou d'ar-

i. Bart. in d.  
l. Paulus.

11 gent, prouient de la diminution de la menue monnoye & regarde la bonté interieure ou intrinseque de l'escu, suruenue non pour la mutation de le l'escu: mais par ce qu'il à esté cogueu, que la menue monnoye nouuelle, estoit moindre que l'ancienne, pour laquelle éгалer à la menue monnoye nouuelle en l'estimation ou valeur de l'escu, il à esté requis proportionné-



nément haulser le pris de l'escu sur la monnoye nouvelle, d'autant qu'elle vault moins que l'ancienne, a ce que la valeur de la monnoye nouvelle soit égalé à la valeur de l'ancienne & pour ce l'accroissement du pris de l'escu, qui est faict sur le compte de la monnoye nouvelle rapporte a la valeur de l'ancienne, qui auoit cours lors du cōtract, & en matiere intrinseque est de mesme bonté, comme si la monnoye ancienne est affoiblie d'un quart les vingt douzains neufs en vauldront seulement quinze des anciens dont s'ensuit q si l'escu est haulsé d'un quart en valeur de nouvelle menue monnoye, tel accroissement n'a faict que l'escu soit de plus grand pris, qu'il estoit lors du cōtract. Mais l'accroissement qui luy est baillé est seulement la tare de la menue monnoye nouvelle de ce qu'elle vault moins que l'ancienne. Par ceste raison *k Immola & Corn.* l sont d'aduis, qu'en cas d'affoiblissement ou diminution de la menue monnoye la valeur de la monnoye d'or doit croistre. Partant lors du terme de payer escuz, ou autres especes les payant en monnoye nouvelle, selon la valeur qu'elle vault au temps du payement, le debteur ne paye plus qu'il doit. Car quand a l'escu il est en l'obligation, pareil a celui qui estoit lors qu'elle fut contractée, & quand a l'estimation en douzains de monnoye nouvelle, combien qu'il y en ait plus grand nombre

*k Imol. in d.*

*l. Paulus.*

*l. Corn. consil.*

*279. & con-*

*fil. 297.*

bre, qu'il n'en appartient de l'ancienne, ce est arriué par ce qu'ils sont moindres en valeur que l'ancienne monnoye. Partant iacoit que la valeur imposée de l'escu en douzains, fust lors du cōtract moindre en nombre de soulds de monnoye lors courante, toutesfois celui moindre nombre en bonté materielle est de pareille valeur, que la quantité de la monnoye nouvelle de la valeur de l'escu, nonobstant qu'elle excède l'ancien en nombre de taille ou de pieces, comme la monnoye de l'an 1480. excède la valeur de la monnoye de l'an 1575. du quart ou environ. Partant en l'obligation d'aquisition de rente d'escuz stipulée en l'an 1480 si nous regardons la bonté de la monnoye d'argent, & de Billon lors ayant cours le sould de celui temps en vault plus d'un & un quart de l'an 1575. ayant égard a la proportion de laquelle valeur, payant l'escu en monnoye courante de douzains en l'an 1575, selon la valeur imposée au temps du payement est le payer selon la valeur que valoit l'escu au temps de l'obligation contractée.

A ce propos Imbert *m*, en l'examen de la question qui se presente, rapporte qu'estât proces en la cour d'une rente de certain nombre d'escuz, acheptée a pris d'argēt, le debteur vouloit payer les arrièrages suyuant l'estimation de l'escu, qui estoit lors de la creation de la réte

*m In enchirid. in verba moneta.*



de vingt sept sols seulement, le creditur au contraire demandoit, que les especes luy fussent payees sans consideratiō de la valeur qui estoit creüe & valoit lors quarāte cinq sols tournois. La cour sarrestant a ce q nous auons dict, print l'aduis des generaux des monnoyes, lesq̄ls rapporterent, q l'escu qui auoit cours lors de la demande estoit pareil en bonté de matiere & de pareil poix, que celuy qui auoit cours lors de la creation de la rente : ayant égard auquel rap-  
 14 port elle condamna le debteur payer les arri-  
 16 *Decis* 327. rages en espee. *Boerius* n note vn pareil arrest de la Cour de Bordeaux de l'an 1530. donné au proufit d'Ysabeau de Pompadou contre Geoffroy de Bernac, apres enqueste faicte par eualuatiō de l'escu anciē sur la valeur du nouue-  
 au par les maistres des monnoyes. Pareil arrest fut dōné aux grands iours tenuz a Poitiers l'an 1567, au proufit du Doyen chanoines & chapitre de l'eglise d'Angers contre Maistre Y-  
 nes Ernaut appellant des gents tenant le siege presidial a Angers, qui l'auoyent condemné payer les arrirages de certaine rente d'escuz en espee, sans auoir égard a son offre de payer l'estimation qui estoit lors du contract.

Autre raison de ceste decisiō est baillee, qu'en toutes obligations de payer especes de deniers d'or ou d'argent, si le debteur se veult acquicter payant l'estimation de l'espee soit en  
 con-

contracts de prestations annuelles, ou à vne fois payer, on considere l'estimation de l'espee ayant égard au temps du payement, soit au proufit, ou à la perte du creditur o.

Ce que principalement à lieu, au cas de la mutation de la valeur de la menuē monnoye, car le payement se doit faire ayant égard a la bonté interieure & materielle, qui estoit lors de l'obligation & selon le pris & estimatiō qui est au temps du payement p. Parquoy la valeur de l'escu estant creu non en matiere & poix, mais ayant égard a ce que la nouuelle monnoye est de moindre valeur que l'ancienne, l'obligation de payer l'escu soit en rente ou autrement se doit payer en espee, ou la valeur d'iceluy de la monnoye ancienne en monnoye couran-  
 15 te, faisant eualuation de l'une sur l'autre.

Les anciens docteurs canonistes q, Hostien  
 sis Ian Andre de Butrio Card. Imola, & Panor  
 me & les docteurs de droict ciuil r. Alberic  
 Balde Alexandre Fulgose & grand nombre de  
 autres rapportez par du Moulin / par Boerius  
 16 t & Didacus Espagnol v sont de c'est aduis  
 & enseignent comme loy generale qu'en tou-  
 tes obligations de payer especes d'or, si l'on en  
 veult faire le payement en monnoye, se doit  
 estre de la monnoye courante selon qu'elle a  
 cours lors du payement, & suyuant la bonté  
 intrinseque de l'espee d'or, ayant égard au  
 temps

o. *Speculat.*  
*titul. de obli-*  
*gat. & solut.*  
*§. 1. ad fin. An*  
*toni. de Bur.*  
*& Imol. in c.*  
*quanto ext. de*  
*iureiur. Alber-*  
*ric & Roma.*  
*in l. cum quid*  
*ff. si cert. pe-*  
*nat. Bald. con-*  
*sil. 137. in c. se*  
*per eo quod*  
*queritur in 1.*  
*volum.*  
*p arg. c. olim.*  
*c. in canonicis*  
*de censib. ext.*  
*Bald. d. consil.*  
*137. Bart. Al-*  
*beri. & Alex.*  
*in d. l. cum*  
*quid.*  
*q In d. c. qua*  
*to.*  
*r In d. l. cum*  
*quid.*  
*f In q. 91.*  
*t In decis.*  
*327.*  
*v c. 7. pract.*  
*quest.*



*a In d.c. quā  
to versic. quā  
ro quid in an  
nua prestatio  
ne.*

*a In d. titul.  
de oblig. &  
solut. §. i. dum  
loquitur de  
annua presta  
tione.*

*b In l. 2. C. de  
iur. emphit.  
dum loquitur  
de canone pre  
stando.*

*e In d. l. Pau  
lus in fin.*

*d Bart. in d.  
l. Paulus. Ca  
stris. & Fulg.  
in d. §. si do  
minus. Curs.  
in d. l. cum  
quid.*

temps de l'obligation.

Ainsi par expres le notent Balde x Specu-17  
lator a Alberic b, se debuoir garder au paye-  
ment des rentes annuelles, ce que semble fort  
equitable, car quand par la paction des parties  
l'obligation est restraincte a certain nombre 18  
d'especes de monnoye, & conuenue que le pay-  
ement s'en fera en pareil nombre d'especes,  
telle conuention doit estre entretenue com-  
me ciuile, & n'ayant rien contraire aux bonnes  
mœurs. Ainsi le note Bartole c. Et si telle con-  
uention n'estoit gardee au payement, il seroit  
moins payé en nombre qu'il n'a esté accordé. 19  
Parquoy pour entretenir la conuention le paye-  
ment sera faict en nombre des especes d'or en  
la forme portee par l'obligation, a ce que le  
payement ne soit moindte en nombre, qu'il a  
esté conuenue, & si l'on veult payer de menue  
monnoye, sera de celle qui à cours lors du paye-  
ment iusques a la concurante valeur lors impo-  
see a l'escu d.

D'auantage la conuention de payer especes  
deffinies d'or, ou d'acquiescer en certain nom-  
bre d'especes d'or, a forme de trāsaction, pour 20  
regler le payemēt de l'obligation sur l'incerti-  
tude future de la valeur des especes de mon-  
noye, en diminution ou accroissement, au prou-  
fict ou perte du creditur, & laquelle incerti-  
tude frequente en ce royaume est cause suffisan

te

te pour valider telles conuentions e. *e l. 1. C. de*

21 L'on a faict doubte si ce que dessus doit  
estre extendu aux contractz par lesquels est  
conuenue payer somme certaine par liures, soit  
de réte ou pour autre cause, si la menue mon-  
noye est deterioree, & diminuee depuis l'ob-  
ligation, si le payement se doit faire ayant é-  
gard a la valeur de la bonté de la monnoye, qui  
couroit lors du contract, ou sil suffira de payer  
22 de mōnoye courante lors du payement. Ceste  
question est faicte par Albert Brunsf, laquelle  
il resolt par ceste distinction, ou la conuen-  
tion est simple de payer liures ou de payer des  
liures de monnoye courante. *f limit. 8. vlt.  
tim. part.*

Au premier cas la conuention simple de pay-  
er liures conceüe sous le nom collectif, peult  
auoir lieu és liures, tant de forte que de foible  
monnoye, & le debteur peult payer és liures  
de la monnoye courante lors du payement,  
nonobstant que la monnoye fust meillure &  
23 plus forte d'alloy lors de l'obligation.

Au second cas la promesse de payer des li-  
ures monnoye courante, regarde la bonté in-  
trinseque de la monnoye, ayāt égard au temps  
du contract. Pour ceste cause si la monnoye  
menue de laquelle la liure est composee, apres  
est affoiblie en matiere, le payement se fera de  
l'ancienne monnoye, sil s'en peult trouuer, si-  
non de la nouuelle iusques à concurāce de l'an

F

cien-



cienne eualuation faicte de la valeur de la nouvelle monnoye sur la vielle, c'est le cas expres *in d. c. in Canonis*. A ce propos du Moulin rapporte vn arrest conforme donné sur le faict qui 24  
fensuit en l'an 1487. Vn homme assigne à sa femme quatre vingts liures de rente de douaire monnoye courâte, en assiette (qui par la coustume de Paris est censé l'heritaige des enfans du mary desquels est faict contract) le mary estant mort, laisse des enfans, qui repudient sa succession & demandent assiette de la rente à eux assignee, selon la valeur & bonté de la monnoye qui auoit cours lors du contract de mariage. Surquoy par eualuation prealablement faicte par les maistres de monnoye, de la valeur de la monnoye du temps du contract, avec la valeur de celle qui estoit lors de l'arrest (qui fut donné l'an 1525) estant rapporté, que la monnoye estoit depuis le contract de mariage diminuée d'un cinquiesme, les heritiers du mary furent par arrest condempnez bailler assiette de quatre vingts liures de rente, à la raison de la valeur de la monnoye courante au temps du contract.

La raison est par ce que la forme de telle convention de payer les rétes de la monnoye courante lors du contract, regarde la qualité, matiere & poix de la monnoye & obligation d'icelle rendre ou payer en pareille bonté materielle,

rielle, laquelle conuention est approuuee par 8 *In l. se ad-  
es. §. si domi-  
nus. ff. locat.*  
les docteurs g, qui notent que la paction est valable, par laquelle est cōuenue que Titius payera tant de ducats, à la raison de certain nombre au marc, comme de septente & deux, & de la valeur de tant de sols de menue monnoye par chacun ducat, comme de soixante & dix sols touruois pour chacun ducat de Castille. Quelle forme de contracter fut en vsage frequent du temps de Charles septiesme, apres l'expulsion des Anglois, lors les habitâs de ce Royaume en la fresche memoire de l'incertitude de la valeur des monnoyes d'or & d'argent, & des edicts faicts sur le raval du pris d'icelles haufes en valeur par les Anglois, stipulerent plusieurs contracts de ceste forme.

26 Ceste opinion estant veritable, est premierement limitee par Balde *h* au cas que les especes portees par le contract soyent apretices à certaines sommes de liures ou de sols car l'effect de telle apreciation est qu'il est definy entre les parties: combien le debteur doit pour les especes portees au contract, qui par le debteur ont esté cōsommees. *i* La raison de laquelle decisiō est pour arrester le pris de l'espece de la monnoye au cas qu'elle haufse ou baiffe, à ce que l'accroissement ne soit à la perte du debteur & le décroissement au detriement du createur *k*.

*h* *Consil. 339.*

*Incipit pun-  
ctus questio-  
nis talis est in*

*2. volum.*

*i. l. Si estima-  
tis cum. l. se-*

*quenti. l. pe-*

*mult. §. man-*

*cipia. ff. solut.*

*matrimo. l. c. in  
deteri. C. de*

*iur. delib. Per.*

*Ancara. in  
dem. vnic. de*

*decim.*

*l. arg. l. 4.  
plerunque. C.  
de iur. dot.*



La seconde l'imitation est es contractz des prestations annuelles, au cas que depuis l'obli-<sup>27</sup> gation contractee (par laquelle l'on a promis payer l'espece) les arrièrages n'ont esté payez par espece, mais l'estimation en monnoye courante lors du payement qui a esté continue par trente ans, comme si six escuz d'or de rente auoyét esté venduz en l'an 1527. (que l'escu valoit seulement vingt sept sols) & depuis le débiteur à payé les arrièrages par trente ans payât vingt sept sols pour chacun escu seulement de monnoye courante: Le créateur ne pourra contraindre le débiteur à luy payer d'avantage, car par le laps de trente ans, le débiteur a peu prescrire contre l'obligation qu'il ne seroit tenu payer d'avantage, que ce qu'il a payé par chacuns ans, car si par trente ans *totares* (comme dict Vlpian *m*) *potesst tolli, cur nō reformari*. Ainsi que par le payement de l'estimation continuee par trente ans a la raison de vingt sept sols par escu, les parties ont tacitement accordé, que le débiteur ne sera tenu payer d'avantage. Car prescription est tacite & clandestin accord & conuention.

*m Inl. inris-  
gemium. S. a  
deo. ff. de pact.*

*n Francif.  
Balb. tit. de  
prescript. in  
5. parte. q. 6.*

Ainsi ont respondu les docteurs de Turin & de Pauc au consile cy dessus allegué, fait en l'an 1511.

Sommaire du treziesme Chapitre.

Rai-

- 1 *Raisons de la partie negative.*
- 2 *Les monnoyes ont fonction les unes pour les autres.*
- 3 *Le débiteur d'une espece se peult acquiescer payant en autre a pareille valeur.*
- 4 *La bonté substantielle de la monnoye, est en la valeur imposée.*
- 5 *Le nom general d'or & d'argēt, ne comprend la monnoye.*
- 6 *Origine du nom (Nummus).*
- 7 *Ce mot (quantitas) en la monnoye se doit prendre pour sa valeur.*
- 8 *Refutation de l'argument des choses, qui consistent en poix, nombre & mesure.*
- 9 *La bonté de la monnoye est en la valeur imposée.*
- 10 *La monnoye ce doit rendre en pareille bonté, qu'elle a esté receue.*
- 11 *Quand est question de sçavoir la qualité & quantité de la dette, lon doit regarder au temps du contract.*
- 12 *Ratiocination de l'argument susdict.*
- 13 *Refutation de la distinction de Balde, si la monnoye est apreciée, ou non.*
- 14 *La monnoye est au commerce suyuant la valeur imposée.*
- 15 *Ce qu'est exprimé par la loy, est entendu estre exprimé en la conuention des parties.*
- 16 *Obligation de payer cent escuz sol, est pareille*

F 3

à l'ob-



- à l'obligation de payer trois cens liures.
- 17 L'opinion d'Acurse reprovee.
- 18 Prouue de ce que dessus par le traicté de paix d'entre les Romains & Aetoliens.
- 19 L'obligation de payer escuz n'exclust la valeur d'iceux.
- 20 Les conuentions doibuent estre declarees, selon que les parties ont eu volonté.
- 21 Ce que n'est en la volonté des parties n'est en la conuention.
- 22 La diuersité du cas, faict que la conuention ne peult estre gardee.
- 23 Il n'est licite aux priuez imposer pris en la monnoye.
- 24 Pourquoy la valeur de la monnoye est dicto perpetuelle.
- 25 Opinions des anciē docteurs conformes a c'est aduis.
- 26 Arrests de la cour.

## De la partie negative Chap. 13.

**I**l y a aussi grand nombre de raisons pour la partie negative. Premierement le debteur des especes d'or & d'argent se peult libérer payant l'estimation d'icelles, qui estoit au temps du contract en monnoye courante sans respect de l'accroissement du pris depuis

depuis suruenu.

- Car combien qu'il y ait plusieurs especes de monnoye differentes les vnes d'auec les autres en matieres, marques & valeurs, toutesfois toutes ensemble ont c'este fraternité, qu'au payement, elles ont fonction les vnes pour les autres: iusques a concurrēce de leurs valeurs im-
- <sup>a</sup> l. que in-  
<sup>trifecus</sup> ff. de  
<sup>verb. oblig.</sup>
- posees par la loy <sup>a</sup>, & non ayant égard a leurs valeurs materielles & intrinseques sans que la monnoye d'or ait priuilege, que pour icelle la monnoye d'argent ne puisse estre payee, ny la monnoye d'argent, que pour icelle la monnoye d'airain ne puisse estre baillée. C'est le dire singulier de Bartole <sup>b</sup> en ces mots, *Moneta parua est permutabilis in omnem maiorem*. Ce qu'est gardé en vsance & vsage entre les hommes. Quel le coustume les docteurs notent debuoir estre gardee <sup>c</sup>.
- <sup>b</sup> In d. l. Paul.  
<sup>c</sup> Bart. in l. t. §. fin ff. de aur. & arg. legat. Alex. soz. Arat. & Bart. in l. 2. §. i. ff. si cere. pet. arg. l. Imperatores. ff. de cont. empr. & vedit. glos.
- 3 En consequence de telle fonction il est en la faculté du debteur d'acquiescer sa dette d'especes de monnoye d'or ou d'argent, par payement d'autre, en pareille bonté, que les especes deües estoient lors de l'obligation; encores qu'il ne soit conuenu entre les parties <sup>d</sup>. Celle bonté en la monnoye est la valeur, qui luy est imposée par la loy, qui luy est essentielle, & non la matiere de laquelle elle est faicte <sup>e</sup>. Par le moyen de laquelle valeur la monnoye est faicte differente d'auec sa matiere. Pour plus claire in-
- <sup>d</sup> d. l. cum quid.  
<sup>e</sup> Fab. in authent. hoc nisi. C. de soluti. & reliqui doctores in d. e. quanto.



telligence de ce poinct, fault entendre qu'en  
 f Bald. in l. droict, ce est dict substancial, qui donne estre  
 etiam. C. de a la chose & la produict en essence, comme di-  
 execut. rei in- sent les philosophes f. Comme est le consen-  
 dicat. Decius tement en tous contracts, le pris és venditions  
 in rub. de ap- g, c'est la forme de laquelle le droict veult que  
 pellat. ext. per l. iulian. s. l'acte soit faict, & qu'il prenne son estre, que  
 si quis rem. ff. mutata interimit substantiam rei h, a laquelle la  
 ad exhib. matiere cede, comme la table à la peinture i.  
 g. l. i. s. i. ff. En la monnoye la valeur imposée par le pub  
 de cont. empt. lic, luy donne essence, & la faict estre monnoye,  
 h. d. s. si quis laquelle valeur s'elle luy est tollue, elle pert sa  
 rem. substance, & n'est plus monnoye, mais est re-  
 i. s. liter. e in- duict en matiere informe, comme nous voy-  
 stit. de rer. di- ons en toutes monnoyes décriées, auxquelles  
 nio. le prince oste leur valeur, qui pour ce perdent  
 leur essence de monnoye, & ne demeurent que  
 pour matiere differeté d'auec la monnoye. Par-  
 quoy combien que les noms d'or & d'argent  
 comprennent tout l'or & l'argent qui est en  
 masse & en oeuvre: neantmoins ils ne compré-  
 nent l'or & l'argent monnoyé k, & a bonne  
 cause monsieur Brisson en ses elegans commé-  
 taires de verb signific. In uerbo argentum, à droi-  
 ctement obserué, qu'en nostre droict nous ne  
 gardons ceste ratiocination de Ciceron, que  
 fous le legat de tout l'argent, la pecune d'ar-  
 gent est comprinse, car elle ne retient le nom  
 d'arget, Non facile enim quis (dict, Quintus Mu-  
 tius

l. i. questum  
 s. illud. ff. de  
 leg. 3. l. cum  
 aurum. s. i. l.  
 quintus. s. i.  
 ff. de aur. &  
 argent. leg.

rius) argenti numero nummos computat. Par quoy  
 la bonté essentielle de la monnoye, est en la va-  
 leur imposée par la loy, dont elle est appelée  
 Nummus ἀπὸ τῆς νόμου, id est, à lege l. comme  
 6 estant la loy, celle qui donne force & essence a  
 la monnoye en la valeur qu'elle luy impose, &  
 suyuant laquelle elle est plus au commerce & v  
 sage, que suyuant la matiere de laquelle elle est  
 fabriquee, Ea materia (dict Paule m) forma pub  
 lica percussa, usum dominiumq, non tam ex substan-  
 tia prebet, quam ex quantitate. Lequel mot ex  
 7 quantitate, se doibt prendre pour valeur impo-  
 sée par la loy n. Par ceste raison est verifiée l'o-  
 pinion de ceulx, qui ont dict, qu'au prince seul  
 (qui est la loy viue) appartient le pouuoir d'im-  
 poser pris à la monnoye, lequel le plus souuent  
 surpasse l'estimation de la matiere du double  
 & triple, comme appert és monnoyes de cuir  
 forgées par Frederic (dict Barberousse) d'e-  
 staing forgées par Denys le Tyran, de matiere  
 d'artillerie, forgée par Sultan Otoman en la  
 guerre qu'il fist contre les Perses, & és menues  
 monnoyes forgées de cuyure.  
 8 Contre ce que dessus n'est valable l'argent  
 du vin, grains & autres choses, qui consistēt en  
 poix, nombre & mesure, car elles ont grande  
 difference d'auecques la monnoye, par ce que  
 la bonté substancialle des vins & grains, est en  
 leur matiere, & non en leur valeur, qui leur est  
 aci-

l. Aristot. c. i.  
 lib. 5. Politic.

m In d. l. i.  
 de cont. empt.  
 & vendit.

n l. si is qui. s.  
 ff. de solutio.



accidentale seulement, & pour ce au paiement ils doibuent estre renduz en pareille bonté materielle, qu'ils ont esté receuz, sans respect a la valeur & estimation, qui est exterieure, & n'a rien de cōmun avec la substance du vin & grāis lesquels s'ils sont baillez par appretiation ils ne sont plus en l'obligation, mais le pris o.

• d. l. plerun-  
que. C. de iur.  
act. l. penult.  
S. mancipia.  
ff. solut. ma-  
ari.

p In d. l. 2. ff.  
sa cert. p. ciat.

La conclusion de ce que dessus est, que la bōté de la monnoye est en la valeur imposee. Or la monnoye est du nombre des choses *quarum* 9  
*datione possumus in creditum ire* (comme dict Paule p) *Quia in genere suo functionem recipiunt per solutionem, quam specie*, c'est à dire qui sont acquises à celui qui les recoit, pour en disposer a sa volonte, dont est dict *Mutui datio, quod de meo tuum sit*. Mais pour ce celui qui a receu la monnoye, n'en est quicte, & demeure tenu la rendre, non le mesme corps baillé & receu, mais autre de mesme genre en pareille bonté, car les obligations esquelles *Itur in creditum*, qui se font des choses qui consistent en poix, nombre & mesure, ont ce de propre, que l'une chose du mesme genre, c'est à dire, de mesme qualité, ou paiement à fonction pour l'autre, c'est à dire, tiennent place l'une pour l'autre. Quelle interpretation du mot de (fonction) est tirée du verbe *fungor*, qui signifie tenir lieu.

Or au parauāt que la fonction ait lieu au payement, la loy est generale, qu'il est requis, que la

la chose, qui se rend soit en pareille bōté, qu'elle estoit lors qu'elle à esté receue. Ainsi le declare le iurifconsulte Pomponius, *Cum quid mutuum dederimus, & si non cauiimus, ut aequè bonum nobis reddatur, non licet debitori deteriore rem, quæ ex eodem genere sit reddere, veluti vinum novum pro vetere: nam in contrahendo quod agitur pro tanto habendum est: id autem agi intelligitur, ut eiusdem generis, & eadē bonitate solvatur quod datum est q.* Desquels mots dudiēt texte, il fault noter qu'il suffist rendre la chose prestee en pareille bonté, qu'elle à esté baillée, en consequence le debteur d'especes d'or ou d'argent peult facquicter rendant leur estimation en autre monnoye de pareille bonté, c'est à dire, de pareille valeur imposee, qu'estoyent les especes de monnoye d'or ou d'argent lors de l'obligation, car la bonté de la monnoye est en la valeur imposee, laquelle decision du texte est si expresse, que le contraire ne se peult dire sans calomnie, & quand la decision du texte cesse-  
roir, la raison veult qu'ainsi soit dict, car c'est v-  
ne regle generale, que toutes & quantes fois, qu'il est questiō de sçavoir la qualité de la debte, & combien il est deu, il fault considerer le temps de la disposition soit es contractz, testaments que autres actes, & l'effect des dispositions se doibt regler selō le temps qu'elles ont esté faictes, & non suyuant l'accident apres sur-

q d. l. cam  
quid.

r Bald. con-  
sil. penult. iu-  
dic. coram vo-  
bis. lib. 1. arg.  
l. uxores. S. te-  
stamento. ff. de  
Leg. 3. l. si ita.  
ff. de aur. &  
arg. Leg. 1. Au-  
relius. S. testa-  
mento. ff. de  
lib. Leg.



*l. rutila. ff. de cons. empt. l. si filius fami l. 2. ff. de verbo obligat.*

*Francisc. Curt. in tract. monct. in d. l. cum quid.*

uenue *s.* Par laquelle raison en la debte d'especes de monnoye desquelles la valeur imposée est augmentée depuis l'obligation, le payement sera par estimation, suyuant la valeur imposée lors de l'obligation, & en pareil (si elles estoient raualees de pris) a ce que la bonté qui estoit au temps de l'obligation, soit rendue égale au payement, sera supployé ce que deffault par la diminution suruenue depuis l'obligation.

*Ratiocination sur ce que dessus.*

L'une espece de monnoye au payement à fonction ou se met pour l'autre, la payant en pareille bonté.

Les escuz sol espece de monnoye.

Partant le debteur d'escuz sol se peut acquieser payant autre monnoye de pareille bonté.

La bonté de la monnoye doit estre dictée, ce qui luy dōne essence & valeur au commerce.

La valeur imposée donne essence a la monnoye.

Parquoy la bonté de la monnoye est en sa valeur imposée.

La loy dict, que la bonté au payement doit estre pareille a la bonté de la chose, telle qu'elle estoit lors du contract.

La bonté des escuz estoit reglée lors du contract,

tract, a la valeur imposée.

Doncques au temps du payement des escuz, le debteur les peult payer en autre monnoye, iusques à concurrēce de la valeur imposée lors du contract, en laquelle est la bonté des escuz.

- 13 N'est considerable la distinction de Balde en la forme d'obligation, qui s'ensuit. Ou par le contract est conuenu estre payé certain nombre d'especes d'or, ou d'argent avec declaration de la valeur de chacune piece, cōme de cent escuz valans chacun soixante sols. En ce cas, le debteur se peult acquieser, payant l'estimation portée au contract, a laquelle les contrahens se sont arrestez. Ou bien le contract est conceu par quantité d'especes de monnoye d'or, ou d'argent avecques conuention de la rendre en mesmes especes & mesme nombre, sans declaration de la valeur de chacune piece. En ce cas le debteur est tenu payer les especes, & n'est le creditier tenu en receuoir autres. Pour aquoy respondre le denier (comme a esté dict) tant s'en fault, qu'il soit au commerce, cōme matière, ou marchandise, qu'au contraire il a esté inuenté, pour au commerce estre autre chose, que matière ou marchandise, *Nec ultra marx* (dict le iurisconsulte parlant de la pecune) *utrumque, sed alterum pretium vocatur*, & pour estre prins, baillé & promis en quantité, selon son estimation & valeur. Ce que Papi-

nian



¶ *l. si is qui* nia en termes expres à decidé, *In pecunia* (dict  
*§. i. ff. de so-* il) *non corpora cogit et, sed quantitatem v.* c'est à  
*lri.* dire, que la pecune est és conuentions, non suy  
 uant son corps materiel, mais ayant égard à sa  
 valeur imposée, & si és obligations on consi-  
 deroit la pecune, non selon sa valeur imposée,  
 mais suyuant son corps materiel, comme l'escu  
 ayant égard à l'or, duquel il est forgé, seroit  
 contre la loy. Partant les contrahās ayant bail-  
 lé quelques especes d'or, & stipulé qu'elles leur  
 seront rendues, iacoit que par la conuention  
 la valeur des especes ne soit exprimée, toutes-  
 fois la valeur estant en la loy elle est en la con-  
 uention des parties, & doit estre tenue tant  
 pour exprimée, que l'expression n'opere rien  
 d'auantage ( & comme dict L'empereur *Seneca*  
*rus. x* ) *Nihil hac res mutat conditionem iuris &*  
*constitutionem*, dont est tiré la Theorique vul-  
 gaire des docteurs, que l'expression de ce que  
 tacitement est en l'acte, ou pour sa nature, ou  
 pour la qualité de sa matiere, doit estre tenu  
 pour exprimé & déclaré *y*. Ce qu'Alciat am-  
 ploye a tous contracts, *que ad naturam contra-*  
*ctus pertinent* (dict il) *pro expressis habentur*.

*y l. aliquan-*  
*do. ff. de cen-*  
*dit. & demō-*  
*strat.*

*z In d. l. cum*  
*quid.*

Par ceste raison l'obligation de payer cent  
 escuz, pour la qualité d'escuz (qui de leur natu-  
 re se considere selon leur valeur) contient au-  
 tant, & n'est dissemblable à l'obligation de pay-  
 er cent escuz sol, valant chacun escu soixante  
 sols

sols tournois, ayant égard au pris imposé par  
 l'ordonnance, & pour n'auoir en l'obligation  
 exprimé, que l'escu est mis pour soixante sols,  
 telle valeur n'en est excluse, car elle y est par  
 l'auctorité de la loy.

Le iurisculte *a* nous monstre claiement  
 l'identite de ces deux obligations, de la pro-  
 messe de cent deniers, sans expression de leur  
 valeur, & de la promesse de quantité de mon-  
 noye d'or à la valeur: car enseignant que la di-  
 uersité de la demande, ou interrogation d'a-  
 uec la responce vicie la stipulation, il dict, que  
 si l'interrogatorie est de cent deniers, la respo-  
 ce est de bailler des escuz a la valeur, elle n'est  
 differente d'auecques la demande, & que la sti-  
 pulation est bonne, *Nam stipulanti denarios*  
*17* (dict le iurisculte) *eiusdem quantitatis aure-*  
*os spondendo obligaberis*. Ne nuist l'argument, q  
 l'on pourra faire de l'interpretation d'Acurse,  
 qui declare le texte du iurisculte en l'inter-  
 rogatorie faict de bailler des deniers d'or, &  
 que la responce est de bailler des escuz, ou au-  
 tre monnoye d'or, comme qui demanderoit  
 des ducats, & que l'on promet des escuz à la va-  
 leur, car ce n'est declarer, mais deuiner & adiou-  
 ster au texte, & au contraire ce mot de (denier)  
 si nous regardons sa propriété signifie la mon-  
 noye d'argent, ainsi du commencement nom-  
 mé. Par ce que le denier d'argent valoit dix as-  
 ses

*a In l. quo*  
*extrinsecus. ff.*  
*de verb. obli-*  
*gat.*



ses, donc si nous regardōs la qualiré du denier, l'exemple du iurisqueult de la stipulation de deniers, se doit entendre suyuant la propriété du denier Romain, qui estoit d'argent, plustost que de monnoye d'or. iusques à concurrēte valeur & demonstre que la diuersité des especes de monnoye d'or & d'argēt reuenant à pareille valeur, ne constitue des obligatiōs diuerses, & que la stipulation de cent escuz, est pareille ala promesse de payer trois cens liures de monnoye ayant cours a la raison de soixante sols l'escu, & (comme dict Iason) en effect ceste obligation à vne conformité, car l'vne monnoye est conuertible en l'autre *b*.

*b* Bald. in l. singula. vers. decimo fallit. ff. si cert. petat. Long temps au parauant le iurisqueult, le peuple Romain auoit approuué celle identite d'obligations, de payer de la monnoye d'or, pour de la monnoye d'argent en concurrence de la valeur de l'vne a l'autre, car en la confirmation du traicté de paix d'entre les Romains & Aetholiens, par lequel fut conuenue que les Aetholiens payeroyent cinq cens talens, fut adiousté que les Aetholiens pouroyent bailler de l'argent pour de l'or, payāt dix deniers pour chacun escu, ainsi l'escript Tite Liue *c* en ces mots, *De pecunia summa pensionibusque eius nihil ex eo quod cum consule conuenerat mutatum, pro argento si aurum dare marent (dare conuenit) dum pro argenteis decem aureus unus valeret.* De ce il

ce il sensuit q si Bartole *d* & Balde *e* sont d'accord, que si en l'obligation d'especes d'or est adiousté l'estimation, que le debteur est liberé icelle payant. Autant en fault il dire si l'estimation n'est exprimee, car l'expressiō de ce qu'est tacitement au contract, par ordonnance de la loy, ne change sa disposition, & partant autant est promettre cent escuz, valant chacun soixante sols, car l'effect de chacune desdicts obligations est a quantité suyuant l'estimation qui estoit du temps du contract. Par ceste raison Barbace *f* dict, que la valeur imposee par la loy exprimee au contract, est pour demonstration de ce que l'espece de monnoye valoit lors du contract, non pour innouer ou limiter la qualité d'iceluy.

Conuient maintenant satisfaire a l'argumēt de la forme de l'obligation, en laquelle le debteur s'est obligé rendre & payer certain nombre d'especes de monnoye d'or, ou d'argent & qu'il sera moins payé si le nombre stipulé n'est remply au payement. A quoy est respondu premierement que telle promesse exclut du contract & especes d'or, la valeur imposee, qui leur est formelle & substancielle, & ne fault qu'il soit contracté des especes de monnoye, comme de corps materiels: car si telle paction auoit cest effect seroit contre la substance de la monnoye, & contre ce que la loy veult, que les



monnoyes soyent es conuentions, non ayant égard a leur corps materiel, mais à leur valeur imposée, & seroit nulle. Secondement telle conuention doit estre entendue suyuant la qualité presente de la matiere subiecte, qui est es es-  
20 peces de monnoye d'or ou d'argēt contenues en l'obligation, & de leur valeur imposée au temps du contract, nonobstāt quelle soit haulsee ou rebaissee par le Prince apres le cōtract.

*g* *Ut in simili* *g* Aussi est la valeur imposée de la qualité de la matiere subiecte, partant la conuention de pay-  
*notat Cin.* er escuz sera entendue selon leur valeur au tēps  
*in l. vlti. col.* du contract, & n'est le debteur obligé a d'auan-  
*2. in l. oppo-* tage, *ut* (comme dict *Proculus h*) *ad id quod a-*  
*fit. C. de sent.* *Etum est interpretatio redigatur.* D'auantage les  
*pass. per. l. i. ff.* conuentions doyuēt estre declarees auoir lieu,  
*de in lit. iur.* suyuant ce que les contrahans ont en volonté *21*

*h* *l. nepos pro-*  
*culo. ff. de ver-*  
*bor. signific.*

*i* *l. non om-*  
*nis. ff. si cert.*  
*petat.*

*l.* *l. mater.*  
*decedens. ff. de*  
*inof. test. l. nec*  
*ignorans. C.*  
*de donat.*

de faire, & aucun ne doit estre dict estre ob-  
ligé plus qu'il à voulu & consenty *i*: & ne doit  
estre dict consentir a ce, qu'il à ignoré *k*. Or  
soit figuré le cas qu'en l'an 1540. l'escu valoit  
quarāte cinq sols tournois, *Sempronius* en celle  
annee vend huit escuz sol de rente a *Titius*, ay-  
ant égard à ce qu'à esté dict, que la monnoye  
es conuentions est seulement a la raison de sa  
valeur imposée, *Sempronius* n'a eu volonte de  
s'obliger, & ne s'est obligé que à huit escuz de  
rente, ou a quarante & cinq sols pour chacun  
escu, qui lors de l'obligation auoyent fonction  
pour

pour chacun escu, & si la ualeur de l'escu a de-  
puis augmenté (comme elle à faict en l'an 15-  
75.) qu'elle à esté haulsee iusques a la somme  
de soixante sols tournois par chacun escu, celle  
augmentation de bonté essencielle, n'est com-  
prise en l'obligation. Car les parties ne se sont  
obligees a ce qu'elles ont ignoré, & a ce qu'est  
suruenü apres l'obligation. Partant la conclusi-  
on est necessaire, que *Titius* en l'obligatiō sus-  
dicte est seulement obligé payer huit escuz va-  
lans quarante cinq sols, ou ladicte valeur, qui  
estoit lors du contract, laquelle *Titius* à enten-  
due, suyuant icelle il a en volonte de s'obliger  
vers *Sempronius*, & non suyuant la valeur de soi-  
xante sols suruenue depuis l'obligation, qu'elle  
augmentation de pris est substancielle en la  
bonté de l'escu, & à augmenté celle qui estoit  
lors du contract, quel augment n'est deu au  
crediteur, autrement il y auroit au payement  
plus qu'en l'obligation, & si tel augment estoit  
payé au crediteur, ii receuroit plus qu'il n'a bail-  
lé contre la nature des obligations, *que re con-*  
*trahuntur. l.* Et ne fault faire obiection de la  
saincteté de la foy, qu'il conuiēt garder en tou-  
tes pactions, accords & conuentions *m*. Car ce  
doibt estre entendu auoir lieu, quand toutes  
choses de la conuention demeurent en leur en-  
tier, & qu'elles sont trouuees en l'estat qu'elles  
estoyent lors de l'accord: mais si elles sont al-  
terees

*l. si vnus. ff.*

*de pact. l. ro-*

*gasti. §. si tibi*

*ff. si cert. petat*

*m. l. i. ff. de*

*pact. l. i. ff. de*

*const. pecun.*



terees au cas dessusdict, auquel lors de la ven-  
 dition de huit escuz de réte faicte l'an 1540, 22  
 l'escu valoit seulement quarante cinq sols, &  
 depuis en l'an 1575. il a haulsé en valeur ius-  
 a soixante sols par l'ordonnance du Roy. *Titius*  
*debiteur sans violer sa promesse est fondé à*  
 dire, qu'il n'est tenu payer les escuz a soixante  
 sols, car ils n'estoyent de celle valeur lors de  
 son cōtract, ains doit payer a la raison de qua-  
 rante & cinq sols tournois chacun escu, car par  
 subtile raison, combien que l'escu qui auoit  
 cours en l'an 1540. soit pareil ou soit le mesme  
 qui auoit cours en l'an 1575. en marq. matiere  
 & poix: toutesfois il sēble autre & different en  
 sa bōté essentielle augmētee, a l'exemple de ce  
 qu'escript *Vlpian* du droict de nature, auquel si  
 par la loy Romaine est adiousté, ou osté quelq  
 chose combien qu'il demeure, neantmoins il  
 n'est plus dict droict de nature, mais ciuil. *n.*  
 Aussi l'augmentation de la valeur de l'escu à  
 faict qu'il est different de luy mesme du temps  
 de l'obligation, au temps du payement, & ne  
 peuuent les contrahens conuenir le contraire.  
 Sçauoir que le debiteur demeure tenu payer  
 les especes d'escuz à plus hault pris, que celui  
 qui est porté par la loy lors du cōtract, car la  
 valeur imposee du denier est publique, c'est à  
 dire, qu'elle doit estre imposee par le magi-  
 strat, & non par les priuez, lesquels ne peuuent  
 en-

*n. l. ius ciuile.*  
*ff. de inst. &*  
*pur.*

*o. l. i. ff. de*  
*cont. empt. &*  
*vendit.*

entreprendre ce faire sur peine de la teste. Auf-  
 si la valeur a esté imposee a la monnoye premie-  
 rement non pour le proufit des particuliers,  
 mais pour le public, qui a grand interest, que  
 son auctorité soit maintenue, à ce que la valeur <sup>p. d. l. i.</sup>  
 de la pecune demeure perpetuelle p: & comme <sup>q. In l. i. deo.</sup>  
 dict *Caius* q. ut pecuniarū una & eadem sit ubiq; <sup>ff. de eo quod</sup>  
*potestas*. Ce q ne sera, si est permis aux priuez  
 à leur plaisir bailler pris aux monnoyes par leurs  
 pactions, car par telle licence le public sera frau-  
 dé de la fin, pour laquelle la pecune a esté inue-  
 tee sçauoir, *ut perpetua estimatione difficultati-*  
*bus permutationū equalitate quantitatis subueni-*  
*ret*, & les choses ne pourront certainemēt estre  
 prisees par icelle, pour l'incertitude de son pris  
 diuersifié par la conuention des priuez. Pour  
 tollir lequel abus, il fault reiecter toutes con-  
 uentions faictes par les priuez au préiudice de  
 la publique valeur de la monnoye, soit pour l'au-  
 gmētatiō, ou pour la diminutiō du pris, cōme  
 faicte contre le bien, & droict public, qui par  
 paction des priuez ne peut estre tollu ne dimi-  
 24 nué. r Autre raison peut estre alleguee, pour  
 laquelle la valeur de la monnoye est dictē perpe-  
 tuelle, par ce qu'elle est imposee par la loy pour  
 tousiours demeurer es cōtracts faicts de pay-  
 er monnoye en pareille bonté, c'est à dire, en  
 pareille valeur, qu'elle estoit lors du cōtract:  
 & n'est moins la valeur perpetuelle, combien  
 qu'a

*r. l. 2. §. sed*  
*quia. C. de in-*  
*ram. calum.*



*f. l. sufficit ff. de cōd. in deb. & arg. l. i. ff. de in lit. iuram. v. arg. d. l. cū quid. & leges. C. de legib. y. l. i. ff. de con dict. tritica. l. stipulationū. §. i. de verb. oblig. & consil. 31. & consil. 250. a. tit. de oblig. & solut. §. nunc alia qua in fin. b. In addit. ad speculat. in d. §. nunc alia in verbo olim. c. In brocard. sub rubric. an eadem mensura vel moneta debeatur. d. In d. c. olim. e. Lib. 5. de affe.*

qu'apres elle puisse estre augmentee, car la qualite des choses se considere ayant égard au téps du contract, & non ayant égard à l'accident apres suruenu s, & ne doit estre changee pour ce qui peut apres aduenir. Parquoy pour l'effect du contract, la valeur du denier y demeure perpetuelle, c'est à dire, lors qu'il sera question de sçauoir combien il y a en l'obligation & combien sera deu au payement, il conuient regarder la valeur de la monnoye au temps du contract v, & non la valeur depuis suruenue qui doit auoir lieu pour les cas futurs, & nō pour les passez x. Autrement la valeur de la monnoye ne seroit perpetuelle es contracts, & seroit incertainne contre la disposition de la loy, qui veut que l'obligation de payer pecune soit certaine y. Tel a esté l'aduis des anciens docteurs, Ol-25 drade z, du specule a, Ian André b, d'Azo c, & de Panorme d. Ce seuer & veritable censeur Charles du Moulin digne du tiltre de louange, duquel Budée e honore Laurens Valle, *Herculis (dict il) Alexocaci nomine dignus, qui nullius unquam hominis offensione, aut scriptoris auctoritate deteritus est, quo minus veritatem à monstribus vindicare niteretur*, en la question 90. & 91. & autres suyuates apres plusieurs raisons alleguees d'une part & d'autre, conclud pour ceste partie, & allegue plusieurs arrestz de la Cour de

Par-

Parlement de Paris conformes à ceste opinion. P'ay memoire qu'il en a esté donné vn pour maistre Iehan Collasseau appellant du Seneschal d'Aujon ou son Lieutenant à Angers, contre les chanoines & chappitres de saint Main-26 beuf d'Angers inthimez. Lesquels auoyent obtenu sentence par laquelle Collasseau & ses cōforts estoient condemnez payer six escuz sols de rente en espeece, sans auoir égard à l'offre de les payer suyuant la valeur qui estoit au temps de la creation de la rente, en laquelle cause plaidant pour le Roy, ie soustenu pour Collasseau, & qu'il estoit recepuable en ses offres. De celle sentence Collasseau appelle la cause est plaidee en la cour, laquelle non seulement dist qu'il auoit esté mal iugé & receut l'appellant a payer les arrierages a la raison de la valeur que chacun escu par l'ordonnance du Roy valoit lors de la creation de la rente: mais aussi ordonna que l'exces payé es arrierages du passé seroit deduit sur le principal de la creation de la rente.

Par cest arrests est vuidee autre questiō du debteur, qui a payé en pareilles especes, qui sont contenues par son obligation lesquelles lors du payement estoient de plus hault pris, qu'elles ne valoyent lors de l'obligation, qu'il peut repeter ce qu'au payments a d'exces par dessus la valeur qui estoit lors du contract, comme indeüement payé, qui est l'opinion de

G4

Ian



d In d. S. nūc  
aliqua. in ver  
bo olim.

Ian André d.

Sommaire du quatorziesme Chapitre.

- 1 La dernière opinion est la plus véritable.
- 2 Les deniers baillez par le creditur au deb-  
teur, sont par luy consomméz a son peril pour  
le pris qu'il les a receuz.
- 3 Conuenir les especes estre rendues selon la va-  
leur de l'augment est usure.
- 4 Les conuentions usuraires, & de mauuaise foy  
ne doyuent estre gardees.
- 5 Payer les arrierages selon l'augment est usure  
d'usure.
- 6 Deux causes lucratiues ne peuuent auoir lieu.
- 7 L'ancienne pratique de France sur l'augment  
du pris des deniers.
- 8 Responce a l'argument de la diminution de la  
matière des douzains.
- 9 L'accroissement de la valeur de l'escau est la ra-  
re de la diminution des douzains.
- 10 De la monnoye diminuee en matière sa valeur  
imposée demeurant.
- 11 Les douzains diminuez de matière en leur  
bonté de monnoye, valent autant que les an-  
ciens.
- 12 En la valeur de la monnoye ne fault dispu-  
ter de la matière, mais du pris imposé.
- 13 Obligation de deliurer rente en fonds de ter-

re.

re, se doit considerer selon la valeur de la ter-  
re au temps de l'obligation.

- 14 Arrest conforme a ce propos.
- 15 L'imitation de ceste opinion en rente cree &  
pris d'argent.
- 16 Distinction des rentes amortissables & non  
amortissables.
- 17 Les rentes hypothecaires sont mises au rang des  
immeubles.
- 18 Coustumes de ce Royaulme conformes a ceste  
opinion.
- 19 En quel cas les rentes hypothecaires sont repu-  
tees de qualité mobilière.
- 20 Rente hypothecaire baillee par échange quand  
elle fait le contract de chage, ou de vèdition.
- 21 Les rentes hypothecaires non amortissables.
- 22 Le creditur n'est tenu recevoir sa debte en  
autre espèce, que celle qui est portee par l'ob-  
ligation.
- 23 Declaration de ceste doctrine.
- 24 La noblesse de l'espèce d'or n'est cōsideree au  
commerce.
- 25 Ordonnance du Roy Philippes le Bel suyuant  
nostre opinion.
- 26 Ordonnance du Roy Henry de pareille dispo-  
sition.
- 27 Enjoindt aux subiects du Royaulme de con-  
tracter a sols & a liures, & non par espèces  
d'or.

28



- 28 *Equité de l'ordonnance du Roy Henry.*  
 29 *Ordonnance de Ian Roy d'Espagne premier de ce nom sur le doubte de nostre question.*  
 30 *Le pris des contractz doit estre certain & depend de la conuention des parties.*  
 31 *Loy de Salon conforme à ceste opinion.*

*Advis sur les deux opinions Chap. 14.*

**V**oilà les deux opinions sur nostre question proposée, chacune desquelles est soustenue de l'autorité des arrests de la Cour de Paris, & de grand nombre de iuriconsultes, d'esquelles la dernière me semble la plus humaine & véritable. Car les obligations <sup>2</sup> *quære contrahuntur*, ne peuuent auoir effect, pour d'auantage q̄ ce qu'à esté receu, *re nō potest* (dict Paule iuriconsulte *a*) *obligatio contrahi nisi quatenus datum est*. Or au contract le debteur receuant l'espece sans apreciation, à seulement receu l'estimation, ou valeur imposée de l'espece, car au commerce en l'espece n'a esté considéré le corps d'icelle, mais sa valeur. <sup>b</sup> & si apres l'estimation du denier est creüe, tel augment est fait sur autres deniers, que ceulx lesquels ont esté nombrez par le creditur, & qui sont consommez par le debteur, pour le pris qu'ils valoyent lors du contract, & non suyuât l'aug-

*a l. si tibi de cem. S. i. ff. de pact.*

*b d. l. si u. ff. de solut.*

l'augment depuis suruenü, auquel les parties n'ont pensé en contractant, & n'est fruiet ne interest, qui se puisse demander en consequence du principal, mais accident arriue par auctorité de la loy, non compris en l'obligation, pour ce il n'a augmenté le contenu en icelle, comme la diminution ne la diminué.

3 Outre ceste raison es prestations annuelles, de certaines especes d'or, tant s'en fault qu'il faille condamner le debteur payer les arrierges suyuant l'augment de la monnoye, qui est du temps du payement, que si faisant l'obligation, il estoit conuenü, qu'au cas que les especes d'or (qui sont vendues de rente) haülfoyer de pris, que le debteur seroit tenu payer les arrierges, & amortir le principal es especes suyuant l'augment qui seroit lors des payemens, telle conuention seroit nulle, vsuraire & illicite, car tel augment est superabondant, oultre & par dessus le sort deboursé par le creditur: & est escript, qu'vsure es contractz est exercée lors qu'il est conuenü, qu'il sera plus payé qu'il n'a esté baillé, ainsi que dict saint Hyerome <sup>c c. usura. 14. q. 3.</sup> *d. Providens* (dict il) *diuina scriptura omnis rei aufert superabundantiam, ut plus non accipias quam dedisti.* <sup>d lib. 6. super Ezech.</sup>

4 Or conuenir que l'escu de rente sera payé selon l'augment du pris qui suruiendra apres l'obligation, est stipuler qu'il sera plus rendu qu'il n'a



e In l. gene-  
raliter. ff. de  
vsur.

n'a esté payé, & y a surcroist en telle obligati-  
on, qui en consequence est vsuraire & reprou-  
uee, & est contre les bonnes mœurs, & du nô-  
bre des pactions d'esquelles parle Vlpian *e, Ge-  
neraliter* (dict il) *observari convenit bonæ fidei iu-  
diciū non recipere præstationes, quæ contra bonos  
mores desiderantur.* Parquoy si expressement  
telle paction ne fust peu faire l'on ne peut di-  
re que tacitement au contract elle ait esté ac-  
cordee: est a propos ce qu'escript *Ludovicus Ro-  
mannus* f, parlant de l'augmentation du pris des  
grains, que telle augmentation survenue de-  
puis le contract n'est comprise en iceluy. Par-  
quoy si ne peut estre fait contract, par le-  
quel par expres l'augment de la monnoye sur-  
venu depuis le contract soit acquis au creditur,  
pour ceste seule cause, que la valeur des espe-  
ces d'esquelles le contract est fait est augmé-  
té: tel augment par convention tacite ne peut  
estre acquis au creditur. Car les actiōs descē-  
dent des obligations, qui sont engendrees des  
contracts, & si la cause efficiente est tollue, l'ef-  
fect est osté pareillement, & en consequence  
si la convention est reprouvee, aussi est l'execu-  
tion d'icelle.

Autre vsure reprouvee est au paiement des  
arrièrages suyvant l'augment, sçavoir vsure d'v  
sure, appelée par les Grecs *ἀνατοκισμός* id est  
*usura renonatio* & *usurarius usura* (*Anatocismus*)

La-

Laquelle à bon droit les Empereurs ont eu  
en si grand horreur, qu'ils ont déclaré infames  
ceulx qui l'ont exercee g.

Car la rente acheptee à pris d'argent succe-  
de au lieu des anciennes vsures, & pour ceste  
cause, les loix faictes pour icelles sont presque  
en tous cas appropriees aux rentes crees à pris  
d'argent. Parquoy au paiement des rentes y  
adiouster l'augment survenu depuis le contract  
faict de la creation de la rente, en ceste faueur  
seulement, que l'espece d'or est deue, c'est ad-  
iouster vsure a vsure contre la prohibition de  
la loy. Oultre en telle exaction de la rente y au-  
6 roit deux causes, Lucratifues & double proufit  
d'une mesme somme, qui est le sort principal,  
sçavoir la rente premieremēt stipulee, & l'aug-  
ment du denier contre les loix. Par ceste rai-  
son Claude Sifel *h* declarant la doctrine des do-  
cteurs *In d. l. cum quid* dict, qu'au payemēt des  
rentes crees à pris d'argent augmenté depuis  
le contract d'acquest, que l'augment de l'espe-  
ce ne doibt estre payé au creditur, car il est  
trop inhumain qu'il prenne double vsure d'v-  
ne mesme somme, cest l'advis de l'ancien glo-  
sateur Pileus en sa 35. quest. rapporte par Ian  
André *In d. §. Nunc aliqua. in verbo Olim*, qui  
faict la distinction d'entre la debte simple, en  
laquelle il semble estre de l'opinion cōmune,  
& de la debte vsuraire, comme est la prestation

g l. improba.  
C. quib. ex  
caus. irrog. in  
fam.

h In l. si ex  
legati causa.  
ff. de verb. ob-  
ligat.

de



de rente acquise à pris d'argent: Le paiement de laquelle il veult estre faict suyuant la valeur du denier qui estoit lors de l'obligation, à ce qu'au paiement il n'y ait double vsure. Quelle doctrine comme veritable est suyuie par Francois Purpurat *i*. Laquelle aussi est de l'ancienne obseruance de ce Royaume attestee par Faber *k*, qui escript, auoir esté obserué que si la monnoye est augmentee par le Prince, que neantmoins il fault en faire le paiement selon la valeur qui estoit lors du contract, & ne fault farrester au dire d'aucuns, qui ont escript que telle ysance est abolie. Car le nombre des arrests des cours souueraines conformes a cest'opinion donnez en ceste aage, enseigne le contraire, lesquels sont soustenuz d'une infinité de raisons fort equitables.

Conuient a presens satisfaire a l'argument 8 que le rabais de la menue monnoye donne cause à hauser la monnoye d'or, comme l'ont noté Imola. & Bartole *l*, & Corneus *m*, comme par les douzais tournois, les escuz soleil, & autres especes d'or sont apreciees. Or il appert par les registres des monnoyes de France que les douzains depuis cent ans sont affoiblis d'alloy du quart ou enuiron, il a donc esté raisonnable hausser l'escu proportionnémet du tiers, plus qu'il ne valoit aucienement, laquelle valeur augmentee, encor qu'en nombre de douzains elle

*i* in d.l. cum quid.

*k* In auth. hoc nifi. C. de solut.

*l* in d.l. Paul. m. consil. 279. & consil. 287.

elle surpasse l'ancienne: neantmoins en bonté materielle elle reuiet a celle qui estoit lors du cōtract. Pour fouldre cest argument, le fondement d'iceluy est commun à l'accroissement ou diminution de la monnoye, & est faicte par deux moyens. Le premier ou la valeur imposée de la monnoye est haussée ou diminuée. Le secōd quand la matiere est haussée ou abaissée demeurāt la valeur imposée en sou entier. Premièrement nous parlerons de l'augmentation de la valeur de l'espece d'or, pour l'augmentation de la menue monnoye, duquel cas exemple peult estre mis es douzains tournois, s'ils estoient haussez iusques a quinze deniers, & pour ce la valeur de l'escu fust haussée a celle raison: Le debteur des escuz au payemēt doibt deduire la plus value suruenue à l'escu depuis l'obligation a l'occasion de l'accroissement de la valeur du douzain, qui a donné cause à l'accroissement de la valeur de l'escu. Car il suffist au debteur pour s'acquieser payer autant comme il a receu ou qu'il a promis lors de l'obligation.

Mais si l'accroissement de la valeur de l'escu est arriué pour la diminution de la menue monnoye, le debteur ne le doibt rabatre au payement, car tel accroissement est la tare de la valeur de la menue monnoye diminuée depuis l'obligation, tellement que rapporte le nombre



bre de douzains rabaissez, qui ont creu en nombre en la valeur de l'escu depuis l'obligation, ils sont de pareille bonté. Exemple si lors de l'obligation le douzain valoit douze deniers tournois, & lors du payement il soit rabaisé, & remis a dix deniers, qui est vn sixiesme moins, & pour ce la valeur de l'escu fut haussée au *pro rata*, comme si l'escu lors de l'obligation valoit cinquante sols, & lors du payement il soit haussé iusques a soixante, le debteur le doit payer sans diminution de l'accroissement.

Le second cas de nostre distinction est, quand la matiere de la monnoye est diminuée, ou haussée demeurant neantmoins la valeur imposée en son entier, comme est figuré exemple des Ases Romains rabaissez du poix d'une liure a deux onces, demourât la valeur de l'ancien As qui estoit d'une liure, pour ce la valeur du denier d'argent (qui estoit de dix asses) ne fut augmenté, car par la loy l'As de deux onces demeura en pareille valeur, cōme estoit l'As d'une liure. Le pareil exemple est des douzains tournois, combien qu'ils soyent affoiblis d'alloy de plus d'un quart, toutesfois leur valeur imposée (qui leur est substantielle) est demeurée pareille avec la valeur des anciens douzains. Estant vray ce que nous auons dict tant de fois que la bonté de la monnoye se considere non tant en la matiere (de laquelle elle est forgée) comme

comme en la bonté formelle & essentielle, qui est en sa valeur imposée, il s'ensuit, que les douzains tournois nouvellemēt forgez, combien qu'ils soyent plus bas d'alloy, que les anciens, neantmoins ils sont de pareille bonté, & semble erreur d'auoir fait difference de leur bonté, d'avec celle des anciens douzains pour la difference de la bonté de la matiere. En consequence combié que les douzains en l'an 1480. fussent forgez de meilleur alloy, que ceulx qui sont forgez en l'an 1575. toutesfois par ce q  
 11 la bonté est imposée aux douzains nouueaux, pareille a celle des auciens, la liure des nouueaux douzains (qui est de vingt sols) est pareille en bonté a la liure des anciens, & se peut acquieter la liure promise, lors que l'alloy des douzains anciens valoit du quart plus que l'alloy des douzains nouueaux, en monnoye nouuelle & pareil nombre de vingt sols *m.* Partant c'est mal argumenté l'alloy des douzains de la liure tournois de la monnoye courante en l'an 1424. estoit meilleur de la quatre partie, que l'alloy des douzains de l'an 1575. ergo la monnoye estoit meilleure du quart & conuient la  
 12 payer a ceste raison, car la bonté essentielle de la monnoye des douzains faicts en chacun desdicts temps, n'est en la matiere, mais en la valeur imposée, & les douzains faicts en chacun desdicts temps, ont fonction les vns pour les  
 H autres

*m Roman. cō  
 fil. 123. Gemi  
 consil. 137.*



autres, c'est à dire, q les douzais de l'an 1575. se mettent pour ceulx qui furent forgez en l'an 1480. sans aucune difference, qui faict que la dette des liures stipulee en l'an 1480. est pareille a la liure des douzains de l'an 1575. & se peut acquiescer en pareil nombre de douzains de monnoye nouuelle au nombre des anciens douzains. De ce que nous auons dict il sensuit q l'escu par l'ordonnance du Roy en l'an 1575 estant mis a soixante sols, est haussé en bonté substantielle de moitié par dessus sa bonté de l'an 1450. & du quart par dessus sa bonté substantielle de l'an 1540. Quel surcroist ne peut estre dict tare de la bonté de la nouuelle monnoye d'auecques la bonté de l'ancienne: car (côme nous auons dict) la bonté de la monnoye nouuelle courante est pareille a celle de l'ancienne, & partant ledict accroissement de l'escu n'a esté faict à l'occasion de la diminution de la matiere de la monnoye de douzains, pour laquelle sa bonté n'est diminuée, mais par la volonté du Prince, q l'accroissement n'estoit lors de l'obligation, ne compris en icelle, & le débiteur n'est tenu le payer.

N'est de pareille qualité l'obligation, par laquelle *Sempronius* en l'an 1530. s'est obligé de payer à *Titius* cent liures de rente en fonds & assiette de terre: l'exécution de laquelle obligation est poursuivie en l'an 1530. soit pareille a celle

a celle de l'an 1575. Toutesfois ce n'est considerable en nostre question en laquelle n'est demandé combien vault la liure, mais s'il faut considerer la valeur du reuenu du fonds en la deliurance d'iceluy, ayât égard au date de l'obligation ou du payement, a quoy est respondu que la valeur du reuenu du fonds en l'assiette doit estre considerée ayât égard au temps de l'obligation. Car pour sçauoir combien il y a en l'obligation, & est deu pour icelle, il faut regarder le temps de sa disposition, ainsi le note Balde. Parquoy l'exécution de l'obligation de deliurer cent liures de rente en assiette de terre contractée en l'an 1530. se doit entendre selon que la terre en celuy temps valoit de reuenu annuel, & si l'exécution de celle obligation est poursuivie, & executée en l'an 1575. elle doit estre faicte, selon que la terre valoit de reuenu ou dict temps de l'an 1530. Nō obstant que lors de l'assiette ce qu'est deliuré de terre pour cent liures de rente, en vale trois, cēs ainsi a esté iugé par arrest en l'an 1544. au proufit du seigneur d'Aubigné a l'encōtre du seigneur de Vauberger sur le faict qui sensuit, au dict seigneur d'Aubigné estoient deuz cinquante liures de rente en assiette de terre à luy donnez par sa mere en l'an 1530. il faict adiourner le curateur du seigneur de Vauberger heritier principal de sa mere pour luy baller assiette

*n l. Rutilia. ff. de cont. empt. l. si filiusfamilias. ff. de verbor. oblig.*

*o Consil. penult. incip. coram vobis. lib. 1. arg. l. vxor. §. testamento. ff. de leg. 3. l. si ita. ff. de aur. & arg. legat. l. Aurelius. §. testamento. ff. de liber. legat.*



ette de sa rente en fonds de terre, ayant égard à la valeur du temps du don, ledict curateur offre bailler assiette selon la valeur du reuenu des terres au temps de son offre par arrest: le curateur est condamné deliurer des terres de la defuncte iusques a la valeur de cinquante liures de rente ayant égard à ce qu'elles valoyent au tēps du don.

Ce que dessus doit estre limité en rente annuelle cree à pris d'argent perpétuellement amortissable par la nature du contract d'acquisition, & pource entendre est ytile cognoistre, que des rentes crees a pris d'argent les vnes sōt perpétuellement amortissables, suyuant la nature du cōtract qui sont declarees par du Moulin *In tract. de usur. q. 5. nu. 120. & §. 58. nu. 32. 33.*

34. és coustumes de Paris, celles qui sont acheptées a moindre pris que d'un pour vingt, lesquelles cōbien qu'elles sont acheptées par l'acquerer pour demeurer perpétuelles, & pour rendre fruct par chacuns ans, à l'exemple des possessions, & tenues pour immeubles p, & sōt 17 mises au rang des biens immeubles par plusieurs coustumes de ce Royaume, Paris §. 75. Meaux. §. 66. au tiltre des comunautéz. §. 10. Vermandois. §. 107. Angoulesme. §. 55. Sens, Bald. & An- és coustumes reformées. §. 123. & n'entrent telles rentes en la communauté des biens d'entre l'homme & la femme, parquoy par les cou-

p l. ultim. §. sancimus. C. de iur. dot. l. iubemus in princip. C. de sacros. eccles. l. hac edictali. §. is illud. & i bi Cin. Fab. Bald. & Angel. C. de secund. nupt.

stumes d'Anjou & du Maine est par expres disposé, que l'homme & la femme qui ont esté en mariage par an & par iour, à compter du iour des nopces, sont communs en biens meubles, debtes, personnelles, & arrierages des rentes. Aussi est disposé, que l'heritier & donataire vniuersel des meubles, sont tenuz payer toutes debtes personnelles. Et par expres lesdicts coustumes chargent les dessusdicts des arrierages des rentes seulement, comme metans le principal des rentes au rang des immeubles, & les arrierages en l'ordre des meubles. Toutefois 18 si nous regardons a la faculté qui compete au vendeur de perpétuellement pouuoir rachep- ter ou amortir telles rentes, elles ne sont perpe- tuelles, & approchent plus de la qualité mobili- 19 aire que d'immeuble q, & par plusieurs coustu- mes de ce Royaume elles sont mises en l'or- dre des choses mobilières. Orleaus §. 173. ou la difference d'entre le vendeur & achepteur cy dessus rapportee est noté. Chaumont en bassigny §. 64. Vitry. §. 131. Beauquere §. 31. Aufferre §. 185. Bourgongne au tiltre des ren- tes vendues à rachapt §. 1. & pour ceste cause si telles rétes sont baillies en échage ou payemēt de chose immeuble, elles tiennent lieu de pris 20 mobilières, & de tel cōtract retraict est acquis aux lignagers & seigneurs de fief r. Car tel cō- tract n'est décharge, mais de vendition pour

q Ioan. de Plat. in rub. de vend. rer. ad ciuitat. per tin. lib. 11. C.

r Molin. §. 12. gloss. §. 9. 10. et §. 23. q. 18. in 1. parte con- fucind. Paris.



le pris pour lequel la rente à esté acheptee. Sur quoy est grandement a noter la difference du contract dessusdict, & du contract par lequel le fonds est baillé pour assurance de la rente qui n'est acquis au creditur ains seulement delaisé, pour iouir des fructs, pour l'interest ou vsu re de ses deniers, iusques à ce qu'ils luy soyent rendus. Mais quand le fonds est baillé pour as-

*l. si debitor. ff. de pigno-rib.*

*l. i. per totu de assignat li bert. ff. & in sit. de assign. li bert. l. 1. & alij doct. in l. traditionibus. C. de pact. & in l. si fundu.*

*ff. de leg. i. do- minic. in c. si benefic. de pra bend. lib. 6. v. Ut in q. 5. num. 120. in tractat. vsu- rar. & in con- fectud. Pari- sienti §. 58. x. Arg. l. 4. §. fin. ff. ad leg. falsi.*

fiette, assignation & payement de la rente, & perpetuelle extinction d'icelle, il est acquis au creditur, qui en est fait achepteur: Et ainsi se doibuent entédre les assiettes des rentes dont parlent les coustumes d'Ajouart. 295. & du Maine art. 178. & de Poictou. §. 19. qui dispo- sent du fonds baillé en assiette & assignation de réte. Quel mot d'assignation a force de trās- lation de seigneurie t.

Les rentes amortissables sont celles, qui sont 21 acquises a pareil pris, que les possessions ont ac- coustumé par pris commun estre vèdues ou a- cheptees, au pays, ou ladicte rente est vendue, soit du denier vingt, lequel du Moulin est d'ad- uis estre raisonnable v. ou du denier vingt cinq x, ou biē quand la rente est constituée pour au- tre cause, que pour argent, comme pour retour de partage, pour legs, ou pour autre cause, si en la constitution de telles rentes n'est retenue la faculté d'icelles amortir, elles sont perpetuelles & est valable la paction de bailler fonds pour assiette

assiette d'icelle réte, & quand pour icelle, fōds est deliuré, le contract est espee de permuta- tion ou d'action *In solutum*, & ce que nous a- vons enseigné cy dessus, que l'assiette de la ren- te doibt estre faicte ayant égard à ce que les terres valoyent de reuenü lors du contract, à lieu en la stipulation d'assiette des rentes per- petuelles non amortissables. C'est assez parlé des rentes desquelles nous remettons le traité à vn autre lieu. Pour retourner au propos de nostre question continuant laquelle.

22 Contre ce qu'à esté dict cy dessus, il sera incō- tinant fait argument du dire de *Paulus* y, que *y In d. l. Paul.* le creditur n'est tenu recepuoir son payement en autre forme de deniers, que celle qui est por- tee par le contract, quand pour ce il recepuoir- perte. A quoy est respondu, que ceste dispositi- on n'est faicte pour ordonner, que le debteur sera tenu plus payer, qu'il n'a receu contre tou- tes les loix, ce qu'il feroit sil payoit l'augment, mais pour empescher que le creditur soit mis en perte recepuant sa debte en autres especes qui ne sont conuenues par l'obligation, cōme si cest vn marchand de pays longtain, qui a inte- rest d'estre plustost payé en or, qu'en monnoye de douzains, ou autre monnoye alloyee de cuyure, pour estre la monnoye d'or de plus fa- cile voiture, & trafique en son pays, il peult co- uenir qu'il ne sera contraingnable recepuoir sa



Σ In auth.  
hoc nisi.

debte, qu'en certaines especes d'or, qu'elle con-  
uention doit estre entretenue autrement le cre-  
diteur tōberoit en perte, mais si le pris de l'es-  
cu est haussé depuis la conuention, l'augmēt luy  
sera rabatu par les raisons cy dessus alleguees <sup>2 3</sup>  
ou bien le texte *In l. Paulus* (cōme dict *Faber*)  
Σ suyuant le dire de *Dinus*, doit estre enten-  
du, quand pat le payemēt en autre espece n'est  
autāt payé au creditur, comme il a baillé lors  
de l'obligation, car sil est autant payé il est sans  
interest, c'est à dire sans perte au paiement de  
sa debte fors pour les commoditez plus gran-  
des, au commerce des especes d'or, pour le re-  
spect desquelles le debteur ne doit payer plus  
qu'il doit, mais est contraingnable payer sa  
debte es especes qu'il a promis, suyuant leur va-  
leur au temps du payemēt iusques a concurrā-  
te valeur de la debte, deduction faicte de l'au-  
gment de l'espece (si aucun est suruenū depuis  
l'obligation) Ainsi a esté iugé par arrest donné  
au Parlement de Paris prononcé le vingt hui-  
etiesme iour de Mars l'an 1538. entre Maistre  
Iehan de la Haye cōseiller en ladicte cour appel-  
lant du preuost de Paris cōtre Maistre Arthus  
Rioust docteur regent en la faculté de medici-  
ne à Paris: Sur ce que l'appellant demandoit e-  
stre receu à amortir la somme de cinquante li-  
ures de rente hypothecaire, payant le principal  
es especes portées par le contract au pris qu'el-  
les

les valoyent lors de l'offre, & iusques a concu-  
rence du sort, dont il auoit esté debouté, & dict  
qu'il ne pourroit amortir, sinon que payant le  
sort en pareil nombre d'especes de celuy qui e-  
stoit contenu au contract, & au pris qu'elles va-  
loyent lors d'iceluy, dont ledict de la Haye au-  
roit appelle & cōclud. A quoy l'inthimé disoit  
qu'il apparoiſſoit par les lettres de creation de  
la rente du nombre des especes pour lesquel-  
les ladicte rente auoit esté acheptee, & qu'il e-  
stoit conuenū, qu'elle ne pourroit estre rachep-  
tee sinon rendant les mesmes especes: Que le  
iugement auoit esté donné suyuant ladicte cō-  
uention, & concludoit bien iugé, la cour mist  
la sentence & appel d'icelle au néant, corrigeāt  
le iugement receut l'appellant à racheptr ladi-  
cte rente payant a l'inthimé le sort principal en  
pareilles especes que celles du contract, suyuāt  
leur valeur contenue en l'ordonnāce du temps  
du payement, & les arrièrages a celle raison, &  
<sup>24</sup> n'est en ce cas considerable la noblesse, rarité  
& bonté des especes d'or esquelles est conue-  
nu faire le payement, par ce que les deniers es  
contracts se considerēt selon leur estimation: <sup>a l. nummis.</sup>  
Pourquoy est dict qu'affectiō ne tombe en de- <sup>ff. de in lit. in-</sup>  
niers, <sup>a</sup> telle est l'anciēne vsance de Frāce (cō- <sup>rand.</sup>  
me nous auons dict) rapportee par *Faber* <sup>b</sup> qui <sup>b In §. i. in-</sup>  
n'a prins commencement ou fondement sur <sup>stit. quib. mod.</sup>  
fortuit vsage, comme ont faict plusieurs cou- <sup>tollit. oblig.</sup>  
stu- <sup>in. d. auth. hoc</sup>  
nisi.



stumes de ce Royaume : Mais sur l'ordonnāce du Roy Philippes le Bel, faicte sur l'abus de plusieurs vsuriers, qui prestoyent deniers, & faisoient obliger les debtors les payer en especes, lesquelles apres ils exigeroient selon la valeur de l'espece qui estoit au temps du payement, quoy faisant ils gaignoyent le surcroist de la valeur de l'espece suruenue depuis l'obligation, qu'ils n'auoyent deboursé & n'auoit le debteur d'iceluy faict son proufit. Pour refrener l'auarice d'esquels vsuriers, le dict Roy Philippes estant à Montargis vn iour de Samedy deuant la feste nostre Dame de chandeleur l'an 1311, fist l'ordonnance qui sensuit. *Ceterum quia metuentes plures in fraudem usurarum pecunias vendunt, vel cambiunt, & in contractu conuentionum adiciunt, ut solutio debiti eis fiat in alio valore vel alia pecunia, quam sit illa quam tradunt, volumus quod nullus teneatur soluere, nec quis creditor presumat exigere, vel recipere in eo modo pecunie tradita per eum, vel alios debitum in maiore valore quam in valore pecunie tradita, quantum videlicet valebat, & currebat communiter iuxta ordinationes nostras tempore contractus, & quo pecunia tradita fuit. Et si forsan contrarium sit conuentum, talis conuentio ipso facto sit nulla.* Il semble que cest'ordonnāce & anciēne obseruāce avec plusieurs bonnes raisons debuoyent auoir mis fin à ceste dispute: Ce neantmoins pour l'auarice insa-

insatiable de plusieurs crediturs elle fut renouuelee du temps des Roys François premier, & Henry son fils, au regne desquels fut mis en grand doubte, si les obligations contractees par especes non apreciees se debuoyent payer en mesme nombre, nonobstant qu'elles soyent creües de valeur lors du payement. Pour mettre fin à laquelle dispute l'an 1551. le Roy Henry deuxiesme estant à Angers pour obuier a la fraude de plusieurs crediturs, qui preuoyans que pour la misere du temps la valeur des especes d'or croissoit de iour à autre fist vn edict, par lequel il presupose vne ancienne ordonnance, qui deffend a toutes personnes sur peine de confiscation de corps & de biens, de contracter autrement, qu'a sols & a liures sans vsfer de parolles d'escuz, ou d'autres especes d'or ou de 27 argent, & suyuant celle ordonnance commande, que toutes personnes de quelque condition qu'elles soyent, seront tenuz doresnauāt de faire leurs contracts soit de constitution de rente, vendition d'heritaiges, de mariages baux à ferme, vente & deliurance de marchandie, à sols & à liures seulement, sans vsfer de parolles d'escuz ne d'autres especes d'argent, comme à esté au parauant faict, & pour obuier aux debats, proces & questions, qui se pouuoient mouoir pour cause des payemens des rentes, marchandises, promesses & obligations au parauant faictes



êtes & passez à escuz, il veult & ordonne, que les debtors soyent quittes, payant pour chacun escu sol quarante six sols tournois de la monnoye ayant cours, lors de l'ordonnance, & des autres especes ayant cours par ladicte ordonnance, payant le pris pour lequel elles auoyent cours lors de ladicte ordonnance. Et quand aux autres especes d'or non ayant cours veult qu'elles soyent payez eu égard au pris que l'on donnoit le marc d'or au temps des contractz de prest, emprunts & traictez des mariages & autres contractz.

De laquelle ordonnance sont à noter deux choses: la premiere que pour tollir les captions vsuraires qui sont es obligations conceues par especes d'or (comme d'escuz) le Roy veult que ses subiects contractent à sols & à liures, & defend de contracter par especes d'or: la seconde pour acertainer les obligations contractees par escuz, lesquelles autremet seblent incertaines à l'aduenir, pour l'incertaine valeur des escuz, le Roy veult que les debtors se puissent acquicter, payant quarante & six sols par escu. Ce que (encor qu'il semble dur) pour les obligations contractees au temps que les especes d'or estoient de moindre valeur, toutesfois celle temperature est suffisante pour satisfaire à l'auarice des aspres creditors, qui gaignent plus qu'ils ne deburoient: laquelle moderation rigoreuse

se lors de ladicte ordonnance est humaine, ayant égard au hault pris de l'escu sol suruenue depuis, qui est en l'an 1575. est à soixante sols par l'ordonnance & par commerce entre les marchands & autres à soixante & cinq sols tournois.

28 Je sçay bien qu'incontinent sera obiecté contre cest'ordonnance, qu'elle n'est ny publicque, ny veriffiee en la Cour de Parlement à Paris, mais seulement en la cour des monnoyes, & qu'elle doit auoir effect pour les valeurs des monnoyes & mentionnees, & non en tant qu'elle dispose de la forme des contractz, de laquelle la cour des monnoyes n'a iurisdiction, mais la cour de Parlement. Pour responce si nous recepuons les loix Romaines es iugements, en tant que sont bonnes raisons plaines d'équité, nous deuons plus grande reuerence & obeissance aux edicts de nos Roys, desquels il sen trouue aucuns non veriffiez en la Cour de Parlement, toutesfois ils sont equitables, es iugements ils doyuent seruir pour bonnes raisons.

29 Ian Didacus docte Espagnol rapporte vne loy auoir esté faicte par Ian Roy d'Espagne premier de ce nom l'an 1367. & par Henry second l'an 1511. Par lesquelles cest'opinion est approuuee. Adonc par ces ordonnances il appert de la ciuile declaration des obligations contractees par especes d'or & non à liure, & comme l'essence du denier se considere selon la valeur  
a luy

c. c. 7. de s<sup>ts</sup>  
quest. de pra-  
tique.



*d. l. idco. ff. de  
eo quod cert.  
loc.*

a luy imposée par le Prince, qui doit estre per-  
petuelle, ayant égard au temps des contractz d.  
Autrement le pris des contractz ne seroit 30  
certain comme à esté dict, & ne depende-  
roit de la conuention des parties, mais de la  
valeur incertaine des monnoyes, comme elles  
croistront, ou décroistront après les contractz  
faicts. Ceste declaration des obligations con-  
tractées par espece, est prinse de la resolution  
de Solon legislateur Athenien sur doubte pa-  
reil, lequel fist vne loy (dict Plutarque en sa vie) 31  
par laquelle il augmenta la valeur de la mine ius-  
ques à cent dragmes, qui au parauant valoyent  
soixante & treze liures, ceulx qui auoyent à ren-  
dre grosse somme de deniers venoyent à payer  
en estimation & valeur autant comme ils deb-  
uoyent, ayant égard au temps de leurs obliga-  
tions, & non pas en nombre de pieces. Ainsi  
les debtors y gaignoyent beaucoup, & les cre-  
diteurs n'y perdoyent rien, qui est le cas de no-  
stre question.

*Sommaire du quinzième Chapitre.*

1. Si la valeur de la monnoye du temps du con-  
tract, doit estre considérée es contractz de re-  
tract lignagers & conuentionnels.
2. Le lignager doit estre rendu indemne, en l'ex-  
ecution du retract.

3. Le vendeur reuenant doit obeir aux conuen-  
tions de la vendition.
4. Le lignager doit seulement rendre le pris dé-  
boursé.
5. On regarde le pris de la vendition ayant égard  
au temps du contract pour sçavoir s'il y a le-  
zion.
6. Coustume de Bourbonnois à ce propos.
7. La pecune es contractz est comme quantité &  
non comme corps.
8. La valeur de la pecune est le pris imposé.
9. Payant les especes selo le pris du temps du pay-  
ement, si elles ont haussé, est plus payer qu'il  
n'a esté receu.
10. L'interest de gaiguer en la garde des especes  
n'est considerable.
11. La conuention de payer les especes a quelque  
pris qu'elles se puissent monter est reprouée.
12. L'imitation de cest' opinion.
13. L'imitation du contract de depost.
14. Diuers cas de depost.
15. Du depost indiciaire.
16. Si ce qu'à esté dict à lieu es dispositions testa-  
mentaires.

*Si ce qu'à esté dict à lieu en tous con-  
tractz. Chap. 15.*



**L** St. demâdê si ce que nous auons  
dict à lieu en tous contracts. Du  
Moulin és questions 93. 97. &  
autres suyuanes est d'aduis qu'il  
doibt auoir lieu és contracts de  
prest, de restitution, & rapport de deniers do-  
taux. Il allegue plusieurs raisons, qui font doub-  
ter si doit auoir lieu, en l'exécution des re-  
traiçts lignagers & conuëctionnels: quâd aux re-  
traiçts lignagers, il semble qu'il y ait raisõ fort  
fauorable, q̃ le lignager rébourse le principal és  
mesmes especes, qu'il à esté deboursé, à ce que  
l'achepteur se departe de l'acquest par luy  
faict sans perte: principalement attendu, que le  
lignager au retraiçt, tend à fin de s'enrichir à la  
perte des acquereurs, lesquels avec grandt frais  
& vigilance ont faict acquest, qui leur est osté  
par le retraiçt. Parquoy il sêble estre fort equi-  
table, q̃ le lignager rende à l'achepteur son sort  
principal és mesmes especes, autrement il ne se-  
roit rendu indemne en l'exécution du retraiçt  
a, en laquelle execution le droit fauorise plus  
celuy qui est contrainct aliener, qu'en celuy qui  
volontairement retire, & acquiesce b.

a l. debet. ff.  
de edilit. edi-  
cto.

b l. 2. §. fin. ff.  
si quis cautio.

Est adiousté au retraiçt conuentionnel, que  
le vendeur ne peult retirer sinon obeissant aux  
conuentions du contract de vendition, par les-  
quelles est conuenu, que le vendeur pourra re-  
tirer rendant les especes nommees au cõtract:

Quelle

Quelle conuention est substancielle, & partant  
ne peult le vendeur retirer sinon rendant le sort  
principal és especes portees au contract, & ain-  
si Boerius c note ce debuoir faire. Du contraire  
pour le lignager est dict, que par les coustumes  
( qui ont introduict les retraiçts ) le lignager  
est seulement chargé de rembourser oultre les  
4 fraiz & abondances le sort principal, qui ce con-  
sidere (cõme nous auons dict cy dessus) non au  
corps, ou matiere des especes de la monnoye,  
mais en la quantité, c'est à dire en la valeur de  
la monnoye d, & si estoit adiousté au sort le sur-  
croist de l'augment de la valeur de la monnoye  
5 suruenue, depuis l'achapt, le lignager seroit  
souds chargé plus que ne veult la coustume, cõ-  
me a semblable seroit faire tort à l'acquireur si  
les especes estoient diminuees en valeur, & q̃  
le lignager refusast parpayer le plus de la dimi-  
nution, car il à payé tout le pris, ayant égard a la  
valeur du denier au temps de la vendition, & en  
la resolutiõ du contract il doibt se departir in-  
demne & sans perte: Autre raisõ est noté pour  
cest'opinion, que quâd est question de sçauoir  
si la vendition doibt estre resolue (comme fai-  
cte à vil pris) ou si elle se doibt rescinder pour  
deception d'oultre moictié de iuste pris, les es-  
peces de monnoye payees, se considerent non  
selon la valeur du temps de la question & deci-  
sion d'icelle, mais ayant égard au pris qu'elles

c decis. 327.

d l. si is qui.  
§ 1. ff. de su-  
luc.



e l. si volun- valoyent lors du contract e. Pareille raison de  
 tate. C. de re- decision, est en la question de retraict lignage  
 scind. vendit. & conuentionnel, l'exécution desquels est re-  
 f l. illud. ff. ad tant doibt estre faicte pareille decision f sans  
 leg. Aquil. consideration q l'acquireur a iouy des fruiets  
 du fonds vendu, qui sont acquis a l'acheteur  
 par droict de seigneurie, & non pour augmen-  
 ter ou diminuer le pris de la vèdition, ce que se-  
 roit faict, si pour le respect des fruiets pris par  
 plusieurs annees par l'acheteur, ou par ce qu'  
 il n'a pas iouy long temps, estoit distingué en  
 l'exécution du retraict, si le remboursement du  
 sort, se doibt faire par les especes de monnoye  
 portees au contract, ayant égrad à la valeur du  
 temps du payement, ou en autres especes ius-  
 ques a la concurréce de la valeur qui estoit lors  
 du contract.

Ainsi est décidé par la coustume de Bourbo- 6  
 nois art. 432. en ces mots, en matiere de re-  
 traict, on n'est tenu payer le pris en semblables  
 especes, esquelles l'acquisition aura esté faicte,  
 mais suffit rendre le pris en or ou monnoye.  
 Laquelle opinion i'ay suyuy en ma paraphrase  
 du droict de retraict lignager g Balde h limite  
 ceste doctrine, au cas q l'augment fust suruenu  
 peu de tēps apres le cōtract, lequel augmēt est  
 vray sēblable qu'il eust tourné au proufit de l'a-  
 chepteur, fil n'eust deboursé ses deniers pour  
 l'achapt

g c. 7. lib. 5.  
 h In l. acce-  
 ptam. C. de v-  
 sur.

l'achapt par luy faict, par ce qu'il eust gardé les  
 deniers, duquel emolumēt il ne doibt estre fru-  
 stré, nonobstant que l'acquireur ait incontīāt  
 employé les especes de monnoye au pris qu'il  
 les a receües, car l'acheteur doibt estre sans  
 perte en la resolution du contract. Le doute  
 de la verité de ceste l'imitation, car la loy diēt,  
*certa est nummorum aestimatio* i, & que la pecu-  
 ne est es contracts comme quantité c'est à di-  
 7 re, suyuant sa valeur imposee: non ayant égard  
 à son corps materiel. Parquoy le vendeur ne  
 peult auoir deboursé ses especes d'or que pour  
 somme certaine, qui tousiours dure pour l'en-  
 tretenement du contract, & ce que s'en peult  
 ensuyuir, c'est à dire, pour la resolution d'iceluy  
 pour quelque cause que ce soit de retraict li-  
 gnager, conuentionuel, lezion enorme, ou au-  
 tre cause: & la valeur des especes n'est moins  
 certain pour l'augment depuis suruenu, qui ne  
 est considéré, car la qualité de la pecune, qui est  
 sa valeur certaine, se doibt considerer selon l'e-  
 8 stat auquel elle estoit lors du contract, ce qu'est  
 general à tous actes, nōobstant l'accroissement  
 ou autre accident apres arriué k. Ce estant vray  
 l'acheteur ne peult dire auoir payé au vèdeur,  
 & le credeur à son debteur, que les especes  
 suyuant leur estimation du temps du contract, pass.  
 & qu'il y ait en iceluy plus grande somme, que  
 l'estimation des especes d'or deboursees, & en

i l. ideo. ff. de  
 eo quod cer-  
 loc.

k l. i. ff. de in  
 li. iurad. Civ.  
 in l. ultim. col.  
 2. C. de sentent.



*l. l. incendiū.  
C. de reb. cre-  
dit. si cert. pe-  
sat.*

la resolution du contract, l'acheteur ne peut demander davantage: & n'est l'accroissement des especes survenu au proufit du creditur ou acheteur, car deboursant les especes, ils en ont perdu le seigneurie, qui est acquise au vendeur ou debteur *l.* En consequence l'accessoire des especes en augment, & diminution ne peut appartenir au vendeur, qui n'est seigneur des especes augmentees, & s'il repique qu'elles luy sont deues, & que sont accessoires de sa debte: est respondu, que la debte est de somme certaine, c'est à dire, de l'estimation des especes, ayant égard au temps du contract, comme à esté dict & repeté plusieurs fois cy dessus: Aussi peu est considerable l'interest de l'acheteur, si l'eust gardé ses deniers, qu'il eust gagné le proufit de l'augment des especes survenu depuis le contract de vendition. Par le moyen duquel il est priué dudit proufit: car il a deboursé ses deniers volontairement, & pour iceux ne peut demander interests non stipulez, & le lignager en l'execution du retraict n'en doit aucuns soit de gaing cessant, ou de perte receüe par l'acheteur pour la carance & défaut de ses deniers, quand le lignager est sans demeure au remboursement: & ce que la loy dict, *Indemnis emptor debet discedere m.* doit estre enté du sur le faict du texte, que l'acheteur auoit payé gabelle à l'occasion de l'achapt de la chose redibitoire.

*m. l. debet. ff. de edilit. edict.*

La

La loy veut que celle gabelle soit payee par le vendeur à l'acheteur, car il ne doit rien perdre de son deboursé, ioinct qu'interest du faict, que l'acheteur eust gagné le surcroist, si n'eust acheté, est lointain & non considerable, non plus que l'interest prouenu de la mort des esclaves mors de faim, par default faict par le debteur d'auoirourny le froment au terme qu'il estoit deu, ou que le creditur eust négocié du vin qui luy est deu, si le debteur l'eust payé au temps qu'il debuoit.

*n. l. si sterilis.  
S. cum per vē  
ditorem. ff. de  
actio. empt.*

A pareille raison peut estre dict que la conuention de payer especes de monnoye à quelques sommes qu'elles puissent valoir, lors qu'elles seront rendues, ne peut estre soustenue civile, en forme de transaction en temps miserable, auquel les especes d'or sont variees de valeur de iour à autre, comme arriua au temps des Anglois, ainsi que nous auons cy dessus rapporté: car transaction ne peut estre dictée si non sur chose incertaine, ou de laquelle y auoit proces, ou qu'il y auoit doute, car lors de la conuention la monnoye auoit pris certain, qui doit demeurer perpetuel pour l'entretènement & execution de l'obligation, pour scauoir combié il y a en icelle, & combien est deu au payement, non obstant qu'apres la conuention les especes desquelles a esté faict contract, soyent rabaissees ou haulsees de pris: partant

*o. l. ff. de  
transact.*

I3

l'in-



l'inconstance du temps n'a faict que la valeur de la monnoye soit en incertitude : car lors du contract elle auoit estimation certaine, suyuant laquelle l'obligation doit estre entretenue, & executee, qui faict que la misere du temps ne donne iuste cause de transaction.

Nous debuons limiter ce que dict est en ce-13 luy qui auoit des especes d'or lesquelles il gardoit, & pour faire plaisir les preste, il peult iustement conuenir faisant le prest, que les especes luy seront rendues à quelque valeur qu'elles se puissent monter par l'ordonnance, ou par cours commun entre les hommes: car au contract de prest, qui ce faict en la seule faueur de celuy qui reçoit, il est loysible au creditur par pactions detourner la perte en laquelle il peult tomber, par la carance & default de ses deniers pressez p, & aucun n'est contraignable faire plaisir à perte q: exemple est baillé par saint Thomas d'aquin r du marchand qui à argent, lequel il à destiné à marchandie, il est prié par vn autre luy prester pour en trafiquer, ou s'acquiescer de ses debtes, desquelles il paye vsure, il est d'aduis q le creditur peult pour le prest de ses deniers stipuler somme hōeste, car telle somme n'est pour le proufit du creditur, mais pour le recompenser de sa perte.

Autre question est faicte, si ce que nous auōs 13 dict à lieu au contract de depost, a quoy est re-

spondu

spondu qu'il a lieu au vray depost, qui est déclaré en la chose baillee en garde au peril de ce luy qui depose pour le mesme corps luy estre rendu f. Car la seigneurie en demeure au depositant t, & pour ce encores que deniers, ou autres choses (lesquelles en commerce sont au poix, au nombre & en mesure) soyent deposees, le depositaire n'en peult vsfer pour en rendre autres de pareil genre, lesquelles en autre cas reçoient fonction les vnes pour les autres: Mais si faisant le depost de deniers ou apres iceluy faict est conuenū, que le depositaire en pourra vsfer, & en rendre autres, Papinian dict, que l'espece de ce faict, *egreditur depositi notissimos terminos v*, Vlpian declarant la qualité de ceste obligation dict, qu'au parauant que le depositaire ait employé les deniers à son vsage, ils sont en depost: mais lors que le depositaire les aura prins, & en aura vsé à son proufit,

14 c'est prest de deniers x: *Neratius & Proculus* disent d'auantage, que si le creditur permet au depositaire vsfer des deniers deposez, que prest est contracté y: Par ceste raison en l'execution des sentences contenant iugement par prouision de payer quelque somme de deniers au proufit de quelqu'un, se constituāt dispositaire de iustice, de rendre ladite somme si est dict en diffinitifue que faire ce doitue: Au moyen que la prouision est iugee, à ce que le creditur

14

pendant

p Arcibd. in  
c. usura. 4. q.  
3. Roma. con-  
sil. 517. Deci-  
us in l. quate-  
nus ff. de reg.  
iur.  
q c. precarie.  
10. q. 2.  
r q. 78. art. 2.  
in 2. secund.

f. l. i. §. i. ff.  
depos. t. l. licet. ff. eo-  
dem.

v l. Lucius.  
ff. de reb. cre-  
dit.

x l. quod si  
ab initio. ff. de  
reb. cred.

y l. certi con-  
ductio. §. fin.  
ff. de reb. cre-  
dit si certi pe-  
tat.



pendant le proces se puisse aider des deniers grains, & que le constitut du depost, est pour priuileger la debte, à ce que le creditur soit cōtrainct par corps rendre la somme garnie, sil est dict en fin de cause, cōme il seroit si la somme auoit esté deposee entre les mains (qui est le priuilege du depost). Le creditur condamné peult rendre l'estimation des especes garnies entre ses mains ayāt egard à la valeur qu'elles valoyent au temps que la garnison à esté faicte en ses mains.

Reste a parler des dispositions testamentaires, par lesquelles est faict legs de certain nombre d'especes de monnoye: Comme si *Menius* l'an 1540. à legué à *Sempronius* cinq cens escuz lors du testament valant 45. sols pice, l'an 1575. que l'escu vault soixante sols, le legataire demande les cinq cens escuz sans diminution de l'augment: est respondu qu'il sera payé à la raison que l'escu valoit lors du testament

¶ l. vxorem.  
§. testamento.  
l. si res. ff. de  
aur. & arg.  
legat. l. Aure-  
lius. ff. de li-  
berat. lig.  
a l. vxor. §.  
vxori. ff. de  
leg. 3.

¶ La raison est par ce qu'en toutes dispositions des hommes quand il est question de scauoir combien est deu, & la qualité de la debte, il conuient obseruer és dispositions d'entre vifs le date d'icelles, & és testamentaires le réps des testaments, car les parolles d'iceulx, *nihil pro futuro tempore* (dict *Scæuola*) significant a.

Sommaire du seziesme Chapitre.

1 La

- 1 La conuention del'escu, & de ducat se doibuent entendre de ceulx, desquels il apparoiſtra les parties auoir entendu disposer.
- 2 L'on considere ce que plus communement à acoustumé estre gardé au pays.
- 3 Comme doibt estre vsé de la monnoye, laquelle se met à plus hault pris, que celuy porté par l'edict du Roy.
- 4 La loy est abolié par non usage.
- 5 En l'exposition de la monnoye l'on regarde ce qu'est obserué entre les marchands.
- 6 La valeur de la monnoye depend du public.
- 7 Les priuez ne peuuent imposer pris à la monnoye.
- 8 La couſtume introduicte contre la loy ne doibt estre gardee.
- 9 L'imitation de cest opinion.

Des diuerſes valeurs des monnoyes.

Chap. 16.

1



Ouuent arriue qu'en aucuns lieux ſoubs vn meſme nom ſont ſignifies pluſieurs monnoyes de diuerſes valeurs, comme ſoubs le nom d'escu eſt compris le ſoleil, & la couronne, ſoubs le nom de ducat ſont entenduz ceulx d'Italie & d'Eſpagne: Auffi ſont entenduz diuerſes a Paris la liure tournois, & la liure



liure Parisis, si est fait contract, duquel le pris soit conceu par escuz ou ducats, & ne soit déclaré d'esquels les contrahés ont entendu parler, est demandé d'esquels la conuention se doit entendre: Est respondu, que telle conuention premierement se doit entendre de l'espece, de laquelle il est vray semblable, que les parties ont entendu parler. C'est la forme de deliurer les conuentions obscures des contrahens, que lon regarde au negoce & qualité d'iceluy, pour cognoistre qu'elle a esté la volonte des parties

*a l. in obscuro. ff. de reg. iur.*

contrahentes, *In obscuris* (dict le Iuriconsulte) *inspici solet, quod verisimilius est:* *a* Accur- se exposant ceste loy, pose exemple de la chose vendue pour dix liures, sur le doubte, si telle vèdition se doit entendre de liures de Veronne, ou des Imperialles, il dict, que si la chose vendue estoit telle, qu'elle valoit plus de dix liures imperialles, qu'il est vray semblable que les parties ont entendu contracter de la liure de Veronne: & au contraire si la chose estoit de moindre pris, si par verisimilitude l'on ne peut déclarer à qu'elles liures les parties ont contracté, il fault déclarer leur conuention suyuant la coustume obseruee au lieu ou à esté fait le contract, c'est à dire, ce que le plus communement à accoustumé estre gardé au pays, ou le contract à esté fait, *b* Comme a Paris lon à accoustumé vser de tournois & paris: Si vn fonds

*b d. l. in obscuris. l. semper in stipulationibus. ff. de reg. iur.*

est

est vendu mil liures sans expression de qu'elles par ce qu'au commerce l'on à accoustumé vser plus de liures tournois que de paris le pris sera entendu de liures tournois non de paris. Mais si par coniecture ne verisimilitude, ne par coustume ne peult estre déclaré, de quel denier les parties ont entendu en leur conuention, elle sera entendue de celui qui est le moindre. Ces trois cas sont comprins en ces mots d'Ulpian, *Nummis indistincte legatis hoc receptum est, ut exiguiore legati videantur, si neque ex consuetudine patrisfamilias, neque ex regione unde fuit, neque ex contextu testamenti possit apparere.* *c* Laquelle decision si elle à lieu és testaments, à plus forte raison doit estre obseruee és contracts, *d* & si l'on suruient dispute duquel lieu on doit obseruer la coustume, ou du lieu, ou la chose se doit bailler, ou bien ou elle est située: *e* Albericus *e* est d'aduis que lon doit obseruer le lieu du contract. *f* Autant en fault dire és questions douteuses des poix & mesures.

*3* Est proposé autre demande sur le fait qui sensuit: Le malheur des guerres ciuiles (qui ont tout deregle en ce Royaume) aussi l'insatiable auarice de ceulx qui ont retiré du peuple la monnaie monnoye de Billon: ont apporté ce mal, qu'elles especes de monnoye d'or & d'argent qui sont apreciees par les edicts des Roys, sont mises à plus hault pris, qu'il n'est porté és ordon-

*c l. nummis. ff. de leg. 3.*

*d Pet. Iacob. titul. de cert. cond. gene.*

*e ex stipul. §. 1. versic. sed quid si non fuisset.*

*f In l. si fundus ff. de emptio.*

*g arg. d. l. si fundus. & l. an in totum.*

*C. de edific. priuat. l. vendito. §. conflat ff. commun. predi.*

nan-



nâces. Vn marchand achepre marchandie pour mil liures, en payement desquelles il presente des escuz sol à soixante & cinq sols piece, qui par les edicts sont à soixante sols seulement, le creditur les refuse la question est fil à iuste cause de refus: il semble que non, car la valeur du denier doibt estre entendue celle, selon laquelle il à cours entre les marchands, & au cōmerce par commun vsage & obseruance, & ce qu'est dict, que la valeur du denier depend de l'auctorité publique, doibt estre plus entendu de la valeur à laquelle la monnoye est exposee entre les marchands & autres personnes, que de la valeur imposee par le Prince, car la loy qui à mis pris au denier à lieu en tant qu'elle est par vsage obseruee par le peuple, tellement que le non vsage d'icelle l'abolist, *Nam ipsa leges* (dict Iulian Iurifconsulte) *nulla alia ex causa nos tenent, quā quod iudicio populi recepta sunt,* & en l'exposition de la monnoye, on considere principalement comme elle à cours entre les marchands, par ce qu'est escript en Genese qu'Abraham paya à Ephron pour le champ ou il enseuelit Sarra quatre cens sicles d'argent, ayant cours entre les marchands. A ce propos *Franciscus Aretinus* b requis de donner conseil sur le faict qui s'ensuit: Le ducat par ordonnance ou statut de Florence estoit à quarante & deux sols, toutesfois entre les marchands il auoit

a l. de quib.  
ff. de legib.

b. consil. ii.

auoit cours à quarante cinq sols: vn achepre du sel ou autre marchandie, qu'il veult payer en ducats, à la raison de quarante cinq sols le ducat. Le vendeur le refuse, & le yeult recepuoir à quarante & deux sols seulement: Sur ce doute Aretin donne aduis pour l'achepreur. Pour l'opinion contraire est dict, que la force & auctorité de la monnoye depend du public, c'est à dire en monarchie du Prince, & en Oligarchie de la republiq: sont ceux qui ont droit de forger ou faire forger monnoye, & de luy imposer pris, ce que ne peult estre faict par les priuez, qui n'ont auctorité de cōmander & droit d'estre obeiz, comme est requis en celuy, qui forge monnoye pour l'vsage de son peuple, avec lequel la monnoye doibt auoir cours selon le pris qui luy est imposé par le Prince. c Contre laquelle ordonnance du Prince ne doibt valloir la coustume des marchands & autres qui au commerce ont ou haussé, ou rabaisé le pris de la monnoye. Premièrement par ce que les priuez ne peuuent imposer pris à la monnoye, & ou ils l'auoyent faict par tant de fois, & si frequēment pratiqué, que ce fust torné en espeece d'vsage ou coustume. Cest corruption ou abus, qui ne doibt estre entretenu, comme nous auons escript au c. 6. du 3. lib. de nostre Paraphraze des dixmes, car si coustume est accord, ou conuētion publique, d & que les pa-

Etions ff. de legib.

c l. fin. C. de  
ver. numis. po  
test. lib. ii. C.  
Bart. in l. i. co  
dem tit. & in  
l. qui falsam.  
C. ad leg. Cor.  
de fals.

d l. sed & ea.



e *Liurigen-* tions qui sont faictes cōtre les loix, ne doib-  
*tium. §. & ge* uent estre gardees & obseruees. e L'vsage de  
*neraliter. ff.* mettre les especes d'or à plus hault pris, que  
*de pact. l. ge-* celuy qui est porté en la loy du Prince, ne doibt  
*neraliter. ff.* estre gardé: f Car ce qu'illicitement à esté in-  
*de verb. obli-* uenté, ne doibt estre confirmé pour coustume,  
*gat.* & le long vsage ne le doibt faire valoir pour  
*f. c. nulla. c. si* loy, g sinō que telle vsance fust confirmee par  
*consuetudinē.* tacite consentement du Prince, qui en ses affai-  
*c. frustra. c. cō-* res receust, & mit la monnoye au pris qu'elle à  
*suetudo. §. di-* cours entre les marchāds, ou qu'il eust enuoyé  
*stinct.* lettres missiues a ses recepueurs, de recepuoir  
*g. const. Insti.* les monnoyes à pris plus hault que celuy de son  
*134. §. porro* ordonnance, comme quelques fois est arriué,  
*nonnulla.* ce confirmeroit & auctoriseroit l'vsage, auquel  
 puis q le Prince se seroit soubs mis il seroit rai-  
 sonnable qu'il fust obserué entre ses subiects.  
 A pareille raison si tel vsage estoit cōfirmé par  
 trois ou quatre ans en presence du Prince & de  
 ses officiers, qui ny auroyent contredict, seroit  
 raisonnable y obeir pour le tacite consente-  
 ment du Prince, qui y interuiendrait. h

b *l. diuturna.*  
*l. cā m de con-*  
*suetudine. l.*  
*sed & ea. ff.*  
*de legib.*

### Sommaire du dixseptiesme Chap.

- 1 La cognoissance du crime de faulce monnoye appartient au Roy & a ses officiers.
- 2 Soubs le priuilege de faire monnoye n'est compris la puissance de cognoistre du crime de fau-

- faulce monnoye.
- 3 Quand la monnoye est falsifiée par la personne publique.
  - 4 Le priuilege de faire monnoye d'une espece, n'est extendu à l'autre.
  - 5 La monnoye est falsifiée par les priuex.
  - 6 Peine & punition de faulx monnoyeurs en Egypte.
  - 7 Peine des faulx monnoyeurs soubs Neron.
  - 8 Les faulx monnoyeurs sont declarez criminels de l'aze maiesté.
  - 9 Que c'est que crime de l'aze maiesté.
  - 10 Crime de l'aze maiesté au second chef.
  - 11 Crime de faulce monnoye & de l'aze maiesté au second chef.
  - 12 Peine du feu & de confiscation de biens, ordonnée contre les faulx monnoyeurs.
  - 13 Le droit de confisquer appartient au Roy seul.
  - 14 Plusieurs communantez & seigneurs s'attribuent droit de fisque.
  - 15 Les seigneurs ne peuuent confisquer fors es cas exprimez.
  - 16 La confiscation pour crime de faulce monnoye appartient seulement au Roy.
  - 17 Si les confiscations des immeubles doibuent estre ingees au proufit du Roy, ou des seigneurs desquels ils sont tenuz.
  - 18 La deuolution du fief se faict au prochain seigneur



- neur pour l'offence faicte au superieur.
- 19 De droict Canon, les biens confisque pour crime d'herisie appartient aux seigneurs.
- 20 Par le crime du vassal n'est derogé au droict de patronnage.
- 21 Confiscation des immeubles par les coustumes de France doit estre iugée au proufit des seigneurs.
- 22 Le droict de confiscation competant aux seigneurs en certain cas, n'est extédués autres.
- 23 Les coustumes ne disposent que les biens soyent acquis aux seigneurs des fiefs pour crime de faulce monnoye.
- 24 Le droict des seigneurs, quand la confiscation des terres de leurs subiects est iugée au proufit du Roy.
- 25 Le crime de faulce monnoye n'est contre les seigneurs de fief.
- 26 Le Prince ne peult faire hommage à son vassal sans diminution de sa maieste.
- 27 Le Prince doit aliener l'immeuble tenu de son subiect, ou bailler homme qui luy obeisse.
- 28 Si le Roy doit acquieter les debtes des condēnez les biens desquels ont esté confisque.
- 29 Si les seigneurs doyuent payer les debtes de leurs subiects, les biens desquels sont confisque, à leur proufit.
- 30 Diuerſes causes de confiscation.
- 31 Des causes de reuerſion qui ne sont comprises

de

de l'infodation.

- 32 Commis de la chose feodale pour cause lucrative.
- 33 Confiscatiō du fief pour le crime ou coulpe du vassal est iugée acquēst.
- 34 Le vassal ne peult preiudicier au droict d'hypoteques par luy contractées.
- 35 Arrest de la cour sur ce propos.
- 36 Si les biens confisque sont du domaine du Roy.
- 37 Quand les biens doivent estre dictz incorporez au domaine & inalienables.
- 38 Si la disposition de confiscation du faulx monnoyeur à lieu en celui qui expose la faulce monnoye.
- 39 Excuse de l'expositeur de la faulce monnoye quand il la exposee sans dol.

## Du crime de faulce monnoye. Chap. 17.

**V** parauāt que traicter des faulx monnoyeurs & de leurs peines, est vtile entēdre q. cōme au Roy seul appartient le droict de faire la monnoye, aussi appartient à ses officiers droict de cognoistre & iuger de la faulce monnoye priuatifiquement à tous les autres iuges de ce Royaume. Nonobstant que la monnoye falsifiée fust de l'un de ceulx à qui le

K Roy



Roy à donné le priuilege de la faire, ainsi q'il a esté iugé par arrest cōtre le seigneur de Neuers, car en telle fabrication l'auctorité du Roy est <sup>2</sup> plustost violee, que le priuilege, & si le prince par le priuilege par luy octroyé accorde la iurisdiction sur les faulx monnoyeurs, il se doibt entendre pour chastier les faulx monnoyeurs de leur monnoye, non de celle du Roy, surquoy est à noter auoir esté iugé par plusieurs arrests que le crime d'exposition n'est Royal, & que ceux qui ne peuuent cognoistre de la fabrication de la faulce monnoye, ont la cognoissance & pouuoir de iuger de l'exposition.

Ce entendu est à noter que la monnoye est falsifiée par la personne publique, ou par la priuee: la publique est le ministre du Prince ou de la republique, c'est le monnoyeur, lors qu'il ne <sup>3</sup> faict la monnoye du poix, ou d'aussi bon alloy, qu'il doibt estre. Quel alloy par les docteurs est dict *Ligna* quand le moindre metal est alloyé avec le plus noble, ce qu'est licité par l'ordonnance iusques à certain poix, & si est melloyé & mixtionné plus de metal vil avec l'or ou argent par le monnoyeur qu'il ne doibt il commet falsité, de laquelle parle Constantin en ces mots, *Si quis nummos falsa effusione formauerit*, lesquels mots doibuent seulement estre entenduz du monnoyeur public, qui commet falsité en la fonte de la matiere de la monnoye: &

nc

ne peult se texte estre entendu du priué, car encōres qu'il face la monnoye d'aussi bon alloy, que celuy duquel est ordonné la bonne monnoye estre faicte, neantmoins elle est tousiours faulce. Aussi le monnoyeur faict la monnoye faulce si la marque d'autre marque, qu'il ne doibt, comme fist le Roy des Arabes, qui fist forger de la monnoye d'or de son image, qui debuoit estre marquée de l'image de l'Empereur du temps de Iustinian second, qui fut cause que l'Empereur luy courut sus dauantage. La personne publique est dicté falsifier la monnoye, lors que celuy qui a obtenu priuilege d'en faire d'une espeece de metal (comme d'argent ou d'arain) il en faict d'or (comme quelquesfois à faict le Duc de Bretagne contre le priuilege à luy accordé à Angers, pour raison dequoy il fut disgratié du Roy de France.

En ceste espeece de faulx, tombent les monnoyeurs, lesquels par les ordonnances du Roy ne peuuent ouurer & frapper monnoye, fors de la matiere & forme qui leur sōt prescrites par le Roy, & les generaux des monnoyes, s'ils en forgent d'autre espeece.

Par les priuez la monnoye est falsifiée, lors qu'ils sont si temeraires de la faire, sans qu'ils puissent s'excuser, pour la forger de bonne matiere & de la mesme bonté, que celle qui est faicte en la monnoye publique. Car ce ne les

K 2

fausse



a l. 2. C. de  
fals. monet.

b l. 2. C. de  
fals. monet.

c lib. 2. de  
inuentio.

faue, de ce que doleusement & faulcement ils  
contrefōt la marque & forme publique en me-  
tal, pour le faire ressembler la bonne monnoye,  
& tenir sa place, dont la faulce monnoye est di-  
cte (Adulterine) & le faulx monnoyeur *Adul-*  
*ter a.* Car ce verbe *Adultero* signifie par fines-  
se contrefaire quelque chose pour la faire re-  
sembler à la bonne. *Diodorus Siculus* escript, q̃  
les Egyptiens coupoÿēt les deux mains aux cō- 6  
uaincuz de faulce monnoye, ce qu'immita Gal-  
ba commandant en Espagne soubz Neron, le-  
quel coupa les mains aux monnoyeurs ou aux  
argētiers falcifians la monnoye, & les fist coul- 7  
dre & attacher à leurs magasins. Quelle espee  
de peine semble auoir esté pratiquée en Gre-  
ce par la loy escripte au 9. liure du Vasilicō, par-  
laquelle au tiltre de *Adultero 6. monet.* la peine  
du faulx monnoyeur est ordonnee, d'auoir la  
main coupee, ce qu'est noté estre extraict du  
Prochirum ou abbrege des loix de Constantin  
lequel pour declarer la grandeur & atrocité de  
ce crime (qui au parauāt estoit seulement puny  
comme falsité) dict que les conuaincuz d'ice-  
luy sont criminels du crime de l'æze maiesté b.  
Ce qu'il fault entendre au second chef, non au 8  
premier, auquel proprement sont compris  
ceulx, qui ont entrepris, ou coniuuré contre l'e-  
stat de la republique. Ciceron c ainsi le decla-  
re, *Maiestatis crimen* (dict il) *illud est, quod ad-*  
*uersus* 9

*uersus populum Romanum eiusve securitatem cō-*  
*mittitur.* aussi estoyēt dictz coupables de ce de-  
lict, ceulx qui violoyēt le magistrat (dict le Tri-  
bun du peuple) duquel crime *Rabirius* fut accu-  
sé & deffendu par Ciceron. Apres que le peu-  
ple ont transporté en la personne des Empe-  
reurs l'auctorité & puissance qu'il auoit, fut di-  
cte la Maiesté des Empereurs, & ceulx qui atē-  
tent contre leur personne & leur estat, sont  
dictz criminels de l'æze maiesté au premier de-  
gré, qui proprement sont dictz *Perduelles*, & le  
crime *Perduellio*.

10 Le crime de l'æze maiesté au second chef est  
le crime de la faulce monnoye, l'auctorité du  
magistrat ysurpee par la persōne priuee, & au-  
tres cas designez es loix d: parquoy il y a dif-  
ference entre le crime de l'æze maiesté & de  
*Perduellio* comme entre le genre & l'espee.

Vlpian e note vne difference digne de mar-  
que, que celuy qui est accusé de *Perduellio*, 11  
c'est à dire, de crime de l'æze maiesté au pre-  
mier chef, lequel la loy declare, *Qui hostili ani-*  
*mo aduersus Rempublicam vel Principē anima-*  
*tus est*, encor qu'il meure pendant l'accusation,  
neantmoins son heritier le doit purger & iu-  
stifier, autrement son heredité doit estre con-  
fisque, mais si aucun est accusé de l'æze maie-  
sté, *ex alia causa* (comme dict Vlpian) *mortuo*  
*crimine liberatur*, de laquelle decision il sensuit



que si aucun accusé de faulce monnoye meurt pendant l'accusation le crime est estaint.

f. act. 3. in  
Ver.

Par ceste difference, il semble que la peine du crime de faulce monnoye debuoit estre seulement l'exil *ex lege Cornelia de falsis* (dicté par Ciceron f) *Nūmaria*, qui est l'ancienne peine de l'axe maieſté au second chef, sinon que Constantin corrigeant l'ancienne loy à ordonné peine de mort contre les priuez faulx monnoyeurs, & peine de feu & confiscation de tous biens contre les ouuriers publiques cōmettās

g. l. 1. & 2. C.  
de fals. monet.

falsité en la fabrication de la monnoye g. parce que le delict est plus grand de celui qui delinque sous la conuerture de l'auctorité publique. Quelle acerbité de peine auourd'huy est pratiquée contre tous faulx monnoyeurs, avec la confiscation des biens des condemnez, qui sont adiugez au Roy: qui seul & autres Princes souuerains confisquent h. Ce que le mot (de fisque) nous enseigne assez sans autre prouue, car par iceluy sont entenduz les biens du patrimoine de L'empereur, comme par le mot *arariū* les deniers publicz. Quels mots ont esté cōfonduz apres que les Empereurs à la perte du peuple ont confondu les deniers publicz avec ceulx qui estoient destineez à leur priué entretenement, & depuis le mot (de fisque) & les choses fiscales ont sans difference esté declarées les choses du Prince i, dont est tiré le ver-

h. Bart. Luc.  
de pen. & Io  
an. de Plat. in  
rubric. de iur.  
fisc. lib. 10. C.  
lib. 1. de bon.  
vacat. lib. 10.  
C.

i. l. bene a Xe  
ac. S. sancti-  
mus de quad.  
presc. C. & 10.  
to titul. de iur.  
fisc. lib. 10. C.

es les choses du Prince i, dont est tiré le ver-

be

be *Confiscare*, qui signifie acquerir au fisque, c'est à dire au Prince. Ceneantmoins plusieurs communautéz & seigneurs honorez de fiefs à l'exéple du fisque de L'epereur, & du Roy ont nōmé leurs droicts domaniaux & seigneuriaux,

14 fiscaux, & par les ordonnāces du Roy les procureurs d'office des seigneurs, sont diēts fiscaux, mais pour ce ils n'ont les droicts fiscaux, qui sont royaux & imperiaux: l'usage desquels leur est interdit k, & ne peuent les seigneurs de fief cōfiscuer les meubles & possesiōs de leurs vassaux, fors es cas exprimez en leurs concessi-

lx. c. viii. que  
sunt regal.

ons, & par les coustumes des pays, ou ils sont assis: Les coustumes d'Anjou art. 142. & du Maine art. 147. ont bien noté la propriété du verbe (confisquer) car elles disposent, q̄ quand pour forfaiture le fief du vassal est commis au seigneur suzerain superieur, ce n'est confiscati-

15 on, mais perte de fief: Lesdicts droicts de confiscation & perte de fief comme odieux & contre la disposition du droict, l ne peuent estre extenduz a autre cas que ceulx qui sont exprimez esdicts coustumes: dont sensuit qu'au moyen que la cognoissance du crime de faulce monnoye, n'appartient aux seigneurs haults iusticiers de ce Royaume, & ne leur est donné pouuoir de confisquer pour iceluy. Que la confiscation qui sera iugée pour le crime de faulce monnoye ne peult appartenir au seigneur feo-

l. In auth. be-  
na damnato-  
rum. C. de bō.  
damnat. et s.  
fin. in auth. vt  
nulli iudic. li-  
ceat.

K 4

dal



dal, duquel sont mouuantes les possessions confiscées.

Ce qu'à esté dict que les biens des condamnés de faulce monnoye doibuent estre confiscés, doit estre limité es pays d'Anjou & du Maine, par la coustume desquels es articles cy dessus cottez est disposé, que confiscation en matiere criminelle n'a lieu, fors en deux cas, en crime d'hérésie, & de l'èze maieité, en laquelle disposition pénale le crime de l'èze maieité doit estre entendu au premier chef en la propre signification de l'èze maieité (dict *Perduellio*) quand l'offence est faicte contre la personne du Prince, de la Republique, ou de leur estat & non de crime (qui est dict de l'èze maieité au second chef) qui à proprement parler n'est de l'èze maieité, mais par extension faicte par la loy.

Or les loix, qui disposent des peines, ont lieu es crimes veritables, & non en ceulx qui sont dictés ressembler aux veritables, a ce qu'il ne soit faicte extension des peines d'un crime à l'autre dissemblable, contre la dispositiō de la loy, qui veult, que les peines par interpretatiō soyent adoucies, & qu'il ne soit faicte en icelles extension de l'un cas à l'autre.

Partant lesdictes coustumes ayant ordonné confiscation en crime d'hérésie & de l'èze maieité, qui se doit entendre au premier chef, sous

*Interpretatione. ff. de pen. l. factum §. fin. ff. de reg. iur. l. cum quidem. ff. de lib. & possib.*

sous lequel le crime de faulce monnoye n'est compris, & dict, qu'es autres crimes confiscation n'a lieu, l'on ne peult esdicts pays iuger confiscation pour ledict crime de faulce monnoye, comme n'estât compris sous la disposition du statut, par lequel confiscation doit estre iugée: combien que ie sçay qu'il a esté autrement cy deuant iugé plusieurs fois, sous l'erreur d'auoir compris le crime de faulce monnoye sous le crime de l'èze maieité.

17 Est demandé si la confiscation des immeubles qui ne tiennent du Roy, sera iugée à son profit ou du seigneur de fief duquel les choses confiscées sont mouuantes. Ceste question est proposée par Guido Papa. *Specule* o & *Ordre* p pour y satisfaire semble que la confiscation de tels biens ne peult appartenir au Roy & doit estre iugée au profit du seigneur de fief par la constitution de *Fridericus* q. Ou par express est contenu, que si un vassal a offensé le seigneur suzerain & supérieur de ses prochain seigneur, pour laquelle offence il doit estre privé de son fief, telle priuation ne doit torner au profit du seigneur offensé, mais du prochain seigneur, duquel les choses sont mouuantes. Ce que *Gonterius* du iugement de *Cinas*, a mieux expliqué que tous les docteurs feudalistes en ces vers,

*Si tuus ex feudo cuiquam vassalus id ipsum*

*Con-*

*n. 9. 34.  
o. titul. de hō  
mag. & fide-  
lita. §. quoni-  
am super. nu.  
63.  
p. consil. 17.  
q. c. imperia-  
lem. §. fin. de  
prohib. feud.  
alienat. per  
Frederic.*



*Contulit, atque tuo vassalum munere fecit  
Ipse sibi, si forte tuam iam tertius ille  
Successor meruit factis atrocibus iram,  
Nec tibi pro culpa domino mediante secundo  
Fecerit ipse satis, reprobato protinus illo,  
Ad dominum redeant, feudalia iura secundum,  
Si tuus ille suum tibi conciliare fidelem,  
Spernit, & aut torpēs, aut perfid⁹ ipse probatur.  
Ambobus spretis ad te tua iura recurrunt.*

A ce propos est disposé par le droit Canon, 9  
que si les biens d'aucuns sont exposez en proye,  
par ce qu'il est déclaré conuaincu de crime de  
læze maïesté, ou d'hæresie, que ses biens im-  
meubles sont acquis aux seigneurs des fiefs, ou  
communautéz, d'esquels ils sont mouuans. *f. c. felici. 5.  
si qua vera  
fenda. de pen.  
lib. 6. excommu-  
nicamus de he-  
ret. in antiq.  
c. vñc. quib.  
mod. feud. a-  
mit. et c. vñc.  
qua sit prim.  
caus. bon. a-  
mit.*  
Ce qu'est fondé sur raison fort equitable, car le  
vassal par son crime se rend indigne de tous les  
biens feodaux, qui pource luy sont ostez, & re-  
tournent à leur origine, de laquelle ils sont par-  
tiz, qui est au fief du prochain seigneur, & Le-  
quel se peult tousiours opposer & empescher  
que portion de son fief, qu'il à alienee pour icel  
le retourner à luy à deffault d'homme, ou an-  
antissement d'iceluy, soit adiugee au seigneur  
suzerain & superieur, car tel est le droit de fief  
& patronage, auquel n'est derogé par la con-  
fiscation des biens du vassal, par le moyen de  
laquelle le fisque peult seulement demander les  
biens de lafranchy, hors la portion qui appar-  
tient

tient au patron, si l'afranchy fust mort au para-  
uant la confiscation de ses biens. *v. l. si in li-  
bert. ff. de bon. libert.* Or adiu-  
ger au Roy les biens qui sont es fiefs & patrona-  
ge de ses vassaux, c'est les priver de leur droit  
feodal, car le Roy ne peult estre vassal, de son  
vassal. Partant semble qu'il est impossible con-  
fisque au proufit du Roy les immeubles sis es  
fiefs de ses vassaulx, & que lors que les biens  
d'aucuns sont confisque ( soit pour crime de  
læze maïesté ou autre ) que les herirages tenuz  
des fiefs des vassaux du Roy leur sont acquis,  
comme à eux retournent par deffault d'homme  
ou adnihilation de subiect, comme dict Alexan-  
dre: *x. duquel aduis est Ian Fabre, y & Ol-  
y In auth. bo-  
na damnato-  
rum. C. de bõ.  
dam.* drade en vn consile, & auquel il tesmoigne a-  
voir entendu l'usage de France estre tel, Ce qu'  
est exprimé par plusieurs coustumes, par les-  
quelles par expres est porté: Qui confisque le  
corps confisque les biens, & appartient la con-  
fiscation au seigneur hault iusticier, sous le-  
quel sont les biens du criminel condamné. La  
coustume de Bourbonnois art. 349. adiuste  
que la confiscation est acquise au seigneur des  
fiefs sans autre declaration, & pour ne preiudi-  
cier à ce droit des seigneurs, la cour quelques-  
fois dict es iugements de confiscation les biens  
du condamné confisque à qu'il appartiendra.  
Au contraire pour le droit du Roy est dict,  
qu'il y a certains cas, esquels les fiefs & choses  
tenu-

*x. consil. 88.  
3. col. volum.  
3. quod incip.  
Sempronius  
filius.*

*y In auth. bo-  
na damnato-  
rum. C. de bõ.  
dam.  
x. consil. 17.*



tenues des vassaux du Roy: leur retournent par droit de commis, ou de confiscation, comme <sup>22</sup> au crime de felonnie, d'ingratitude, & autres cas exprimez és droicts des feudes, <sup>a</sup> lesquels ne nous obligent en ce Royaume, par ce que sont droicts particuliers des Lōbards ramassez par *Gerardus Niger*, & *Aubertus de Orto* iuriconsulte & citoyens Milannois. Mais neantmoins esdicts cas en plusieurs lieux de ce Royaume y a priuatiō de fief, par ce que telles sont les coustumes vocales conformes à celles des Lombards, lesquelles contiennēt cas particuliers & odieux, esquels le vassal est priué de son fief, qui est acquis au seigneur suzerain, & pour ce par identite de raison ne sont extendues à <sup>b</sup> autre cas pour faire pareille decisiō, <sup>b</sup> & par le moyen d'icelles coustumes, les iuges és crimes de lāze maiesté & de faulce monnoye ne peuuent adiuger les immeubles des condemnez aux seigneurs des fiefs, desquels ils sont tenus. Car par icelles n'est dispose, que les biens des condemnez pour lāze maiesté & faulce monnoye, soyent confisquezz au proufit des seigneurs, desquels ils sont mouuans. Partant la confiscation des biens iugee pour crimes de lāze maiesté & faulce monnoye suiuant la disposition de droit appartient au Roy: nonobstant la disposition du chapitre *Imperialem*, qui doit estre entendue au cas d'offense faicte par le

le vassal au seigneur suzerain & superieur de son prochain seigneur, autre que le Roy ou L'empereur, comme demonstre la lecture du texte en la fin, duquel par expres est reserue le faict du Roy, ou de L'empereur. Ainsi ce texte est declare par *Specule*, & *Guido Papa* és lieux cy dessus alleguez.

Dauantaige les droicts feodaux ont seulement ordonné, que le vassal pert son fief au proufit de son seigneur, lors qu'il l'a offensé, ou delinqué contre luy, ou son seigneur suzerain. Et si le vassal pour autre offense est priué de son fief, ce n'est au proufit de son seigneur, mais de ses prochains parens autres que ses enfans. <sup>c</sup> Parquoy le seigneur sans cause demande, que la confiscation des choses tenues de luy tourne à son proufit, lors qu'elle est iugee pour crime de lēze maiesté, ou de faulce monnoye, car ces delicts ne sont contre les seigneurs de fief, & en consequence la confiscation ne leur appartient. Ains au Prince pour reparation de l'offense commise contre sa maiesté: pour reuerence de laquelle tous les docteurs limitent les statutz, qui veulent que les confiscations appartiennēt aux seigneurs des fiefs, qu'ils n'ayent lieu au crime de lēze maiesté *Specul.* & *Guido Papa* és lieux cy dessus alleguez. <sup>d</sup> *Masuer. tit. de pœn.* <sup>24</sup> *Boer. quest. 263. num. 7.*

Ne nuist l'argument que si les choses du fief

*c. vñ. §. fin. que sit pñ ma caus. bene sic. amittend.*

*d. Specul. & Guid. Pappæ in loc. supr. allegatis Mas. tit. de pœn. Boer. decis.*

du 263. n. 7.



du vassal luy sont acquises, que le vassal sera priué de son droict de patronnage, car le Prince<sup>24</sup> ne peult sans diminution de sa maiesté faire hōmage à son vassal, & ne peult luy estre subiect, car les fiefs en ce Royaume sont patrimoniaux & en ont les vassaux plaine disposition sans le consentement des seigneurs suzerains. Pour ce l'acquisition qui en est faicte au Roy par confiscation est comme de chose pecuniaire pour en<sup>25</sup> faire son proufit, ou autrement en disposer, & en ce cas appartiendront au seigneur de fief les ventes, retraict feodal & autres droicts seigneuriaux, ou s'il la veult retenir il doit bailler au seigneur de fief homme qui luy face les obeissances, telles qu'elles luy sont deües, comme est disposé par plusieurs coustumes de ce Royaume, à ce qu'il ne soit preiudicié aux droicts seigneuriaux du seigneur de fief. Ainsi par expres est contenu és droicts feodaux ce debuoir faire en ces mots, *Ex facto incidisse scio Frideri-*<sup>27</sup>  
*cum Principem nostrum cum ab initio Dux esset,*  
*& pro ducatu fidelitatem faceret diuino nutu, po-*  
*stea imperatorem creatum petita ab eo fidelitate*  
*pro ducatu potenti domino respondisse, Non teneri*  
*se fidelitatem facere, cum omne hominum genus si-*  
*bi fidelitatem debeat, & ipse soli Deo, & Romano*  
*Pontifici, sed cum insistente feudi domino de hoc cō-*  
*tenderetur, proceribus prudenter visum est, feudū*  
*amissum esse, vel alium ducem in Ducatu constitu-*  
*endum*

*endum, qui feudo seruire debeat, & domino fidelitatem faciat.* A ce propos est conforme l'ordonnance du Roy Philippes le Bel, de l'an 1304.  
<sup>27</sup> qui s'ensuit, *Si verò contingat, quod in terris ipsorum, vel aliorum subiectorum nostrorum aliqua fore factura nobis euenient, iure nostro regio infra annum & diem extra manum nostram ponemus, & hoc in manibus sufficientis hominis ad deseruiendum feudo, vel dominis feudorum, vel recompensationes sufficientes & rationabiles faciemus.* Par laquelle ordonnance il appert, que les confiscations des choses tenues des fiefs des vassaux du Roy luy peuuent estre adiugees, & de la forme de satisfaire aux droicts des seigneurs, quand à la disposition du droict Canon, *In c. felicitis in c. excommunicamus.* alleguez par Faber, ils ne comprennent nostre cas de confiscation des biens immeubles, sur lesquels les Papes ne peuuent rien disposer, car ils sont tenuz & possédez par les loix imperialles & des Roys. *e*

<sup>28</sup> Est demandé si le Roy (au proufit duquel la confiscation est iugee) doit acquieter les debtes du condamné, & plus fil est tenu entretenir les hypoteques, seruitudes, & charges imposées par le condéné sur les biens confisquez, ce que semble n'auoir difficulté, car le fisque succedat aux biens du priué est tenu acquieter ses debtes. *f* A ce propos Paule de Castre *g* note, que celuy duquel les biens sont cōfisquez est

*e c. quanto. 6. distinct.*

*f l. fiscus. ff. de iur. fisc.*

*Bart. in l. capit. ff. de si deiuss. per l. in fraudem ff. de iur. fisc.*

*g g. consil. 210. incip. circa primum notandum.*



*h* l. si debitor est deschargé de toutes ses debtes vers ses cre-  
*a deportato.* diteurs, *h* dont notent Ange, Balde, & Alexan-  
*ff. de fideiuss.* dre, *i* que si les biens d'aucuns sont confisquez,  
*i* In l. si ma- puis il impetre grace, si les biens ne luy sont ré-  
*rito in prin-* duz, il n'est tenu satisfaire à ses creditiers. Le  
*cip. ff. solut.* doubte est plus grand es cas de confiscatiō des  
*matr.* biens du vassal au proufit de son seigneur, es<sup>29</sup>  
 cas esquels par les coustumes la confiscation  
 des biens est acquise aux seigneurs, desquels ils  
 sont mouuans, fils sont tenuz payer les deb-  
 tes du condamné, & si les choses confisquées  
 demeurent subiectes aux hypothèques, & ser-  
 uitudes imposees par le vassal sur les choses cō-  
 fisquées. Tous les docteurs feudalistes sont  
 d'aduis que telles obligations & impositions  
 de seruitudes sont resolues, par le texte *In §.*

*Et ibi Bald. rursus. c. i. quib. mod. feud. amitt. k* Le texte est  
*Aluarot. Mar.* plus expres *In c. unico. §. quid ergo. tit. de inuestit.*  
*fand. & Car-* *de re alien. fact.* ou est escript, *Quid ergo si pratio*  
*da. Alexand.* *vel dolo, aut iniuria seruitutē rei beneficiaria im-*  
*poni patiatur, & ad dominum ex qualibet causa*  
*beneficium reuertatur, an ex eo preiudicium domi-*  
*no generetur quæsitum fuit, & responsum est, ut vas-*  
*falo quidem donec fundum teneat. possit obesse, do-*  
*mino autem, & si per longa tempora perseveraue-*  
*rit seruitus minimè noceat.* Ce qu'est déclaré a-  
 uoir lieu quand la reuersiō commis, ou confis-<sup>30</sup>  
 cation sont iugées pour la cause pour laquelle  
 par le droict des feudes, ou coustume du pays,

ou

ou par la concession feodalle les choses sont *l* *Authen. res*  
 subiectes a commis, ou reuersiō, *l* en ce cas *que. C. com-*  
 à lieu le brocart vulgaire, *Resoluto iure dantis re* *mun. de legat.*  
*solutur ius accipientis, m* & se doit imputer *m* *l. lex ve-*  
 le creditier d'auoir contracté hypothèque sur *Et ligali fundo.*  
 chose subiecte a reuersiō. *n* mais si la chose *ff. de pigno. &*  
 feodale tetourne au seigneur suzerain pour au *hypothec.*  
 tre cause, q̄ celle qui est portee par le droict des *n* *l. qui cum*  
 feudes, comme par contract d'achapt, d'eschâ- *alia. ff. de reg.*  
 ge bail à rente, ou autre tiltre volontaire. Les *iur.*  
 obligations, hypothèques & charges impose-  
 es sur la chose feodale y demeurent & ne sont  
 resolues. Ceste distinction est rapportee par *o* *q. 575.*  
*Guido Papa. o* & *Stephanus Bertrandus, p* qui *p* *Consil. 3. in*  
 est prise de ce qu'escrip Bartole. *r* Du Mou- *cip. inspecto.*  
 lin Iurisconsulte de tressolide iugement. *q* *q* *§. 13. gloss.*  
 n'approuue ceste distinction en tous les mem- *s. q. 5. & §.*  
 bres, & en faict autre qui s'ensuit, ou la chose *30. q. 2.*  
 feodale retourne au seigneur par les conuenti- *r* *In l. in di-*  
 ons portees par le contract, & en consequence *em. ff. de aqu.*  
 necessaire d'iceluy, sans le faict du vassal, ne qui *plu. arceud.*  
<sup>32</sup> le puisse empêcher, ce est consolidation du  
 fonds du vassal au fief du seigneur, & reuersiō  
 de la chose à son origine, & non acquisition. *f* *Anton. Bu*  
 Pour ce elle est faicte de la mesme qualité de la *trig. et Panor.*  
 chose, a laquelle elle est ioincte, *f* & sont reuo- *in c. cum ve-*  
 quees toutes les seruitudes & hypothèques *nissent in ult.*  
 crees sur les choses, ou elles sont commises *notabil. per il-*  
 au fief du seigneur par le faict du vassal, com- *lum text. de*  
*rest. spoliat.*

L

me



me pour festre desauoué pour crime de felonnie, ou pour autre cause, tel commis ou confiscation n'est naturelle reuerfion, ou reünion procedant du contract feodal, mais de l'accident du faict du vassal, & pour ce tel fonds ainsi comis doit estre dict proceder de cause lucrative & de qualité d'acquest. *t* Pour ceste opinion faict grandemēt ce qu'escript Vlpian, que les accroissements par aluuiou au fonds, sur lequel y à vsufuict constitué, est acquis au propriétaire, par ce que le fonds est la seule cause de l'accroissement sans le faict de l'vsufuictier. *v* Mais si le fonds voisin est acquis à l'vsufuictier par accident, & par son faict comme si le voisin auoit vne maison ruineuse, & qu'il soit condamné bailler caution, qu'il n'arriuera dommage de la ruine, a quoy il n'obeist, & pour sa contumace le fonds ruineux est adiugé à l'vsufuictier, iceluy finy l'vsufuictier ou son heritier retiennēt la maison adiugée, combien que le iugement ay cause sur la maison, en laquelle l'vsufuict estoit constitué. *x*

*x* *l. vsufu. Etu legato. ff. de vsufuict.* A pareille raison lors que le seigneur sempare du fonds confisqué ou commis par le crime & coulpe de son vassal c'est acquest, & non reuerfion naturelle. Pource il demeure obligé aux debtes, hypotheques, & seruitudes mises sur les choses confisquées, quelle opinion est soustenue, par ce que les fiefs & biēs qui en de-

pen-

pendent en ce Royaume, sont au patrimoine des possesseurs (c'est à dire en la plaine seigneurie & libre disposition de ceulx qui les tiennēt) soit pour les vendre, engager, ou hypothéquer comme les autres biens sans distinction.

34 Dont il sensuit, qu'apres que le vassal aura hypothéqué son fief pour quelques debtes, ou imposé seruitudes sur iceluy que par son delict, ou coulpe meritant confiscation de ses biens, il n'a peu preiudicier aux obligations & droicts, auxquels il sont affectez, car les crediturs ne peuuent perdre leurs droicts sans leur faict, & sont acquis les biens par confiscation aux seigneurs des fiefs, charges de debtes hypotheques & seruitudes imposees par le vassal, a laquelle opinion accorde Choppin *c* par la raison cy dessus alleguee, *Est enim* (dict il) *aduentitia non naturalis resolutio*, & si autrement estoit dict, & que les obligations & hypotheques fussent resolues par confiscation: les choses feodales ne seroyēt au patrimoine de ceulx qui en sont seigneurs.

Tyraqueau *d* contredict a l'aduis susdict par l'auctorité de plusieurs docteurs, qu'il allegue l'opinion desquels a esté suyuy par la Cour de Parlement de Paris au faict qui sensuit, de la Rouueraye seigneur de Bressault par les gens tenans le siege presidial a Angers pour crime de felonnie par luy commis enuers messire

L. 2

Clau-

*a* *Fab. § fin. de re diuis. et*

*§. 1. de empt. et vendit. & in*

*§. item seruit. ana de act.*

*col. 12. & in*

*auth. ingress. C. de sacros.*

*b* *eccles. Pet. Iacob. in lib. ex*

*quib. caus. pos. su. amittat.*

*Guido Pap. q. 9. q. 133. &*

*130. l. id quod*

*nostrum. ff. de reg. iur.*

*c* *c. 12. lib. 3. de iur. doma.*

*d* *§. 3. glos. v. nic. m. 10. du*

*retract. con. uentionnel.*



Claude de Racape seigneur de Meignanne, & de Menil cheuallier de l'ordre du Roy & capitaine de ses gardes & pour meurtres & opprefions du peuple est condamné a estre decapité & la terre de Bressault declaree confiscuee au proufit de Racape comme seigneur de Menil, (dont la terre de Bressault releuoit) satisfactiō prealablement faicte aux crediteurs denōmez par la sentence sur ladiete terre de Bressault, & autres biens du condamné, la sentence par ce qu'elle estoit donnee par iugement souuerain est excecutee en la personne de Bressault, non obstant & sans auoir egard a son appel, le seigneur de Meignanne neantmoins en appelle, reliefue l'appel en la Cour de Parlemēt y faict inthimer les crediteurs, l'appellant conclud a mal iugé, en ce que par la sentence est dict, que les crediteurs seront preferez & payez sur la terre de Bressault. La Cour par arrest du septiesme iour de Septembre mil cinq cens soixante & quatorze met l'appellation au neant en emā dant le iugement ordonne que de Racape seigneur du fief dominant de la terre de Bressault sera preferé aux crediteurs, sans qu'ils puissent rien pretendre sur la terre reünie au fief dominant. Sauf aux crediteurs a se pouruoir sur les autres biens du condamné, & sans despens de la cause d'appel, la sentence au residu sortissant son effect. La cause duquel arrest peult auoir e-

sté

sté, par ce que la confiscation ou reünion de la terre de Bressault au fief dominant, est pour le crime de felonnie, pour lequel par la coustume d'Anjou le subiet pert son fief & retourne au seigneur. Mais en autre cas si la confiscation est iugee pour autre cause, que pour celle pour laquelle par l'inféodation, ou par la coustume y a perte & reuerfion de fief, les choses confiscuees demeurent hypotheees & obligees pour les debtes & contractz des condānez suyuant la distinction de Bartole Papa & Bertrā- dus cy dessus alleguee. Laquelle il semble que la Cour a suyuy en l'arrest qu'elle donna par contumace cōtre le defunct Admiral le 13. Septembre 1569. par lequel elle le declara conuaincu du crime de lāze maiesté au premier chef & ses biens feodaux mouuans immediatement de la courōne de France reünis retornez & reincorporez au domaine d'icelle, & tous ses autres fiefs & biens tant meubles qu'immeubles acquis & confisques au Roy, sur iceulx biens confisquez les parties interessees preallablement satisfaites & recōpensees. Par lequel arrest il apert de la reünion immediatement pour crime de lāze maiesté sans charge des debtes du condamné & de la confiscacion des autres biens a la charge des debtes. Par ce que tels biens ne retournent au fisque pour cause contenue en l'inféodation mais sont confisque



fisque pour delict. Aussi apert de la confiscation iugee au proufit du Roy des biens qui ne sont mouuans immediatement de la couronne & sont tenuz des vassaulx du Roy.

Auant finir les propos des confiscations se-  
ra vtile entendre, que les biens des condemnez ne sont du dōmaine du Roy incontinant qu'ils sont cōfisque. Et est requis au prealable, qu'ils soyent descripts & couchez par le general de la charge au rang des choses dōmanialles de la couronne. la description estre enuoyee en la chambre des comptes, pour y estre registree, & au recepueur du dōmaine des lieux, ou elles sont sises, le charger d'en faire recepte, & au controleur du dōmaine pour la controler, qui  
est la forme d'incorporer les choses confisquees au fisque, ainsi se doit declarer la loy *Si quis la premiere & ibi Ang. de bon. damnat. Bart. in l. fin. de bon. vacant. lib. 10.* Au parauant l'incorporation au fisque des choses confisquees ainsi faictes, elles ne sōt du dōmaine de la Courōne

*e. And. de l. in c. im perialem. §. praterca. col. penult. de probib. feud. aliepat.* inalienable par les ordonnances. e Et en peult le Roy disposer par vente ou autrement a son plaisir sans decret ne auctorisation de la Cour & chambre des comptes.

Ce que dessus a lieu es forgeurs de faulce monnoye, & rongneurs de la bonne, est doubte si pareillement doit auoir lieu en celuy qui expose la faulce monnoye, ce que la loy n'exprime

me pour ce Bartole *f. Abas g. & Salicet h.* sont d'aduis, qu'ils doibuent estre puniz de la peine des faulceres, i en France les exposeurs de faulce monnoye sont puniz de mort, & le plussouuent de confiscation de biens, non sans cause. Par ce que sans eux les faulx monnoyeurs ne peuuent longuemēt demeurer, & exercer leurs falsitez, & laroncins comme est dict des receptateurs, pour ce ils sont subiects a pareille peine. *lz.* Ce que doit estre entendu de ceulx, qui

39 sciemment & dōleusement exposent la faulce monnoye, & sera l'ignorance plustost presumee, que la science, pour la difficile cognoissance du bon denier d'auec le mauuais, en laquelle les plus auisez sont quelques fois trompez, car il n'y a chose qui tant ressemble l'un a l'autre, que les especes de monnoye de mesme forme les vnes aux autres.

Et ne sera l'excuse valable de celuy qui sciemment a expose la faulce monnoye, d'alleguer qu'il l'auoit receue d'un autre, qui au parauant l'auoit trompé, car la repliche de dol est bonne contre celuy qui la faict, mais non cōtre l'innocent, qui n'a deu estre fraudé de la trōperie d'autrui, dauantage celuy qui a entendu q la monnoye qu'il a receue estoit faulce, vsant d'icelle sciemment s'oblige a la peine de faulx. *l.*

*l. l. maiorē C. ad leg. Cornel. de fals.*

FINIS.







p

c/c 1877 BQ 12/05  
H/917.7



